



6

17-E

20



~~11-29-B-28~~

~~57 34
6
38~~

6-17-4-20

6-1/12-9

8.

1.

GEOGRAPHIA CURIOSA ET UTILIS

In selectis CXX. Propositionibus, captui
incipientium accommodata,

QUAM

In Alma Cæsarea, Regiæque Uni-
versitate LEOPOLDINA Societatis
JESU WRATISLAWIÆ

PRÆSIDE

Reverendo ac Eximio Patre, P. CHRI-
STOPHORO Heinrich è Societate JESU, SS. Theolo-
giæ Doctore, ejusdemque, in prænominata Universi-
tate, in Moralibus, & Mathematicum Professore Publi-
co, ac Ordinario.



*Publicè demonstrandam, ac defen-
dendam suscepit*

Perillustris Dominus PHILIPPUS BENIAMI-
NUS Eques ab HEYN, Silesius Leovallensis,
Physices & Mathematicum Auditor,

Anno MDCCX. Mense Augusto, Die
meridiem consuetæ.

Horis

NISSÆ, Typis JOSEPHI SCHLÖGEL, Civit. Typogr. +

SUB AUSPICIIS

Illustrissimi Domini Domini

**LAZARI
AMBROSII**

Liberi Baronis de Brunetti,

**Domini in magno Mahlen-
dorff, & Goldtschmieden.**

Sacræ Cæs., Regiæque Majestatis

**Supremæ per Superiorem, & Inferio-
rem Silesiam Curiae**

Con siliarij.

Domini Domini ac Patroni Gratiſſimi.

Illustrissime Domine Domine ,
Patrone Colendissime.



ORbem universum geographi-
cīs conatibus suis peragrans
Mathesis mea ; ubique peregrina,
apud te , Illustrissime Domine Domine,
tectum, & Patrocinium petere, apud
Te domicilium facere statuit, dum Tibi
dedicari ambit, & se totam humillimè de-
dicat, certa, nihil esse apud te peregrinum,
quod est eruditum; esse gratum & dome-
sticum, quidquid est literatum. Non ti-
met illa arceri à limine , quam cum om-
nia Scientia jam dudum in cor recepi-
sti. Non timet longiori commoratione
in Gratia consensescere, secunda, non prius
tibi displiceturam Doctrinam ; quam Tu
ipse tibi displiceas , in quo literatura om-
nis ad eam, quam tu feliciter affecutus es,
pervenit dignitatem, in quo summis, infir-
misque

misque placet Sapiencia. Princeps ille
affectus, quo in te inclinatae sunt, & in
clinantur summæ Orbis Mentes, JOSE-
PHUS & LEOPOLDUS Cæsares, men-
sura est Amoris, quo Tu amasti literas.
Sapientiam illi aestimârunt, & aestimant,
dum Te honorant. In te literas evehunt
ad dignitates, Tu literas tecum rapis ad
Subsellia, & infringis miserum illud For-
tunæ fatum, quò passim illa tantùm fugi-
tur, quantum acquisitu difficilis est, non
tantùm amatur, quantum omni Rei-
publicæ necessaria, & utilis. Vive diù,
aestimare diù, nobilissime literarum Ho-
nor, literatorum gloria, Illustrissime Do-
mine Domine. Mathesimeæ, omni imò
sapientum conatui feliciter patrocinaris,
dum Tu felix, & in Te felicissima est Sa-
pientia, quo efficis, ut cum omni literato-
rum turba, ipsa tua incolumitate, & felici-
tate tua vivam tibi

Aeternum obstrictus Client,

Philippus Benjaminus Eques ab Heyn.



PRÆLIMINARIA.

Propositionibus & Figuris intelligendis necessaria.

1. **Punctum** est, cujus pars nulla. Concipitur præscindendo ab omni dimensione Terminat lineam.
2. **Linea** est longitudo tantum, præscindendo ab aliis dimensionibus in latum, & profundum. Terminatur punctis.
3. **Linea recta** est, quæ ita ex æquo suis punctis terminantibus interjicitur, ut post unum punctum tota latere possit. Unde in delineationibus figurarum subinde exprimitur per unicum punctum, post quod tota latere intelligitur.
4. **Superficies** est magnitudo habens longitudinem & latitudinem tantum, præscindendo à tertia dimensione in profundum sive crassitiem. Terminatur lineæ, vel lineis.
5. **Superficies plana** est, cujus omnibus partibus linea recta accomodari potest. Totum latere potest sub linea recta; unde etiam in delineationibus subinde per unicam lineam rectam exprimitur, sub qua totum absconditum intelligitur, quasi à latere inspectum.
6. **Figura plana** est superficies plana, unà vel pluribus lineis undique terminata.
7. **Circulus** est figura plana, comprehensa circuitu unius lineæ, quæ *Circumferentia* seq. *Peripheria* dicitur, ad quam ab aliquo puncto intra illam contento (quod *Centrum* dicitur) ductæ lineæ rectæ omnes inter se sunt æquales.
8. **Diameter Circuli** in Fig. 1., est recta B.C. per centrum A. ducta & ad Circumferentiam utriusque terminata. Dividit semper Circulum in duos *semicirculos* æquales.
9. **Semidiameter** sive **Radius** Circuli, est dimidium diametri, ut A. C. vel A. F. recta ex centro ad peripheriam ducta in Fig. 1.
10. **Quadrans Circuli** est figura, quæ comprehenditur quarta parte circumferentiæ, & duabus rectis à Centro ad ejus extrema ductis, ut E. C. A. in Fig. 1.
11. **Grads Circuli** est una ex trecentis sexaginta partibus æqualibus, in quas tota Circumferentia cujuslibet Circuli dividitur. Ex his *semicirculus* continet gradus 180., *Quadrans* 90., *Sextans* 60., *Oblans* 45. Signum graduum esse solet parvulum o supra numeros positum.
12. **Minutum primum** Circuli est sexagesima pars unius gradus: nam quilibet gradus dividitur in sexaginta particulas æquales, quæ dicuntur *minuta prima*, vel *minuta*, sine addito. Quodlibet minutum primum dividitur in 60. *Secunda minuta*, quodlibet secundum in 60. *Tertia*, & sic porro. Prima notantur uno accentu acuto, Secunda duobus, Tertia tribus &c.

Fig. 1. A

13. An-

13. *Angulus planus* est duarum linearum in plano se tangentium & non in directum jacentium, alterius ad alteram inclinatio, ut in Fig. 1. C. A. F. Anguli *Lateralis* seu *Crura* sunt lineæ C. A. & A. F.; *Vertex* est punctum A., in quo se lineæ tangunt, quod communiter exprimitur per litteram mediam ex tribus illis quibus quilibet angulus designari solet.
14. *Angulus magnitudo* non desumitur à longitudine laterum ipsius, sed ab arcu Circuli C. F., in Fig. 1. qui ex ejus vertice A. tanquam ex Centro describitur. Diciturque angulus esse tot graduum, quot graduum est talis arcus; & ille major, cujus arcus est plurium graduum.
15. *Angulus Rectus* est 90. graduum, sive unius quadrantis Circuli, ut E. A. C., Fig. 1. qui ex altera parte semper habet æqualem rectum E. A. B., si producatur linea C. A. vel E. A. In uno Circulo sunt tantum 4. Recti, sicut 4. quadrantes.
16. *Norma* est instrumentum ex duabus regulis conjunctis, simul angulum rectum facientibus. Germ. *Winkelmaß*.
17. *Angulus obtusus* est Recto major seu plurium, quam 90. graduum, ut E. A. F. Fig. 1.
18. *Angulus Acutus* est Recto minor, & pauciorum quam 90. graduum, ut C. A. F. Fig. 1.
19. *Angulus Reſilivus* est, quem lineæ rectæ efficiunt, *Curvilineus*, quem Curvæ, *Mixtilineus*, quem curva, & recta.
20. *Angulos* etiam faciunt superficies & plana, dum sibi insunt, junguntur, vel se secant ad angulum rectum, obtusum, vel acutum, sicut paginæ librorum ad ejusmodi angulos possunt aperiri.
21. *Perpendicularis* seu *Normalis linea*, vel superficies una respectu alterius dicitur, quando cum altera facit unum, aut duos angulos rectos. Facillimè ducitur & collocatur ope *Normæ*.
22. *Perpendicularum* exprimitur filo, ex quo pondus affixum libere dependet.
23. *Secſtio duorum planorum* sese interſecantium semper est linea recta per 3. l. 11. Evclidis.
24. *Parallela*, sive *Equidistantes lineæ rectæ* sunt, quæ in eodem plano existentes, licet utrinque in infinitum protrahantur, æqualibus semper intervallis inter se distant; ut in Fig. 1. lineæ A. B. & C. D. *Intervalla* autem mensurantur lineis perpendicularibus, quales hic sunt *punctuata*, quæ etiam dici solent *occulsa*. Eodem modo distant *superficies parallela*, puta Circulorum, & aliarum figurarum.
25. *Spiralis linea*, seu *ſpira* flexu suo circulearem quidem imitatur non tamen reverſitur ad idem punctum, à quo disceſſerat, sed penes illud progreditur, prout oculo repræſentat circuitus ille, qui in vertebis, aut cochleis exprimitur.
26. *Corpus Mathematicè* ſumptum, sive *ſolidum* est, quod habet omnes tres dimensiones: *longitudinem*, *latitudinem* & *profunditatem* seu crassitiem. Terminatur unâ vel pluribus ſuperficiebus.
27. *Sphæra* est Corpus, comprehenſum una ſuperficie, ad quam ductæ omnes rectæ lineæ à quodam puncto intrâ ipsam contento (quod *Centrum Sphære* dicitur) sunt inter se æquales. Communiter *Globus* vocatur. In delineationibus exprimitur per Circulum descriptum, ut in Fig. 1.
28. *Orbûs* sæpe etiam pro *Sphæra* ſumitur, ſtriſtè autem est corpus concavum duplicis ſuperficiè ſphæricæ, exterioris & interioris, uti ex vitro formari ſolent.

29. *Diameter Sphæra* est recta per centrum ducta, & utrinque ad superficiem terminata, B.C. in Fig. 1. *Semidiameter* A.C.
30. *Axis Sphæra* dicitur illa diameter, circa quam tota Sphæra circumagitur, ut rota currus circa axem suum, vel potius, ut globulus Rosarii circa funiculum suum, extensum.
31. *Poli Sphæra* sunt extrema puncta Axis B.C. in Fig. 1.
32. *Axis Circuli* est linea recta transiens per ejus centrum normaliter, sive ita, ut faciat angulos rectos cum ejus plano, sicut transit axis ferreus per lapidem circumlarem, quo cultri acui solent, ut si, in Fig. 1. Circulum à latere visum exprimat linea B.C., axis ipsius erit linea E. D. *Poli* autem ejusdem *Circuli* erunt extrema axeos puncta E. & D.
33. *Convexa* est sphaeræ superficies exterior, *Concava* interior.
34. Si in sphaeræ superficie describantur Circuli variae magnitudinis, ex omnibus erit ille *Circulus Maximus*, cujus planum, saltém intellectu conceptum, transit per Centrum sphaeræ, habetque idem cum sphaeræ Centrum, cumque dividit in duo hemisphaeria æqualia. Alii omnes circuli in sphaera descripti dicuntur *Non maximi*, & sunt tantò minores, quantò sunt remotiores à Centro sphaeræ. In delineationibus Circulus maximus exprimi potest lineâ rectâ ductâ per Centrum Circuli, qui sphaeram repræsentat, ut in Fig. 1. lineâ B.C.; Circuli autem non maximi exprimuntur per lineas non transeuntes per Centrum sphaeræ, ut in sequentibus figuris patebit.
35. *Poli Circuli* in superficie sphaeræ descripti sunt illa duo puncta, ad quæ terminatur *Axis Circuli*, de quo num. 32. Quilibet polus ita undique distat æqualiter à peripheria sui Circuli, ac si ex ipso tanquam ex centro fuisset descripta. Distantia tamen unius poli non est æqualis distantiae alterius, nisi dum Circulus est maximus: nam ab hujus tantum peripheria Polus ejus semper distat quadrante Circuli.
36. *Circuli Paralleli* in sphaera sunt, qui servant æqualem inter se distantiam, ut fere circuli vasorum.
37. Si sphaera circa axem suum immotum convertatur, quodlibet punctum in ejus superficie, existens extra polos, describit Circulum; Maximum quidem si distet à polis quadrante Circuli, non maximum si plùs vel minùs distet. Circulus ille descriptus est via, per quam illud punctum circumfertur, sive rapitur à superficie sphaeræ, cui inhæret.
38. *Quadratus Pes* est figura quadrata cujus singula latera sunt unius Pedis, *Cubitus quadratus* est si sint unius cubiti, *Milliare quadratum*, si unius milliaris.
39. *Pes Cubicum* est corpus contentum sex superficiebus quadratis, quarum singula latera sunt unius Pedis. *Milliare cubicum* est, si ejusmodi latera sint unius milliaris.
40. *Linea horizontalis* aut *horizonti Parallela* (idem est de plano) tunc est, quando cum perpendiculo libere pendente facit angulos rectos.
41. *Libella* est instrumentum, Germ. *Grundtruaag*, cujus ope lineæ & plana horizontaliter collocantur. Communiter figuram gerit Triangularem, in qua latus infimum tunc obtinet situm horizontalem, quando ab illo ad angulos rectos erecta

- erecta linea concordat cum perpendicularo desuper appenso. Sed sufficit etiam solus angulus Rectus ut E.A. B. in Fig. 1. nam si ejus unum trus E.A. congruat perpendicularo, alterum A.B. semper obtinet situm horizontalem.
41. Divisio Circuli in suos gradus sic facillimè perficitur: Apertura Circini, qua Circulus descriptus est, in ejus peripheria semper capit Intervallum 60. graduum. Hujus dimidium accipe & priori intervallo adde, eritque intervallum quadrantis Circuli; cujus tres partes subdivide, quamlibet in tres, & harum quamlibet in duas, & harum quamlibet in quinque. Ab extremo cujuslibet decadis puncto ducitur recta ad Centrum; à quolibet autem gradu brevior, sed tamen centum versùs. Decadibus adscribuntur numeri. Divisio unius quadrantis aut sola sufficit, aut facillimè in reliquos transfertur. Eadem rectæ ad Centrum ductæ dividunt in suos gradus quemcunque Circulum ex eode. n Centro descriptum intrâ peripheriam divisam vel extrâ illam, etiam in ipsa Cœli superficie, si dictæ lineæ, per radium visualem eousque producantur, ut fieri solet, quando ope quadrantis divisi observatur, quot graduum sit astrorum altitudo, distantia inter se, vel ab alio puncto, &c.

PARS I.

Universi notitia ad Geographiam requisita.

UNIVERSUM, seu Mundum totum, ex Cœlo, Terræque compositum, ac præcipuè Cælum, in primis undecim Propositionibus, considerabim, non prout nobis apparet intrâ illud habitantibus, sed sicut oculo extra illud existenti apparet, si spectandum proponeretur, perinde ut figura impressa, quæ in exiguo plani chartacei spatio grandem illius molem repræsentat. Tali tandem contemplatione absoluta, revertemur super Terram, & intrâ universum existentes dispiciemus, qualiter sub aspectum cadant, & illa, quæ à foris vidimus, & reliqua insuper, quæ ex hac statione facilius partim intellectu, partim oculis conspiciuntur. Multarum Propositionum curiosarum fundamenta, & occasiones simul attingemus, sed ipsas Propositiones curiosas utilitè differemus, nè immatura aviditate fructum captantes, radices prævio cultu unicè necessario destituamus.

PROPOSITIO I.

De Cœli, Terræque Figura, loco, motu, & quiete, Axe & Polis Mundi. Fig. 3.

IN medio universi immota quiescit Terra, Circulo parvo repræsentata, quæ cum aqua unum globum, seu spheram constituit, ideòque *Terraqua*, vel *Orbù Terraqueus* dicitur. Superficiem illius in multis quidem partibus montes & fluctus redunt in æqualem, tantæ tamen molis rotunditati non officiunt. Ad ejus Centrum viâ brevissimâ, lineâ rectâ, tendunt gravia. Tendere ad illud est *tendere deorsum*, recedere ab illo est *tendere sursum*. Undique cingitur aëris regione infima, media, & su-

♂ *Suprema, aethere*, ac tandem Caelo, etiam instar Orbis vitrei sphaerico, quod hic magno Circulo representatur, & sine intermissione movetur circa Axem mundi A.B., mundique polos A. & B., ita, ut singulis 24. horis unius *diem naturalis* absolvat unam revolutionem ab Oriente (qui hic intelligatur esse post chartam) in Occidentem, qui sit ante chartam) quasi ex D. versus faciem tuam volveretur.

Polus A. dicitur *Arcticus* ab *Arctos* Urfa, propter vicinas illi in Caelo constellationes ursarum; vel *Septentrionalis* à septem stellis Urfae Majoris, quae dicuntur *Triones*; vel *Borealis*, aut *Aquilonaria* à vento *Borea* sive *Aquilone* inde spirante. Polus B. dicitur, *Antarcticus* sive *Arctico* contrapositus, vel *Australis* à vento *Austro* inde spirante; vel *Meridionalis*, quia nobis existit ad meridiem, ex parte, in qua solem cernimus, quando est Meridies. Dicuntur etiam *Cardines mundi*, aut *Vertices*, quia circa illos Caelum vertitur, quasi circa Cardines; item *Puncta fixa*, quia locum non mutant, scilicet nec Terrae Centrum, secus ac reliqua Caeli puncta.

PROPOSITIO II.

De Divisione Sphaerae Coelestis per Circulos praecipuos in illa descriptos. Fig. 4.

EX his duo sunt Circuli Maximi: Unus est *Aequator*, expressus per lineam C.D., juxta Praeliminare 3. & 34., quae releget; sic dictus est propter *aequalem* distantiam ab utroque mundi polo A. & B., qui sunt etiam poli ipsius juxta Praelim. 37. Dividit sphaeram in *Hemisphaerium Boreale* C.A.D., & *Australe* C.B.D., denominata à polo Boreali A., & Australi B. Dicitur etiam *aequinoctialis*; quia tunc est *aequinoctium* (id est, dies noctis aequalis) quando sol illum attingit, ut dicitur Propositione 4. & seq.

Alterius Circuli Maximi Circumferentia est *Ecliptica* E.F. sic dicta ab Eclipsibus in illa, vel prope illam fieri solitis. Oblique secatur aequatorem in O., ita ut ab illo ad utrumque Polum declinet, sitque *maxima ipsius declinatio Borealis* C.E., & *Australis* D.F. graduum 23. 30.; vel juxta Academiam Regiam Parisiensem 23°. 29', in punctis E & F., quae uno quadrante Circuli distant ab intersectione O. Poli Eclipticae, si duceretur axis per centrum O., perpendicularis ad ejus planum E.F. (juxta Praelim. 35.) sunt puncta G. & H., quae distant à polis mundi A. & B., quantum puncta maximae declinationis E. & F. ab aequatore C.D.

Haec quatuor puncta, dum Caelum circumagitur, describunt reliquos Circulos non maximos, juxta Praelimin. 37.

Maximae declinationis Borealis punctum E. describit *Tropicum Canceri* E.N.; Australis F. *Tropicum Capricorni* F.M.; Nominum ratio dabitur Propof. 4. Eclipticae polus G. describit *Circulum Polarem Arcticum* G.L.; & H. *Polarem Antarcticum* H.I., denominatos à polis mundi vicinis.

Si Eclipticae in latum addatur spatium q. circiter, ut quidam volunt, graduum ex una, & 9. ex altera parte, ut sit instar Cinguli seu fasciae, cujus medium tenet Ecliptica, dicitur *Zodiacus* vel *Signifer*, propter signa, in quae dividitur. Latitudo ista hic non exprimitur, propter evitandam linearum confusionem. Est via Planetarum, per quam proprio motu feruntur,

PROPOSITIO III.

De divisione Eclipticæ & Zodiaci in duodecim Signa.

Ecliptica E.F. & cum hac ipse Zodiacus, dividitur in duodecim signa, quorum nomina, & ordinem expriment versus sequentes :

Sex Borealia

Sunt	Tria Verna			Tria Æstiva		
	♈	♉	♊	♋	♌	♍
	Aries,	Taurus,	Gemini,	Cancer,	Leo,	Virgo.
	Libraque,	Scorpius,	Arcitenens,	Caper,	Amphora,	Pisces.
	Tria Autumnalis			Tria Hyberna		

Sex Australia

In quolibet quadrante Eclipticæ (cujus planum in Fig. 4. quasi à latere visum, insit lineæ rectæ exprimitur juxta Prælim. 5. ita, ut unus semicirculus post alterum latere intelligatur) sunt tria signa & quodlibet obtinet 30. gradus.

Signa incipiunt ab O. puncto sectionis cum Æquatore, quæ *Sectionis Verna* dicitur, quia in primo quadrante, ab O. versùs Boream declinante, usque ad E. sunt tria *Signa Verna* : Aries, Taurus, Gemini. In sequenti quadrante, ab E. usque ad sectionem Æquatoris (qui quadrans sub primo hic latere intelligitur) sunt tria *Signa Æstiva* : Cancer, Leo, Virgo. Sectio autem ista latens sub sectione verna dicitur *Sectio Autumnalis*, quia ab ipsa incipit quadrans autumnalis, qui procedit usque ad F. & continet *Signa tria Autumnalia* : Libram, Scorpionem, & Sagittarium. Ab E. denique usque ad O., quadrans ultimus, & Hyemalis, continet tria *Signa Hyemalia*. Sive *Hyberna* : Capricornum, Aquarium, & Pisces. Quod ipsum etiam adscripti Signorum characteres indicant.

Itaque Signorum successio progreditur contra motum sphaeræ Cœlestis Prop. 1. explicatum, videlicet ab Occidente Orientem versùs, ab O. per E. ulterius, quasi post chartam, ubi Orientem posuimus.

Prima sex signa, idest verna simul & æstiva, dicuntur *Borealia*, quia sunt in *Semicirculo Boreali* O.E.O. declinante ab Æquatore versùs Polum Borealem A. Reliqua sex *Australia*, ob sui *Semicirculi Australis* O.F.O. declinationem versùs Polum australem B.

PROPOSITIO IV.

De motu Solis proprio in Ecliptica.

Pro faciliiori capiti sic explicatur : Motu proprio sol ita centro suo per Eclipticam fertur, ut intra unum Annum solarem, hoc est : intra dies 365., horas 5., min. 48. (omissis secundis) totum ipsius Circulum, sive omnia 12. signa absolvat : singulis

gulis videlicet Anni quadrantibus unum Circuli quadrantem sive 3. signa, quotidie autem unum serè gradum. Fig. 4.

Initio Anni & Veris Astronomici, 20. vel 21. Martij, ingreditur *Arietem* in O; *Taurum* 20. Aprilis, *Geminos* 21. Majj.

Initio Æstatis 21. vel 22. Junij *Cancerum* in E, *Leonem* 23. Julij, *Virginem* 23. vel 24. Augusti.

Initio Autumni 23. Septembris, *Libram* in O., *Scorpionem* 23. Octobris, *Sagittarium* 22. Novembris.

Initio Hyemis *Capricornum* 21. vel 22. Decembris in F., *Aquarium* 20. Januarij. *Pisces* 18. vel 19. Februarij.

Itaque solis motus proprius continuò peragitur intrà duos Tropicos E.N. & M.F., hac ratione, ut postquam unum attingit in E, convertat se ad alterum progrediendo usque ad F, & hinc iterum ad E, quæ Conversio, nomen dedit Tropici à græco *επειρά*, latine *Conversio*; E.N. autem dicitur, *Tropicus Caneri*, quia describitur à puncto E quod est initium Caneri; M.F. *Capricorni*, quia describitur. ab F. initio Capricorni, ut dictum Prop. 2. *Puncta Solstitia* etiam dicuntur hæc duo initia E & F, quia in illis sistitur solis progressus ab uno Tropico versùs alterum; E quidem dicitur *Punctum solstitiale Æstivum*, quia nobis ibidem sol facit initium æstatis; F. *Hyemale* sive *Hybernum*, quia ibidem facit initium Hyemis.

Duo æquinoctialia puncta sunt in O., *Vernum* initio Arietis, *Autumnale* initio libræ, quia sole in illis existente est *æquinoctium*, sive dies nocti æqualis, ut infrà patebit.

Prædicta 4. Eclipticæ puncta O.E.O.F. etiam dicuntur *Principalia* vel *Cardinalia*,

QUÆRES

Quam apta sit connexio supradictorum animalium & Signorum Zodiaci cum operatione solis in ijsdem existentis, & mense cuiuslibet attributo?

VERNO TEMPORE.

IN Martio Sol intrat *Arietem*, cujus vellus aureorum radiorum calore in terris locò cedere cogit nivem, sicut lanam *Hyemalem* tonsura oviuin & arietum, qui primi nunc inter pecora ad pascua emittuntur. Eodem tempore nascuntur filij arietum, ut vocantur *Psalm. 23.* Agnelli Paschales, pro mense primo in mensibus anni. Duo verò cornua aequalia, pro charactere æstivæ assumpta, commodè innuunt duos arcus aequales, diurnum & nocturnum, pro die & nocte aequali in æquinoctio Verno.

Taurum in Aprilis, qui, quasi Apertilis, post substitutum frigidum calidum de Celo vellus arietis, ut in apricum proferre possit thesauros suos, aperit terram fortiori prius gelu clausam. Quam solaris caloris operationem jam fortiorem, forti suo labore ad interiores agrorum sinus inducere juvant *Tauri*, qui terram glacie jam solutam insuper aperiunt aratro.

In Mayo *Geminos*, florem juventutis, teneros sinè veste depictos parvulos, qui sabulosis nati ex ovo, significant flores ex seipis & pulpū hoc mense productos, calore solis aëre magis

magis aucto, & quasi geminato, ut etiam teneri parvuli in virore florido colludentes, subito sine veste, auram ferre possint.

ÆSTIVO TEMPORE.

Initio æstatis, in Junio, Cancrum, quando Sol à Solstitio Æstivo & Tropico Cancri, quasi cancro passus, versus alterum Tropicum, unde venerat, regreditur, dièsque deinceps minuit, cum Festo S. Joannis Bapt., qui fuit capite minutus, & aiebat, oportere se minui, Christum autem crescere.

In Julio Leonem, animal maxima fortitudinis & calorù, quando fortissimus calor incipit cum Canicularibus.

In Augusto Virginem, cujus spica, jam resecissa, signum est, messim, magna ex parte manibus ancillarum innuptarum, jam esse peractam; sterilitas verò designat adesse tempus, quo sole, quodammodo sterili, nihil frumenti de novo nascitur, sed tantum ad maturitatem perducitur.

AUTUMNALI TEMPORE.

Initio Autumni Libram in Septembri, quando adest Æquinoctium Autumnale, & dies cum nocte quasi in æquilíbrio.

In Octobri Scorpionem, cujus venenum frigida natura, & aculeus tenuis, signum est rediuntis frigoris, corpora tenui quodammodo cuspidis pungentis per vestes altissimas.

In Novembri Sagittarium, quando frigus jam Sagittarum aculeos majores imitatur & profundius penetrat; fera autem Venatorum ictibus ferri solent in venatione olim sagittis peracta.

HYEMALI TEMPORE.

Initio Hyemù Capricornum in Decembri, quando ex frigore hyemali terra & aqua, quasi oculi Medusæ visa, duritiem Saxorum induit, adeo, ut dura sint omnes viæ, sicut rupicaprarum in petriù. Soltamen incipit altior fieri in meridie, sique erigit, ut capri ad arborum frondes, dièsque crescit cum Christo tunc nato, quem, ut aiebat Joannes, oportet crescere.

In Januario Amphoræ sive Aquarium, quando aqua adhuc glacie tegitur, & subinde tantum in catarractù profluere cernitur, uti solet ex amphorâ profusa.

In Febuario Pisces, quando circa Festum S. Matthei fracta glacie, pisces natantes incipiunt apparere, & imbrium frequentia, piscium instar facit omnia natare.

Hæc est connexio in hemisphærio Boreali tantum: nam in Australi contrarij sunt eventus, auræque temperies, ut suo loco dicitur.

PROPOSITIO V.

De motu Solis circa terram, qui motus raptus dicitur, & per parallelos Æquatori circulos exprimitur in Fig. 5.

Dum Sol prædicto modo in Ecliptica, motu proprio, secundum Successionem Signorum orientem versus, continuo lentè progreditur, interim autem Cælum sine

finē intermissione, quotidie totum circa axem mundi A.B. volvitur ab oriente in occidentem (quod in mentem revocandum est ex Prop. 1.) Cælum secum rapit omnia sidera, ipsūque Solem, in quocunque demum Eclipticæ puncto existentem, ut & ille quotidie integrum unum circuitum absolvat circa Terram.

Hic motus dicitur *Motus Raptus* ; quotidiani autem illi circuitus dicuntur *Paralleli Solis*, quia Sol centro suo illos describit, quasi circulos, inter se, & cum æquatore parallelos, ut in Fig. 5. possint exprimi tot rectis lineis æquatori parallelis, inter utrumque Tropicum, quot sunt dies per annum dimidium, computatum ab uno solstitio usque ad alterum.

Dixi *quasi Circulos* ; quia strictè loquendo, re ipsa non sunt circuli, servantes eandem per totum à Tropicis distantiam, & redeuntes ad idem punctum, à quo discesserunt ; sed instar spiralis circuitus vertebrarum, penes punctum, à quo progredi inceperant, motum continuant, versùs alterum Tropicum, ut dictum est Prop. præc. Communiter tamen, & absque sensibili errore, accipiuntur pro Circulis, quia exiguo ad sensum intervallo constat ille progressus, præsertim prope solstitia.

Quilibet ejusmodi Parallelus solis integer exprimit motum, eique respondens tempus 24. horarum unius diei naturalis, dimidius horas 12., & sic deinceps, si dividatur in 24. partes æquales, quælibet pars horam unam. Ex quo paulò post colligemus dierum, noctiumque artificialium quantitatem, & inæqualitatem.

PROPOSITIO VI.

Quantam Cœli partem Terricola videre possit ?

Terra impedit, quò minùs totam Cœli sphaeram Terricola videre possit. Quousque autem videre possit, determinat Circulus, qui ex Græco dicitur *Horizon*, latine *Finitus* seu *Terminator* visus, ac simul etiam diei & noctis artificialis.

Duplex est : *Horizon Astronomicus* (in Fig. 6., in sphaera alio situ collocata, expressus per lineam R.S. (cuius poli sunt : punctum Z, quod dicitur *Zenith*, aut *Verticale*, quia in Cælo respondet vertici habitatoris, aut loci sub hoc puncto in terra existentis ; & punctum Q., dictum *Nadir*, quod ex opposito respondet pedibus habitatoris ; pro axe autem *lineam verticalem*, quæ à Z. usque ad Q. duci intelligitur, ac etiam *linea directionis* dicitur, secundum quam quodlibet grave tendit ad Centrum Terræ, aut erectum subsistit.

Dicitur etiam *Horizon* simpliciter, & sinè addito, vel *Horizon Verus*, *Naturalis*, aut *Rationalis*, quia non sensu, sed ratione designatus, per Mundi centrum à natura determinatum transire intelligitur, in quo simul differt ab altero, qui dicitur.

Horizon sensibilis, *Apparentis*, *Physicus* vel *Artificialis*, & est Circulus horizonti Astronomico parallelus, sphaeram dividens in *segmentum visibile* & *invisibile* ; quæ inter se vario modo sunt inæqualia ; & tantò majus est segmentum visibile, quantò altior supra Terram fuerit oculus. Unde & varia est ejus distantia à centro Terræ ; communiter tamen assumitur distantia par semidiametro Terræ, quam obtinent vel proximè imitantur plana pavimentorum ex arte horizontalia, & lineæ horizontales artificiales in instrumentis horizontaliter collocatis expressæ. In figuris autem deli-

declinatis exprimi solet per lineam, quæ per supremum Terræ punctum ducitur parallela horizonti Astronomico R.S.

Hic tantum attendemus horizontem Astronomicum, quia passim usque ad illum Cœlum videtur ex planitie Terraquea ita, ut ad sensum nihil notabile desit in Cœlo ad hemisphærium visibile, prout in Instrumentis Astronomicis, & Solaribus horologiis experimus.

Dum illum in ortu attingit solis centrum, incipit dies naturalis 24. horarum apud Babylonios; in occasu verò apud Italos & Bohemos.

Dividit mundi sphaeram in *hemisphærium*, *Superius* & *Inferius*; Ab illo incipiendo computatur sursum vel deorsum, altitudo vel profunditas ascendentium vel descendendum astrorum, quæ in illo oriuntur & occidunt; item *altitudo sive Elevatio Poli* ab R. usque ad A., & *aquatoris* ex S. usque ad C.

Quodlibet punctum circa totam superficiem Terraqueam habet horizontem suum proprium, uti & Zenith. Unde, qui locum mutat in superficie Terræ mutat & horizontem. Physicè tamen eundem habere censentur, qui non distant notabiliter inter se, ut qui degunt in eadem Civitate.

PROPOSITIO VII.

Vicissitudo Diei & Noctis, Ortus & Occasus, Hyemis & Æstatis, unde, & quàm varia sit in mundo?

Dies artificialis est mora solis supra horizontem; Nox mora solis infra horizontem. In omni loco mundi necessariò alternant, quia de Parallelis solis, quos motu raptus, circa Terram describit (juxta Prop. 5.) necessariò semper est aliquid supra, aliquid infra horizontem, quocunque situ dispositum, ut patet ex Figura 5. 6. & 7. Quod autem est supra, vel est integer Parallelus, vel Paralleli *Arctus diurnus*; quod infra *nocturnus*, significans moram solis supra & infra horizontem, secundum partes 24. horarum in fine Prop. 5. explicatas, quas in sphaeris artefactis, pro omnibus Parallelis commodissimè distinguere solet index super lamina circulari, sive Cyclo horario in 24. partes divisò affixus axi ultra polum sphaeræ prolongato.

Variatur multipliciter alternatio Diei & Noctis in toto mundo, dependenter à vario situ horizontis respectu Æquatoris, respectu cujus vel est *Horizon Rectus*, sive faciens cum illo angulos rectos; vel *obliquus*; vel, si cum æquatore coincidat est *Parallelus* Tropici & horizonti Physico. Unde & ipsa sphaera denominatur *Recta*, *Obliqua*, vel *Parallela*, de quibus agent Propositiones sequentes.

Æstas incipit, quando sol describit Parallelem vertici propinquissimum, vel transierit ipsum Zenith, *Hyems*, quando remotissimum. In omni loco est hæc vicissitudo, & variatur dependenter à loco puncti verticalis, extra vel intra Tropicos, in æquatore, vel Polo mundi existentis.

Ortus & occasus Solis contingit in illis punctis horizontis, in quibus illum secat æquator, & alij Paralleli solis; illis autem 24. horis non oritur, nec occidit, quarum parallelus horizontem non secat, ut ostendetur in sphaera Parallela Fig. 7.

Puncta intersectionis horizontis cum æquatore in O. Fig. 6. dicuntur *ortus & occasus*

occasus æquinoctialis, aut *ortus*, quia diebus æquinoctij ibidem sol oritur in O. (quod intellige existere quasi post chartam) & occidit in O., quasi ante chartam.

Interfectiones horisontis cum Tropici E.N. & M.F., idest puncta K. & T. sunt *ortus* & *occasus solstitialis*, æstivus K., & Hybernus T.; unâ cum his interfectiones reliquæ cum parallelis reliquis sunt *Ortus*, & *Occasus Septemtrionalis* O. K., & *Australis* O. T., denominati ab hemisphærio, in quo existunt. Usque ad singulas, incipiendo ab æquatoris interfectione O., numeratur in horisontis gradibus *amplitudo ortiva* & *occidua*, *Borealis* & *Australis*, sive distantia ab O. usque ad punctum, in quo sol oritur & occidit, quæ etiam variato horisonte variatur, uti ostendit Prop. seq.

PROPOSITIO VIII.

Quæ sit vicissitudo in Sphæra Recta? Fig. 5.

1. **H**orizon coincidit cum linea axis mundi A.B., & Zenith habitatoris est in æquatore punctum C., nadir D.
2. Quando sol est in principio Arietis & Libræ, motûque raptis ipsum æquatorem describit, in meridie transit verticem habitatoris C., & umbra styli perpendiculariter erecti tunc nulla est; unde & habitatores dicuntur *Astij*, id est *Nullumbræ* sive nullius umbræ; ante meridiem autem umbra tendit in occasum, verum post meridiem in ortum. Nocte media sol transit per Nadir D.
3. Per totum annum sunt dies noctibus æquales, atque ita perpetuum æquinoctium; quia horizon A.B. bisariam secat parallelos Solis, ut ex singulis arcus diurnus sit 12. horarum, & nocturnus totidem, sitque ortus & occasus semper hora 6.; præscindendo interim à Refractione, de qua Prop. 104.
4. Bis est hyems, dum sol in meridie à vertice C. remotissimus, describit parallelos E.N., M.F., transitque per puncta E. & M., quæ apud illos Incolas dicuntur *solstitia ima*.

- Bis etiam est æstas, dum sol transit per verticem C., diebus æquinoctiorum, ut dictum est num. 2., suntque in C. duo *solstitia alta*, ita ut per annum sint 4. solstitia.
5. Omnes stellæ oriuntur & occidunt, & nulla Cæli pars est perpetuò supra aut infra horisontem, sed quælibet 12. horis supra, 12. infra.
 6. Uterque mundi Polus A. & B. videri potest in horisonte.
 7. Umbra Incolarum dimidio anno cadit versùs Boream A. quàm diu sol versatur in signis australibus O. F. O., & parallelos quotidianos describit inter M. & C.; altero anni dimidio cadit versùs B., dum sol versatur in signis Borealibus O. E. O., & describit parallelos inter E. & C. Hinc Incolæ etiam dicuntur *Amphyfici*, seu duplicis umbræ.
 8. Amplitudo ortiva & occidua nunquam est major maxima declinatione Eclipticæ C. M. vel C. E., & pro singulis Eclipticæ punctis tanta est illa amplitudo, quanta eorundem declinatio ab æquatore.

PROPOSITIO IX.

Quæ vicissitudo sit in Sphæra Parallela, ut in Fig. 7.

1. **H**orizon coincidit cum æquatore D.C. & est parallelus Tropici, Polaribus, omni-

bisque Parallelis solis totius anni, ubi habitator existit sub ipso Polo, ejusque Zenith est in A., Nadir in B., verticalis autem linea coincidit cum axe mundi A. B.

2. Diem Artificialem habet anno dimidio, & noctem dimidio continuam; quia unus idemque Eclipticæ semicirculus continuè existit supra horizontem D. C., & alter infra, ac proinde etiam sol in illis existens, in superiori per annum dimidium, & in inferiori per dimidium continuè describit parallelos integros supra & integros infra horizontem.

Est autem supra horizontem semicirculus signorum Borealiū O. E. O., si Polus Borealis A. sit in Zenith; Australiū verò semicirculus O. F. O., si antarcticus Polus B. sit in Zenith; atque ita contingit, ut habitans sub Arctico habeat tunc diem, quando habitans sub Antarctico noctem.

3. Diebus Æquinoctij solis centrum fertur circa totum horizontem D. C., quia tunc in sectione verna & autumnali existens in O., describit æquatorem cum horizonte coincidentem D. C.

4. Maxima altitudo solis supra, & profunditas infra horizontem D. C., non excedit maximam declinationem Eclipticæ C. E. & D. F. 23 gr. 30. vel 29. min.

5. Habitanti sub Polo Arctico A., nunquam occidunt stellæ hemisphærij Borealis D. A. G., & nunquam oriuntur stellæ hemisphærij Australis D. B. C. Habitanti sub Polo Antarctico vicissim hæc nunquam occidunt, illæ nunquam oriuntur; prout ipsam videlicet hemisphærium unum semper est supra, alterum semper infra horizontem.

6. Sub Polo Arctico omnis ventus est Australis, sive spirans à Polo Australi; habitanti sub Antarctico omnis est Borealis; nullus autem ab ortu vel occasu; hic enim non habet certum locum in horizonte, uti nec amplitudo oriiva & occ.

7. Horæ ibidem resciri non possunt ex capta stellarum, aut solis altitudine supra horizontem, siquidem per multas horas non mutatur sensibiliter; unde ibidem non sunt usus annuli Solares, Cylindri, quadrantes horodiæici & similia horologia pro variis solis altitudinibus descripta.

8. Æstas semper incipit in medio diei, dum sol est altissimus supra horizontem, in puncto solstitiali æstivo E.; hyems in medio noctis, dum infra horizontem est profundissimus in F. in Sphæra Parallela Boreali; sed mutatis punctis in australi.

9. Dimidia die est ver, sole existente in tribus signis vernis in quadrante Eclipticæ O. E.; dimidia die æstas per quadrantem æstivum E. O.; dimidia nocte autumnus per quadrantem O. F., dimidia nocte Hyems, per quadrantem F. O. sole progrediente; quod intellige de habitantibus sub polo Arctico A.: nam sub polo Antarctico B. quemadmodum est dies, quando sub altero nox, ita & æstas & hyems, & ver & autumnus, tempore sunt opposito, & signa, his æstiva, sunt illis hyemalia, his verna illis autumnalia.

PROPOSITIO X.

Quid vicissitudinis sit in sphæra obliqua? Fig. 6.

OMnes illi sphæram habent obliquam, quorum Zenith est extra æquatorem & Polos mundi, uti est in Fig. 6. habitanti sub Z., imò cuicunque habitanti sub alio puncto inter A. & C., vel C. & B.; quod etiam unica Figura exprimit, si intelligas, immoto

immoto horizontē R. S., punctisque Z. & Q., sphaeram totam circa Centrum O. sic moveri, ut A. appropinquet ipsi Z. ; vel contrā, recedente A., appropinquet C. ad Z. ; reipsa autem exprimeretur, si totus Circulus in charta separata delineatus affigatur per centrum O. ; itā ut circa illud moveri possit, horizon autem R. S. sit expressus filo extenso & ad utrumque latus affixo.

In omni sphaera obliqua.

1. Polus unus semper elevatus apparet supra, alter depressus semper latet infra horizontem, ut hic A. & B.
2. Cum Polo apparente semper apparent quaedam stellæ, cum latente semper quædam latent, tantò plures, quantò major fuerit Poli Elevatio A. R., & depressio S. B.
3. Tanta semper est distantia puncti verticalis Z. ab Æquatore C. (quæ dicitur *latitudo loci* existentis sub Z., ut dicitur Prop. 22.) quanta est pro eodem loco Elevatio Poli A. R.; & quantum recedit Zenith (puta Peregrini abeuntis) ab Æquatore versùs A., tantundem recedit horizon R. à Polo A., ut continuò servetur distantia unius quadrantis Circuli inter Z. & R., cum Z. sit polus horizontis, Circuli maximi, de quo vide Præliminare 35.
4. Dies & noctes sunt inæquales inter se, exceptis diebus æquinoctiis; quia tunc sol existens in O. initio γ . & α , describit ipsum Æquatorem, quem horizon semper secat in duas partes æquales, ut dimidium sit supra, dimidium infra horizontem; alios autem Parallelos omnes secat in partes inæquales, pro arcubus diurnis & nocturnis, ut patet Figuram 6. consideranti.
5. Crescunt & decrescunt dies & noctes alternatim, ab uno solstitio ad alterum, quemadmodum & ipsi arcus diurni & nocturni, ab uno ad alterum Tropicum, proficiunt & deficiunt.
6. Dies longissimus tunc est, quando sol existens in puncto solstitiali æstivo describit Tropicum, de quo plus est supra horizontem, quàm de ullo alio Parallelo; uti apud nos, & in omni sphaera obliqua Boreali, est de Tropico Cancrī E. N. Semper est æqualis nocti longissimæ, quia ipsius arcus diurnus E. K. semper est æqualis illius arcui nocturno T. F. Similiter dies longissimo proximus, est æqualis nocti, quæ est proxima longissimæ, & sic porro æqualiter ab ipsis distantes, quemadmodum æquales sunt & arcus, æqualiter à maximis distantes.
7. Dies etiam inter se æquales sunt illi duo, qui æqualiter distant ab eodem Tropico, quia unus idemque est utriusque arcus diurnus, quem sol describit, semel dum illum Tropicum accedit, semel dum ab illo recedit, ut dictum Prop. 4. Idem est de noctibus.
8. Tantò plurium horarum est dies longissimus, & pauciorum brevissimus, quantò major est Elevatio Poli R. A., quia tantò major est arcus diurnus K. E. in Tropico E. N., & major T. M. in altero M. F., ut patet, si rotato, ut dictum est sub initium, circulo punctum N. propius accedat ad R., & punctum M. ad S. Amplitudo Ortiva & Occidua inter utrumque Tropicum ab O. usque ad K. & T. etiam tantò major est.

Utrumque pro qualibet Elevatione Poli computatum reperitur in Tabulis Librorum, quarum unam dabimus infra Prop. 15. ; altera pro Elevatione Wratislaviensi habetur in medio libello de eadem impresso Tab. 4. pag. 13.

9. Longiores noctibus sunt dies signorum Bor: O.E.O., ubi elevatur Polus Bor: A. uti apud nos; australium autem ubi australis B.

Si Elevatio sit valde magna.

10. Ubi tanta est Elevatio Poli, v.g. Borealis A., ut aequet gradus 66. & dimidium, ab A. usque ad N. (Sphaera sic rotata, sicut initio dictum est, ita ut horizontis punctum R. sit in N., & Sin M.) dies longissimus durat 24. horis sine ulla nocte, quia sol in E. existens describit illo die Tropicum E. N., qui praedicto modo totus existit supra horizontem. Vicissim autem nox longissima durat 24. horis sine ullo die, quando in F. existens sol describit alterum Tropicum M. F.; totum sub horizonte. Amplitudo autem Ortiva, & Occidua occupat totum horizontem, ab M. usque ad N. secantem omnes Parallelos solis. Ante & post diem longissimum habent duas noctes brevissimas; ante & post noctem longissimam duos dies brevissimos.
11. Si Elevatio Poli sit major gradibus 66. & dim., ita ut Zenith sit intra Polarem Circulum L.G., & horizontis punctum R. inter N. & D.; S. vero inter M. & C., durat dies longissimus toties 24. horis, quot Paralleli integri sunt supra horizontem. Similiter nox longissima per totidem Parallelos infra horizontem. Umbra etiam illo die toties circuit incolas; variat tamen singulis horis longitudinem, propter variam solis altitudinem supra horizontem.

Si Elevatio sit exigua.

12. Ubi Elevatio Poli est exigua, & aequat tantum gradus 23. & dimid: ita ut Circuli Polaris infimum punctum G. (in Fig. 6., sic rotata, ut initio Propositionis dictum est) horizontem R. & Tropici punctum E. sit in puncto verticali Z, sol transit per verticem habitatoris, & umbra Styli perpendiculariter erecti nulla est, quando est meridies diei longissimi, quia sol die solstitij æstivi describit illum Tropicum, E. N. qui transit per verticem Incolarum.
13. Quod si Elevatio Poli sit adhuc minor, ita ut punctum verticale Z existat inter Tropicos & Aequatorem, inter E. & C., transit sol per verticem habitatoris bis in anno, dum describit illum Parallelem, qui transit per verticem; & tunc incolæ sunt *Astij*; aliâs autem *Amphyfcij*, sive duplicis umbræ, cadentis aliquando in austrum, aliquando in Boream. Singulis etiam annis habent duas ætates & duas hyemes, sed inter se inæquales. Quatuor denique solstitia, duo alta, & duo ima ex ratione, quæ dicta est Prop. 8. num. 4.

Concordia & discordia sphaera obliquæ Borealis, & Australis.

14. Sphaera obliqua Borealis, in qua est tanta Elevatio Poli Borealis A., quanta in sphaera obliqua Australi est Elevatio Poli Australis B. (quod repræsentabit Figura 6., si ita invertatur, ut Q. sit punctum verticale loco Z.) conveniunt inter se.
1. In quantitate diei & noctis longissimæ & brevissimæ, earumque incremento & decremento, sed pro tempore opposito, ita ut in hac crescant, dum in illa decrescunt, & in hac sit dies longissimus, dum in illa brevissimus &c.
2. In longitudine & variatione umbræ solaris,
3. In quantitate amplitudinis ortivæ, & occi-

occiduae, sed in partes oppositas. 4. In quantitate partis Cœli semper apparentis & semper latentis, sed circa Polum oppositum. 5. In 4. anni temporibus & solstitiis, sed tempore opposito, ita ut sit in hac æstas, quando hyems in altera; æquinoctium uni vernum, sit hyemale alteri; signa uni æstiva sint alteri Hyberna &c.

PROPOSITIO XI.

Quid sit Meridianus, & quæ ipsius officia? Fig. 6.

1. *Meridianus* est Circulus maximus, transiens per Polos mundi A. & B. ac per Zenith & Nadir loci, qualis in Fig. 6. repræsentatur per eundem Circulum, quo sphaera Cœlestis R. Z. S. Q. R. terminatur. In sphaeris autem artefactis exprimi solet per Circulum æneum, intra quem rotatur sphaera, apud utrumque Polum, affixa.
2. Horizonti R. S. insitit ad angulos rectos, eundemque, uti & æquatorem secat bifariam, omnesque arcus diurnos & nocturnos in duos *semidiurnos*, & *seminocturnos*; ac denique totam sphaeram in *hemisphaerium orientale* (quod concipe quasi supra chartam emincens) & *hemisphaerium occidentale*, quasi post chartam latens.
3. Meridianus dicitur, quia tunc in aliquo loco est meridies, quando sol centro suo meridianum ipsius attingit supra horizontem, & tunc incipit dies *naturalis Astronomicus*; quando autem attingit infra horizontem, est noctis medium, unde incipit *dies naturalis Civiliter*.
4. Omnia Terræ loca, quæ sita sunt sub eodem semicirculo Meridiani, ab uno polo versùs alterum, simul habent meridiem, & simul noctis medium; illa autem unâ horâ tardiùs, quorum meridianus est 15. gradibus occidentalior: Quia sol, dum quotidie circa orbem Terraqueum rapitur ab Oriente in occidentem, successivè peragrat omnes Meridianos, & singulis horis absolvit 15. gradus, quæ distantia meridianorum numeratur in gradibus æquatoris Terrestris, inter utrumque meridianum interceptis. Hinc scitur, quantò citiùs vel tardiùs sit meridiem in uno loco, quàm in altero, si sciatur, quot gradibus orientalis vel occidentalis sit unus quàm alter, & vicissim; hoc autem paulò post docebunt nos Mapæ Geographicæ.
5. Intersectio meridiani cum plano horizontali, dicitur *Linea meridiana*, quæ directè tendit ad meridiem, & septentrionem, quò etiam se convertere solet acus magnetica. Ad lineam meridianam repertam, si ducatur perpendicularis, ostendit punctum Ortus & Occasus Æquinoctialis O. & O.; & repræsentat sectionem Æquatoris cum plano horizontis, ideòque dicitur *Linea Equatorii*. Utraque maximæ utilitatis est, præcipuè ad noscendum situm totius mundi, ut mox patebit.
6. Gradibus meridiani mensuratur Latitudo Locì à Zenith Z. usque ad æquatorem C., & huic semper æqualis altitudo Poli R. A.; præterea siderum altitudo supra horizontem, & maxima profunditas infra. Ab hac ad illum ascendant sidera in hemisphaerio orientali, & descendunt in occidentali, sicut & ipse sol à noctis medio ad meridiem usque, & vicissim.

PRO.

PROPOSITIO XII.

Linea Meridiana & Æquatoris, & cum his quatuor mundi
Plagæ, quomodo inveniuntur ? Fig. 21.

1. **I**N plano horizontali solaribus radiis exposito (de quo Præliminari 40. & 41.) quod vel sit immobile, vel ad eundem prorsus, quem semel tenuit locum, & situm, reponibile, ex eodem Centro. C. describe unum vel plures Circulos.
2. Ex Centro C. erige perpendiculariter stylum, ita ut ejus cuspis D. æqualiter distet à peripheria ejusdem Circuli.
3. Duabus circiter vel tribus horis ante meridiem, in aliquo Circulo nota punctum E., dum in illo terminatur umbra styli; & similiter post meridiem punctum F.
4. Per F. & E. ducta recta, est *Linea æquatoris*, quæcunque autem ad hanc ducta perpendicularis erit *Linea meridiana*. Ut tamen umbra styli istius, deinceps ostendat meridiem præstat eandem aperturam circini ex F. & E., describere duos arcus intersectantes, & ex puncto intersectionis H. ducere rectam per medium punctum lineæ F.E., quod reperietur, vel illâ divisâ bifariam, vel descriptis aliâ adhuc aperturâ aliis duobus arcubus intersectantibus propinquioribus vel remotioribus, ducendo per utriusque intersectionis puncta lineam rectam usque ad C. Hanc lineam, quando attinget umbra cuspidis D, tunc erit meridies. Tendet autem C. ad Meridiem, H. ad Septentrionem, F. ad Ortum, E. ad Occasum Æquinoctialem, quæ dicuntur *quatuor mundi Plagæ*, vel *Puncta Cardinalia*, unde spirant *quatuor venti*, de quibus infra Prop. 28.

Nota : Præstat ante meridiem terminos umbræ notare in pluribus Circulis, ut post meridiem, si forte in uno illorum annotatio impediretur, fieri adhuc possit in aliis. Si ex omnibus punctis plurium Circulorum eadem omnino linea reperta fuerit, signum erit accuratæ inventionis.

Si in alio loco tuæ Civitatis, in plano horizontali, notaveris umbram perpendiculari, quando in supradicta meridies ostenditur, erit & illa linea meridiana.

Alius Modus.

Acus magnetica, si recto latere suæ pixidis, vel secundum lineam rectam, per centrum fundi descriptam, applicetur lineæ meridianæ prius repertæ, & (absente procul omni ferrò, ventòque turbante) in fundo pixidis notetur situs, in quo acus quiescit, serviet deinceps ad reperendam lineam meridianam, pro illa vicinia loci, quoties collocata fuerit pixis ad acûs situm in fundo notatum; tunc enim latus illud rectum, vel linea per centrum pixidis ducta, quæ prius applicata fuerat, dabit lineam meridianam, & hinc mundi totius situm.

Declinatio Acûs Magnetice.

Exploratur prædictâ pixidis collocatione, imò etiam sinè pixide, si acûs, stylo acuto in linea meridiana fixo, imposita, circuloque ex loco styli descripto, ac in gradus diviso, annotetur, quot gradibus à linea meridiana declinet acûs quiescens, ad ortum vel occasum. Talium Declinationum Catalogi (sunt enim varîe in variis locis, imò etiam in eodem loco, si varia sit acûs figura, ut recentex deprehensum

sum est) reperiuntur in libris præcipue pro navigantibus. Subinde etiã in fundo pixidis designatur declinatio.

Alij Modi reperiendi lineam meridianam.

1. Minus accurate, utiliter tamen ad multos usus reperitur ex Sole, ejusve loco, vel umbra in meridie, dum horam duodecimam sonat horologium rotatum; vel ex notitia Incolarum, qui locum solis per longam experientiam pro meridie notant: illuc enim faciem convertenti, præ oculis est meridies, à tergo septemtrio, ad sinistram Oriens, ad dextram Occidens.
2. Nocte serena, ex septem stellis Currus majoris, in Constellatione Ursæ majoris, possum septemtrionalem ostendit linea recta, quæ in Fig. 9. ab ultima rota inferiori a., per superiorem b. producit usque ad distantiam tantam, quanta circiter est ab his rotis usque ad primum equum in extremitate eandæ e.; in illa enim vicinia existens stella p. cæteris lucidior est *stella Polaris* vicinissima Polo Septemtrionali, versùs quem ab oculo aspicientis ducitur Linea meridianæ, & tunc quidem solito accuratius, quando simul adhibitum perpendiculum, ante oculum aspicientis quietè pendens, videtur transire per stellam p., & simul inter stellasi. & r., si linea ab oculo ad perpendiculum ducatur.
3. Diebus Æquinoctij sol oriens, & occidens in ortu & occasu vero, sat comòdam dat lineam Æquatoris, illuc ductam in plano horizontali, cui perpendicularis est meridianæ. Pro quibuscunque autem aliis per annum diebus, docet libellus meus de Elevatione Poli Wratislaviensis pag. 22.
4. Isdem Æquinoctij diebus, si in plano horizontali notetur terminus umbræ styli erecti sæpius intrà diem, & per puncta annotata ducatur linea recta (omnia enim tali die in unam rectam conveniunt) erit hæc linea Æquatoris, huic autem ducta perpendicularis erit linea meridianæ.
5. In truncis arborum abscissarum, lineæ circulares, quæ, circa medullam, annorum incrementa distinguunt, laxiores esse solent versùs meridiem, ubi sole fervente plus incrementi fuit, conjunctiores autem versùs septemtrionem, ubi, solis absentia, & Boreæ asperitate, redditum fuit difficilius incrementum, inde igitur, ubi nam sit meridies & septemtrio, colligetur.

PROPOSITIO XIII.

Qualis appareat Sphæra obliqua intrà Universum habitanti
in Terra?

HAtenus quasi extra Universum existentes consideravimus obliquam sphæram in Fig. 6., sed nunc, ut ex medio Universi loco, sive ex Terra, Cælum contempleremur, eandem Fig. 6. intelligamus instar sphære artefactæ ex armillis seu circulis metallinis compositam, ita ut Æquator C.D. & reliqui ejus paralleli, debitam suam habeant extensionem, eandemque sic intellectam ingrediamur cogitatione usque ad ejus centrum, quod inter duas sectiones Æquatoris cum Horizonte, sive inter O. & punctum post O. latens (ut Prop. 7. sub finem, pro ortu & occasu solis explicatum est) intelligitur,

Ex hoc centro aspicienti meridiem versùs M. vel S., erit ad sinistram punctum illud latens post O., representans Ortum Æquinoctialem; ad dextram punctum O. representans occasum æquinoctialem; à tergo autem Polus septentr. A.; uti revera sunt nobis habitantibus Wratislaviæ, vultumque ad meridiem convertentibus; idque per lineas visibiles, quantum fieri potest, in plano exprimit Figura 8., ipsædem fere cum Fig. 6. adhibitis literis, pro Circulis correspondentibus, ibi à latere, hic ex medio visis & expansis, quam cum introspecta, ut dictum est, Fig. 6. combina, & sic porro intellige.

1. Consistenti tibi in W., medio loco inter Or. & Oc., Meridiemque M. vel S. aspicienti, representat horizontis semicirculum ante oculos jacentem, Or. S. Oc.
2. Lineam meridianam in plano horizontali recta W. S.
3. Partem Circuli Meridiani, qui horizonti insitit ad angulos rectos, exprimit linea erecta S. M. C. E., cujus reliquum intelligendum est sursum ascendere & in Circulum flecti pertuum Zenith, indeque à tergo descendere per Polum arcticum usque ad punctum horizontis, ad quod pertingeret linea Meridiana S. W., si ultra W. post tergum tuum produceretur; inde verò infra horizontem descendere pertuum Nadir, donec iterum ascendens, perfecto toto Meridiani Circulo, redeat ad punctum S.
4. Lineam æquatoris, quæ ad angulos rectos secat meridianam S. W. ut dictum Prop. 12. n. 4., exhibet linea Or. W. Oc., quæ ad sinistram in Or. ostendit Ortum, ad dextram in Oc. Occasum æquinoct.; ubi horizontem, uti & per totam lineam Or. W. Oc., secat æquator, cujus semicirculus Or. C. Oc., in situ suo obliquo, supra horizontem existit, altero semicirculo infra horizontem semper abscondito, ut patet etiam in Figura 6., in linea illius C. O. D.
5. Altitudo æquatoris supra horizontem est S. C., apud nos Wratislaviæ graduum 38., 53. min., quantus etiam in Fig. 6. est arcus meridiani S. C., & angulus C. O. S.
6. Tropicum Cancræ exprimit arcus K. E. K., Capricorni T. M. T.
7. Sol diebus æquinoctij oritur à sinistris in Or., descriptoque per diem æquatore Or. C. usque ad Oc., ibidem occidit. Die Solstitij æstivi oritur & occidit in K. describitque per diem longissimam Tropicum Cancræ K. E. K. arcum diurnum maximum. Die Solstitij hybernæ oritur & occidit in T., & describit per diem brevissimam Tropicum Capricorni, T. M. T. arcum diurnum minimum. Ab his punctis T. T., deinceps per hyemem & ver ortus & occasus solis quotidie fit propius ad K.; per æstatem verò & autumnum iterum à K. recedit versùs T., atque ita continua per annos singulos vicissitudine, variatur amplitudo ortiva & occidua in spatio K. T., inter Tropicos contento, extra quod sol nunquam oritur, nec occidit.
8. Maxima solis altitudo in meridie die Solstitij æstivi est S. E. grad. 62. 23. min.; die æquinoctij S. C. est grad. 38. 53. min.; Die Solstitij hyemalis S. M. gr. 15. 23. min., quæ est minima apud nos; ab hinc enim reliquis diebus per hyemem & ver crescit usque ad E., & inde per æstatem & autumnum decrescit iterum usque ad M.
9. Ecliptica in hac Fig. 8. exprimi non potest, quia ipsius situs continuò variatur. Semper tamen ejus semicirculus Signorum Borealium ab ortu in occasum circumfertur inter Tropicum Cancræ K. F. K., & æquatorem Or. C. Oc.; Semicirculus

lus autem Australis, inter *Æquatorem & Tropicum Capricorni* T. M. T. Dum puncta æquinoctialia attingunt horizontem, & punctum Solstitiale in E. meridianum, situs semicirculi Borealis est Or. E. Oc.; si autem Solstitiale punctum attingat meridiem in M., situs semicirculi australis est Or. M. Oc.; alio tempore est alius, & facilius ex artefacta sphaera, quam Figura delineata discitur.

10. Aliæ stellæ, supra & infra *Æquatorem*, describunt quotidie suos *Circulos parallelos* *Æquatori*, sicut & ipse sol; qui circuli, minori sua parte, existunt supra horizontem versus Austrum S., majori versus Boream, donec tandem illi, qui sunt *Stellarum semper apparentium*, Polo Boreali vicinarum, toti existant supra horizontem; ex opposito autem toti infra S.; qui sunt *Stellarum semper latentium* circa Polum australem, prout insinuatum est Prop. 10. n. 2.

Quæ omnia, ut in mundo recipi experiaris, ejusque situm, siderumque cursum plenè capias, vultum ad locum solis in meridie converte, & simul Figuram 3. ante oculos pone, Circulosque lineis expressos Cælo, Terræque apparenti applica, secundum directionem lineæ meridianæ, & *Æquatoris*.

His tandem, quæ supra horizontem sunt, intellectis, ex hac Figura, facilius erit etiam reliqua omnia intelligere ex Fig. 6., ex ejus Centro, ut dictum est, considerata, si partem S., oculosque tuos ad locum solis in meridie convertas, atque O. & O. per unicam literam expressa duo puncta, ad sinistram & dexteram tuam usque ad Orientem, & Occidentem distantia concipias.

Tandem intellectâ sphaerâ obliquâ, prout erit similiter ex centro suo intelligere Figuram 5. & 7. pro sphaeræ Rectæ & Parallele constitutione, ut ex Terra videtur.

PROPOSITIO XIV.

Quonam pacto Solis, totiusque Cœli cursus extera spectabilis, captu facillimus reddi possit?

PRæ omnibus Figuris & sphaeris artefactis passim adhiberi solitis, multorum annorum experientia nos docuit, plurimum ad hunc finem conducere sphaeram armillarem solito grandiore, ad hoc opportunam, ut interior ejus facies commodè conspici, imò & manibus, ubi opus fuerit, immixtis disponi possit. Hoc enim pacto & via solis, & reliquarum Cœli partium, pro qualibet Elevatione Poli, oculis discendum ita prorsus repræsentari potest, sicut in ipso Cælo, intra ejus concavitate, & terra spectatur; ac proinde tollitur illa difficultas, quæ multis hæpe annis, etiam ingenia ceteroquin capacia, in eo fatigat aut superat, quod percepta tota sphaeræ explicatione ex Figura lineis expressa, vel sphaera armillari minori; vel globo cœlesti quantumcunque magno, quibus universum extrinsecus tantum, oculo quasi extra illud posito, spectandum proponitur, tandem totam doctrinam illam, Cœli cursui, nobis interius tantum spectabili, in verso quasi conceptu, raro admodum noverint accomodare. Hoc adjumento, ut tantò facilius communi discendum utilitati consulatur, en modum facilem ejusmodi sphaeræ conficiendæ.

Facilis modus parandi sphaeram Armillarem grandiore.

Cum finis supra memoratus, etiam absque singulari operis elegantia & pretio obtineri possit, sufficit, si circuli vasorum, vel potius circumferentia cribri majoris, in plures limbos fisa, utamur.

Ex his primò duo circuli maximi pro Coluris (de quibus Prop. 17. agetur) ad angulos rectos conjungantur, in loco Polorum, adjunctu pro firmitate asserculu perforatu. In illorum medio inter Polos loco firmetur Equator, & Zodiacus ab Equatore declinans, ut distum est Prop. 2.

Pro gradibus autem necessaria divisio fieri potest in Circulo parvi magnitudinis, prius in plana Tabula descripto & diviso. Unde etiam Tropiconum & Polarum loci & magnitudo, si eos addere placuerit, determinabitur.

Axi per polos transmissus, parte una ultra sphaeram prominens, & latior, nec non in fine perforatus, clavo transposito affigetur centro lignei quadrantis divisi, & supra pedem firmum horizontalem erecti, ita ut circa clavum astolli ac deprimi, & ubi placuerit, ope adjuncta vertebra, firmari possit, ad quocunque graduum Elevationem Poli.

Intra hos Circulos, in centro sphaera, ope clavi per axem transmissi, appendetur Horizon, ex levi plano formatus; ejus magnitudinè, qua revolutionem sphaera non impediatur. . . Situm ipsum conservabit affixum pondus in medio, ex utroque axos latere dependens. Ex una autem plani parte fissa inciso, ex altera canali, dabit locum axi, in sua sphaera recta, vel obliqua.

Meridianus faciliè intelligi potest, vel si placuerit, exterius addi, uti & Cycus horarius, & index.

Divisà in Signorum gradus Eclipticà, solù cursus, cum omni variatione, quoad locum ortus & occasus, altitudinem, dierum quantitatem, pro Triplici sphaera situ, in Fig. 5., 6. & 7. explicato, oculis introspicientium representabitur, si solù imago variis successivè Signorum gradibus interius fuerit affixa, & sphaera circumacta.

Idem fieri poterit pro representando stellarum motu, si Constellationum figura, uti ex Terra apparent, circa Polum elevatum, vel Zodiacum fuerint affixae.

Imò etiam representari poterit, aliis captu difficili, modus, quò nobis in Terra degentibus Luna illuminatio crescere & decrescere videtur; si, exposito horizonte, intra Eclipticam adaptetur multò minor Circulus Lunariù orbita, & eidem luna globus inauratus, Ecliptica autem, in loca solis, lampus ardens affigatur, in varia ab invicem distantia, pro novilunio, quadrantibus, & Plenilunio, intra conclave tenebrosum.

Præterea modus Eclipsium Solis & Luna, si in centro sphaera globus Terram representans adjungatur &c.



PROPOSITIO XV.

Quanta sit, pro qualibet Poli Elevatione, dies & nox
longissima & brevissima ?

Ostendit hoc sequens Tabula, cujus primo loco ponuntur gradus Elevationis
Poli, five Latitudinis Loci, secundò dici longissimi horæ & minuta.

Elev. Poli.	Dies longissim.		Elev. Poli.	Dies longiss.		Elev. Poli.	Dies longiss.	
Gradus.	Hora.	min.	Gradus.	Hora.	min.	Gradus.	Hora.	min.
0	12	0	31	14	2	62	19	13
1	12	4	32	14	6	63	19	43
2	12	8	33	14	11	64	20	24
3	12	10	34	14	16	65	21	10
4	12	14	35	14	21	66	22	20
5	12	18	36	14	26	66 $\frac{1}{2}$	24	
6	12	20	37	14	34	<i>Ab hinc est Dies continuus.</i>		
7	12	24	38	14	38			
8	12	28	39	14	44	67	22	
9	12	32	40	14	52	68	42	
10	12	36	41	15	0	69	55	
11	12	38	42	15	4	70	65	
12	12	42	43	15	12	71	74	
13	12	46	44	15	18	72	82	
14	12	50	45	15	26	73	89	
15	12	54	46	15	34	74	97	
16	12	58	47	15	42	75	104	
17	13	0	48	15	52	76	110	
18	13	4	49	16	0	77	117	
19	13	8	50	16	10	78	123	
20	13	12	51	16	20	79	127	
21	13	16	52	16	30	80	134	
22	13	22	53	16	44	81	140	
23	13	26	54	16	54	82	145	
24	13	30	55	17	8	83	151	
25	13	34	56	17	20	84	156	
26	13	38	57	17	36	85	161	
27	13	42	58	17	52	86	166	
28	13	46	59	18	10	87	172	
29	13	52	60	18	32	88	176	
30	13	56	61	18	54	89	182	
						90	187	

Nox longissima tanta est in qualibet Elevatione, quanta Dies longissima.
Noctis brevissimæ quantitas remanet, si dies longissima subtrahatur ex horis 24.
C3 Dies



Dies brevissima est æqualis nocti brevissimæ in eadem Elevatione. Ortus & Occasus Solis pro die longissima & brevissima reperitur sic :

Dimidium diurni temporis, dat horam Occasus Solis ; si autem subtrahatur ab horis 12. relinquit horam ortus.

Hæc omnia, pro Elevatione Wratislaviensi 51°. 7', pro qualibet die per annum, suppeditat Libellus mei (suprà memorati Tab. 3. pag. 12. & seq.

PROPOSITIO XVI.

Locus Solis in Ecliptica quomodo pro qualibet die reficiatur ?

1. **I**n quo Signo sit Sol, pro qualibet Mense reficitur ex Prop. 3. & 4. si memorizæ commendatis duobus versibus, primum Signum tribuatur mense Martio, æreliqua deinceps, prout sequuntur, singula mensibus singulis. Pro die autem ingressus in tale Signum, si memoria non sufficit, nec etiam Calendarium, in quo reperiri posset, præ manibus sit, modo alio, minùs quidem accurato, ad communestamen usus sufficienti, assumitur communiter dies mensis 20., ac deinceps pro singulis diebus numeratur unus signi gradus usque ad diem 20. mensis sequentis. Sufficit quoque si ultimi post vigesimum sequentes dies mensis accipiantur pro gradibus signi, abjectis viginti ex numero dierum 1. & primi dies mensis, usque ad vigesimum, additis decem: sic pro 24. Martij, abjectis 20., erit Sol in 4. gradu arietis; sed pro 19. Aprilis, additis 10, erit in 23. gradu arietis.
2. Accuratius, si descriptis, ex eodem centro, duobus Circulis, (quales exprimi solent in horizontis sphaerarum artificialium) unum divides in 360. gradus Eclipticæ, juxta Prælim. 42., cum distinctione Signorum, attributis unicuique 30. gradibus, nominibusque adscriptis; alterum in 365. dies anni communis, ut infra docebitur, cum distinctione in 12. Menses, attributis Februario 28. diebus, Martio 31. &c. sed ita, ut pro Terris nostris initium Arietis respondeat meridici 20. Martij, horæ videlicet, quâ sol ingreditur Arietem. Ità respondebunt & reliqui dies gradibus reliquis, & quibus locum solis reperies, primò quidem per annum Bissextilem, deinde per tres sequentes annos Communes, hac ratione: Tempus sic accipe in Circulo mensium, ut illud semper imminuas tot dimidijs horis, quot menses effluxerunt à Martio anni Bissextilis, usque ad sequentem annum Bissextilem, ejusque Martium; ita, ut singulis sex mensibus, sive dimidijs annis absolutis, accipias minùs tribus horis; singulis autem annis absolutis minùs sex horis; ut si scire velis locum solis in anno Bissextili pro 1. Septemb. hora 12. in meridie, in Circulo mensium accipias tribus horis minùs, id est horam 9. matutinam, quæ unâ octavâ particulâ spatij diurni distat ab hora 12.; respondebitque locus Solis in Circulo altero pro 1. Septemb. hora 12. in meridie. Similiter respondebit post elapsos iterum sex Menses, sive 1. Martij, si acceperis pro hora 12. in meridie, horam 6. matutinam, sive quarta parte spatij diurni minùs. Primo autem anno post Bissextilem, initio Septembris accipies minùs 9. horis, sive, pro meridie, horam tertiam matutinam; & in fine illius anni, prima Martij 12. horis minùs,

sive

sive pro meridie horam 12. noctis; & sic deinceps semper adhuc minùs per sequentem secundum & tertium annum post Bissextilem, ut tandem quarto anno, iterum Bissextili pro 28. Februarij, accipias minùs 24. horis, hoc est: 27. Febr. & restet spatium 28. pro die Bissextili sive intercalari, quæ tunc dicitur 29. Febr. Post hanc autem proximus merides usque ad 20. Martij, absq; infinitione, pro initio Arietis accipietur.

Idem commodiùs obtineret, qui unum prædictorum Circulorum efficeret mobilem, atque ita moveret, ut incipiendo à Martio Anni Bissextilis, initium Arietis, singulis mensibus, à meridie 10. Martij recederet, dimidia horâ, ultra meridiem, & intra sex menses 3. horis, totòque anno sex horis, & sic deinceps, absoluto anno post Bissextilem primo, 12. horis, secundo 18. horis, ut tertio tandem absoluto, post diem intercalorem 29. Februarij, numeratam in loco primæ Martij, Circuli iterum sic componatur, ut meridies 10. Martij reponatur ad initium Arietis, cum rursum adsit annus Bissextilis, qualis semper post tres annos elapsos est quartus. Vel certe, ut adhuc longè accuratior sit usus, reponatur ad illam horam, quæ in Calendarijs notatur pro ingressu solis in Signum Arietis ad initium Veris astronomici, in loco tuo,

Modus dividendi, Circulum pro diebus 365.

Divide occultè totum Circulum in 360. partes juxta Pralim: 42., ità tantum, ut in uno loco obtineas spatium 5. graduum. Hoc serva pro 5. diebus; reliquam autem peripheriam divide de novo aliter in 360. partes, videlicet, primò in 4., deinde harum quamlibet in 3., harum quamlibet iterum in 3., & harum quamlibet in 10.; hæ partes, unà cum servatis 5. facient universim partes 365., pro totidem diebus anni communis, quos in menses distribues, numerosque diebus competentes adscribes. Si Circuli essent valde magni, ità ut sensibilia redderentur 4. min. 7. secunda, hæ prius ex obtento illo quinque graduum spatio essent auferenda, & reliquum spatij ejusdem in quinque dies dividendum; deinceps autem peripheria reliqua in 360., ut dictum est,

Annus an Bissextilis, aut quoties post Bissextilem sit?

Sic rescies: Ex ejus numero rejice millia cum centurijs; & ex decadibus, viginti, si adsunt, quoties potes; ex residuo autem quatuor, quoties potes. Si nihil remanet est annus Bissextilis; si unum, est primus post Bissextilem; si 2., secundus; si 3., tertius. Sic ex numero Anni præsentis 1710., rejecta prima & secunda figura, unius mille, & septem centuriarum, si ex residuo 10. bis quatuor rejiciantur, remanent 2. Est igitur præsens annus, secundus post Bissextilem. Exciipiuntur Anni 1700., 1800., 1900., qui non sunt Bissextiles.

PROPOSITIO XVII.

De Coluris, vernalibus, & Horariis Circulis.

1. **C**oluri sunt duo Circuli maximi in superficie sphaeræ Cœlestis, qui in Polia mundi A. & B., Fig. 4., secant se ad angulos rectos, transitque Unus illorum per puncta æquinoctialia O. & O., (quorum unum sub altero latens intelligitur, ut dictum Prop: 7. sub finem) ideòque dicitur *Calurum æquinoctiorum*, & hic, quasi à latere

- tere visus, coincidit cum linea A. B., juxta Prælim: 5. dividitque Eclipticam in semicirculum Borealem O.E.O., & Australem O.F.O. Alter transit per puncta solstitialia E. & F., ideoque dicitur *Colurus Solstitialium*, & in hac Figura coincidit cum circulo A.C.B.D.A. In hujus gradibus numeratur maxima declinatio Eclipticæ ab Æquatore, C. E., D.F. 23. Grad. & dimidij. Moto Cælo simul moventur. Sunt minores præcipui, & in sphaeris armillaribus potissimum deserviunt ad reliquos præcipuos Circulos in debito situ definendos.
2. *Verticales Circuli* sunt maximi (in Figuris hic non expressi, sed facilius intelligibiles ab Incola in Terra existente) qui omnes transeunt per Zenith & Nadir, & per quodcunque punctum horizonis vel stellæ. Ex omnibus tamen ille, qui transit per puncta Ortus & Occasus æquinoctialis, dicitur *Verticalis Primarius*, dividitque sphaeram etiam in hemisphaerium Boreale & Australe. In gradibus verticalium Circ. numeratur altitudo stellarum supra horizontem vel profunditas infra, & distantia à Zenith & Nadir. Non moventur cum Cælo. Partem plani cujusvis Circuli verticalis representat quodcunque planum muri, assis &c. erecti juxta perpendiculum.
3. *Horarij Circuli* etiam sunt maximi, qui omnes transeunt per polos mundi A. & B., & per puncta æquatoris cælum dividunt in 24. partes, respondentes 24. horis astronomicis unius diei naturalis, ita, ut Circulus horæ 12. transeat per Zenith & Nadir, & sit idem cum Circulo meridiano, quemadmodum & reliqui cum Meridianis aliorum locorum, in prædicta distantia. Circulus autem horæ sextæ transit per puncta Ortus & Occasus æquinoctialis; reliqui denique per puncta intermedia, distantia ab invicem 15. gradibus æquatoris pro horis integris, minus autem proportionaliter, pro horarum quadrantibus & minutis. Cælo moto ipsi manent immobiles, sicut & ipse locus, pro quo horas distinguunt. Singulis horis unum ex horarijs attingit sol, videlicet meridianum hora 12., sequentem hora 1. & sic deinceps ab ortu occasum versus. Singulorum partem & situm exprimiunt lineæ, per quas in 24. horas dividitur *Cylus horarius*, qui in sphaeris apud Polum cum indice affigi solet, ut insinuatum est Prop. 7., pro arcu diurno & nocturno, quot horarum sit, cognoscendo.

PARS II.

De Orbe Terraqueo, Sphaerisque & Mappis Geographicis.

Circulos Cælestes præcedenti Parte explicatos nunc Orbi Terraqueo applicabimus, usumque illorum in Sphaeris & Mappis Geographicis docebimus, additis insuper nonnullis ad plenam mundi hujus Elementaris constitutionem intelligendam conducentibus.

Sphæra Geographica artificialis est instrumentum, quod in compendio representat totius Orbis Terraquei, omniumque ejus partium constitutionem, & ad quaestiones Geographicas facillimè resolvendas est longè aptius quàm *Mappa Geographica*,

phica, quia prototypum suum per globosam rotunditatem propriis imitatur, quàm plana charta, aut tela, in quibus mappæ sunt effigies orbis terraquei. Mappæ tamen quia multò facilius comparantur, illarum utilitas potissimum querenda est, & usus tantò diligentius addiscendus.

Universales vel simpliciter *Geographicae* dicuntur, quæ representant totum Orbem, plerumque & commodissimè in duo hemisphæria per polos dissectum, ut in Fig. 10., quæ simili situ, sed curvis lineis, exprimit *Æquator* & *Circulos* ei parallelos, quos lineis rectis cum ipsdem literis Fig: 7.

Mappa autem Particulares, dictæ *Chorographicae*, exprimunt grandiores orbis portiones, ut sunt: Europa, Africa, integra Regna &c. quali partes ex majori Mappa universalis, unà cum inhaerentium Circulorum portionibus, rescissas.

Topographicae representant minores orbis partes, ut sunt: Dominia Toparcharum, territoria Urbium &c. adhibita plerumque majori, quàm in Universalibus, mensura, ob maiorem spatij capacitatem.

PROPOSITIO XVIII.

Quomodo, & in quem finem æquator, ejusque Paralleli, & Poli applicentur orbi Terraqueo?

I Ocum in terris obtinent sub cœlestibus sibi respondentibus, ità ut descripti intelligentur per illa puncta superficiei terrestres, in quæ cadunt lineæ, si à Cœlesti Circulo correspondente, ducantur deorsum, id est, versùs centrum Terræ, uti in Fig: 12. duæ sunt lineæ punctuatae.

Existit igitur c. sub C., d. sub D., totiusque æquator terrestris c.d., quem nantæ *Lineam* appellare solent, sub cœlesti C.D. similiter Terrestris Tropicus Cancr. e.n. sub Cœlesti E.N., Polaris l.g. sub L.G., Polus arcticus terrestris a. sub arctico cœlesti A., b. sub B., ubi Terram tranlit Axis mundi.

Distant inter se tot gradibus in Terra, quot in Cœlo.

Exprimi solent lineis duplicatis, & subinde etiam speciali colore distinctis; æquator insuper in suos gradus dividitur.

Quandoquidem autem unà cum prædictis circulis, in sphæra & Mappis, exprimuntur *Regiones* & *Maria*, ut in Fig: 10., eodem intuitu simul ex ipsdem innotescit, quænam *Regio*, & qui *Populi*, sub quo Cœli puncto, vel Circulo degant, sive in quo Zenith ejusque existat; & porro, quinam habeant sphæram Rectam cum dependentibus sub æquatore cœlesti, Parallelam sub Polaris, vel alibi obliquam, cum omni vicissitudine & proprietatibus, quæ petendæ sunt ex Prop. 8.9 & 10.

PROPOSITIO XIX.

Quem situm, & usum habeat Ecliptica in Sphæra, & Mappis?

I N sphæris exprimitur per unum circulum, sed in Mappis universalibus per duos Semicirculos inter duos Tropicos N.E. & F.M. in Fig. 10., versùs utrumque Polum ab æquatore declinantes, adscriptis signorum characteribus & gradibus, eo fine, ut adverti possit, quantum quilibet ejus gradus declinet ab æquatore, & quàm remotè

ab illo, & super quibus Terræ Regionibus describat Parallelum æquatori Circulum (juxta Prelim. 37. & Prop 7.) quando Ecliptica unâ cum Cœlo quotidie circa Terram rapitur; & porro, quibus Populis, quo die, sol in eo gradu exiens per verticem transeat; cùm pro quolibet die, in quo gradu sol existat, sciatur ex Prop. 16., ac etiam, quod per verticem omnium illorum Terræ locorum transeat, quæ tot gradibus distant ab æquatore versùs eundem Polum, quantum illud punctum Eclipticæ, in quo Sol existit; cùm sub illo Parallelo descripto jaceat, conformiter ad dicta Prop. præced; de aliis Circulis.

Bene autem notandum est pro agnoscenda *declinatione*, seu distantia debita illius puncti, totiusque Paralleli, ab æquatore, quod accipienda sit juxta gradus, & quod gradus in ejusmodi Mappis, per lineas curvas expressis, ut in Fig. 10., mensuræ sint inæqualis, quæ versùs medium continuò decrescit, non secùs, ac si orbis hemisphærium, plano superimpositum, per compressionem versùs medium fuisset coarctatum. Unde sit, ut, si æquatori per lineam rectam expresso, ducatur Parallelus circa totam sphæram, observans æqualem, quoad numerum graduum, distantiam, sit nihilominus linea curva, minori spatio ab æquatore distans in medio, quàm in fine mappæ. Quod ipsum patet in Tropici & Polaribus Circulis. Plura de hoc puncto dicentur Prop. 31.

PROPOSITIO XX.

Quomodo Meridiani in Sphæra, & Mappis exprimantur, & quis illorum sit Primus?

IN Sphæra & Mappis universalibus non solent exprimi, nisi per Æquatoris decimum, vel quintum quemlibet gradum, ut in Fig. 10. exprimuntur ducti à Polis A. & B. idque sufficit, cum ex his reliqui intermedij locorum interiacentium facile intelligantur in mappis; in sphæris autem suppleri possint ope meridiani ænei, adducto ad illum quocunque loco sphæra circa axem rotatæ; unde simul reficitur, quænam loca cum illo eundem habeant meridianum, vel quæ respectu illius sint orientalia vel occidentalia, citiusque vel tardius habeant meridiem, ut dictum est Prop. 11. num. 4.

Primus Meridianus inter omnes ille est, à quo incipit numerari distantia reliquorum, in gradibus Æquatoris terrestris, communiter Orientem versùs. Locus illius nondum unanimiter & ultimatè determinatus est in Insulis littori occidentali Europæ & Africæ vicinis; nam quibusdam placet ille, qui transit per *Insulam Padam*, inter Canarias occidentaliissimam, vel huic vicinam *Insulam Ferri*, vix sensibilibet occidentaliorem. Aliis adhuc occidentalisior 7. gr. 10. min., per *Insulam S. Vincentij*, vel vicinas *del Fuago, S. Nicolai*, inter *Hesperides*, nominatas de *Cabo Verde*; 8. gr. 50. min. per *Insulam Pico*; vel 11. gr. 20. min. per *Insulam Corvo*, inter *Azores* seu *Flandricæ*. Aliis denique placet orientalisior, quàm Palma gradibus 2. per *Insulam Teneriffam* ex *Canariis* unam.

Igitur attendendum est, quem ex his assumat author, qui Longitudines Geographicas assignat, ne videantur erroneæ, si cum alio Authore comparentur, vel in errorem inducant in Mappis.

Nosci.

Noscitur primos Meridianus ex numeris graduum æquatori adscriptis : apud primum enim incipiunt, & finiuntur 360. gradus. Alij innotescunt ex eo, quod tendant à meridie ad Septemtrionem, quorum nomina subinde supremo & infimo lateri Mappæ adscribuntur ; vel certe noscuntur ex opposita uni meridianorum ac magneticæ, sive *Compasso* circulari, ejus cusps in lilio Gallico septemtrionem respicit.

Ex Semicirculis Meridianorum illi duo ad eundem Meridianum integrum pertinent, qui distant ab invicem gradibus 180. id est: semicirculo æquatoris, vel Paralleli. Idem est de lineis rectis, ubi per eas exprimuntur.

PROPOSITIO XXI.

Quam varix sint Mapparum Geographicarum formæ ?

Quædam per lineas rectas, quædam per curvas exprimunt Circulos supradictos, ut jam insinuatum est ; in his ipsis tamen adhuc multiplex est variatio.

1. Cæteris communiter præfertur, quam præmit Fig. 10. solus illius æquator est linea recta in gradus inæqualium, ut in Fig. 10. est, intervallo rum divisa. Sectio illius in duo hemisphæria per utrumque Polum mundi, aliquando, ut per primum meridianum, aliquando, ut per alium primo vicinum, facta repræsentatur. Hemisphærium sinistrum illud ipsum ob oculos ponitur, quod in globo integro lateret, si punctum D., chartæ à tergo complicatæ, adduceretur ad punctum C. Ex hac ipsa Figura accipe directionem pro variationibus sequentibus.
2. In quibusdam mappis exprimuntur Meridiani per semicirculos, qui tamen non concurrunt in uno puncto A. & B. sed terminantur ad lineam rectam superiorem, & alteram inferiorem, quæ repræsentat polos in lineas parallelas extensos ab A. usque ad A., & ex B. usque ad B. Tropici autem & omnes alij paralleli æquatoris sunt lineæ rectæ. In hac forma intervallo graduum per totum æquatorem sunt æqualia, sed versùs polos extenduntur proportionaliter, ut ipsa polorum puncta.
3. Ex primit omnes meridianos per lineas rectas, ad æquatorem perpendiculares, & puncta polorum AA. & BB. extensis in lineas æquatori D.C. parallelas & æquales ; quo casu & ipsi gradus circulo rum æquatori parallelo rum (qui omnes etiam sunt lineæ rectæ) unà cum regionibus, longè magis extenduntur versùs polos, quàm in præcedenti ; quod tamen incommodum est in solis mappis universali-bus, in particularibus autem non sentitur.
4. Proponit orbem in duobus hemisphæriis, quibus pro termino est æquator, pro centro autem uterque mundi polus ; ità, ut videantur oculo in axe mundi posito. Omnes Paralleli æquatoris hic sunt Circuli ; Omnes me-ridiani, lineæ rectæ à polo ad æquatorem ductæ.
5. In unico Circulo exhibet orbem totum oculo in axe mundi posito, ità, ut Polus unus sit in ejus centro, alter autem extendatur in integram circuli peripheriam, quæ totam mappam terminat, uti & lineas rectas meridianorum à centro ductas per æquatorem multò minorem.
6. Alia refert figuram perfectè quadratam, qualis efficitur, in circulo A.C.B.M.A., si ex polis A. & B. ducantur rectæ ad extrema lineæ æquatoris in hoc circulo con-tentæ.

tentæ. Has imitantur omnes meridianorum lineæ rectæ ab utroque Polo ad Æquatoris lineam rectam ad graduum divisiones ductæ. Omnes etiam Paralleli Æquatoris sunt rectæ Æquatori parallelæ.

Hæ sunt præcipuæ formæ Mapparum universalium, quas proximè imitantur Chorographiæ; Tertiâ plerumque contentæ sunt Topographiæ.

PROPOSITIO XXII.

Quid sit, & quomodo in Mappis reperiatur Longitudo, & Latitudo Geographica, & cum hac altitudo Poli pro quolibet loco, ex Meridianis, & Parallelis Æquatoris?

Veteres Europæi Geographi Terræ extensionem, ab occidente Orientem versùs, vocarunt *Longitudinem*; ab æquatore autem versùs polos, *Latitudinem*, quia plus de orbe Terrarum fuit illis notum orientem versùs, ac proinde illa extensio, tanquam major, dicta fuit longitudo, hæc autem latitudo, ut dici solet etiam in aliis magnitudinibus. Itaque

Longitudo Geographica alicujus loci, est ejus distantia à primo meridiano (de quo Prop. 20.) numerata in gradibus Æquatoris, usque ad Meridianum illius loci, communiter orientem versùs, si contrarium non exprimitur.

Si Mappa nihil de æquatore contineat, vices illius agit, & necessariam in gradus divisionem suppeditat communiter supremum, & infimum latos Mappæ, ut R. S. & T. U. in Fig. 11., adscriptis numeris etiam singulorum subinde graduum, imò & minutorum in Mappis minorum locorum, præ distantia à primo meridiano.

Differentia Longitudinû Geogr., est excessus, quo major superat minorem.

Latitudo Geographica alicujus loci est ejus distantia ab æquatore, numerata in gradibus meridiani versùs Polum alterutrum, diciturque *Borealis*, si locus distet Boream versùs, *australis*, si austrum versùs.

Pro hac faciliùs discernenda, in Sphæris & Mappis universalibus duci solent Circuli *Paralleli Æquatori*, per decimum quemlibet gradum Meridianorum, ex quibus etiam intermedij Paralleli locorum interjacentium pro singulis gradibus, & minutis intelligi possunt; in Mappis autem particularibus plures exprimuntur. Gradus distantia illorum exprimit vel *Primus meridianus* divisus, vel utrumque mappæ latus, plerumque dextrum & sinistrum, ut R. T. & S. U. in Fig. 11.; in Fig. autem 10. Circulus terminans hemisphæria. Noscuntur hi Paralleli, si noti sint meridiani ex Prop. 20.; hos enim secant ad angulos rectos, quando per lineas rectas exprimuntur. Si autem per Circulares exprimantur, ut in Fig. 10.; pro centro habent punctum aliquod axis mundi, vel ipsum Polum, ut in 4. & 5. forma Prop. 21.

Differentia Latitudinû Geogr. duorum locorum, est excessus, quo major superat minorem.

Latitudo loci semper est æqualis ejusdem Altitudini Poli, unde, hac ex Mappis reperta, scitur & illa, & vicissim. Respondet autem latitudini Boreali Elevatio Poli Borealis, australi australis.

Catalogi Longitudinis, & Latit; locorum passim vulgantur in libris astronomicis, & Geo.

& Geographicis, juxta quos ipsa loca facile reperiuntur in mappis, si assignata distantia ab Equatore & Primo meridiano sumatur. Unum dabo Proposit. seq.

Longitudo plerumque minus accurata est, quam latitudo, quia modus sat accuratæ observationis pro longitudine nondum repertus est, quamvis jam pridem ingenia præmia promissa fuerint à Nationibus navigationi deditis.

PROPOSITIO XXIII.

Quanta sit Longitudo, & Latitudo Geographica maximè præcipuarum in Terris Urbium.

Præsentem suppeditavit Celeberrima Scientiarum Academia Regia Parisiensis, erutam ex Tabulis Clariss. D. Philippi de la Hire, Mathematicum Professoris Regij, editis jussu Regis. Sola adjuncta est Vratislaviæ Latitudo ex observatione propria, nuper typis vulgata; Longitudo autem aliunde interim supradictis Tabulis est accommodata. Pro Primo respicit meridianum Insulæ Ferri occidentaliissimam inter Canarias, de qua Prop. 20. Litera a. significat lat: austral: reliquæ sunt Boreales.

Nomina Urbium.	Longitudo.		Latitudo.	
	Grad. min.		Grad. min.	
Agra Mogoris	101.	30.	28.	30.
Amsterdam Holland:	23.	2.	52.	21.
Argentina Strasburg:	26.	0.	45.	35.
Colonia Agripp.	25.	30.	50.	50.
Constantinopolis	50.	0.	41.	0.
Cracovia Polon:	38.	30.	50.	10.
Goa Indiæ	92.	0.	15.	30.
Hafnia Copenhag:	30.	55.	55.	40.
Hierosolyma	67.	0.	31.	38.
Ispaham Persiæ	84.	0.	32.	40.
Lima Peruvij	297.	15.	12.	20. a.
Londinum Angliæ	18.	12.	51.	29.
Lutetia Paris.	20.	30.	48.	50.
Madritum Hispan:	14.	30.	40.	14.
Mediolanum	27.	49.	46.	20.
Mexicum Americ:	273.	0.	20.	10.
Moscua	60.	0.	55.	18.
Pekinum Chinæ	135.	0.	39.	55.
Praga Bohem:	32.	52.	50.	4.
Roma.	31.	0.	41.	50.
Stokolmia Svec:	36.	45.	59.	30.
Vienna Austriæ	35.	30.	48.	22.
Vratislavia.	35.	45.	51.	7.

OS 30 SO

PROPOSITIO XXIV.

Quid, & quot sint Zonæ?

A Tropiceis & Polaribus Circulis Orbis Terraqueus dividitur in 5. Zonas, quasi Cingula, seu fascias, quæ eundem ambiunt.

Una dicitur *Zona Torrida*, & est spatium, quod inter Tropicos continetur: atque ab Equatore dividitur per medium in partem *Borealem*, & *Australem*. Sic vocata est à Veteribus, quiorbe non dum satis cognito, credebant eam tanto æstu imminenti vertici solis continuo torreretur, ut esset inhabitabilis. Sed contrarium jam docuit experientia. Causæ afferentur Prop. 114.

Zona Temperata sunt duæ, *Borealis* & *Australis*, illa videlicet duo spatia, quæ inter Tropicos, & Polares continentur. Nomen habent ab aura temperata, nec nimium frigida, nec nimium calida.

Zona Frigida sunt etiam duæ, *Borealis*, & *Australis*; illa spatia, quæ intrâ circulos Polares concluduntur. Nomen acceperunt à frigore prædominante propter Solem à vertice remotissimum, & noctes longissimas.

Quæ Regio in qua Zona contineatur, patet inspicienti mappas, aut sphaeras Geogr.

PROPOSITIO XXV.

Quid, & quot sint Climata?

Clima est Zonula, quæ in superficie globi Terraquei comprehenditur inter duos Circulos æquatori Parallelos, vel inter ipsum Equatorem, & talem Parallelum.

Juxta veteres ab æquatore usque ad Circulum Polarem Arcticum distinguuntur Climata Borealia 24., & totidem australia ad Polarem Antarct., singula tantæ amplitudinis, ut in fine cujusque dies longissimus sit dimidiâ horâ longior, quàm in initio. Sic initio primi, in æquatore est dies longissimus horarum 12., in fine horarum 12. & dimidiæ; in fine sequentis horarum 13. & sic porro. Spatia illorum continuo decrescunt; quot autem graduum quodlibet sit, utcunque colligi potest ex Tab. Prop. 15, si notetur, quot gradus latitudinis intercedant ab unius die longissima usque ad alterius diem long: Sic primum non est plene 9. graduum, ubi dies longissimus ponitur horarum 12. 32. min., duobus minutis major, quàm 12. h. & dimidiæ.

Solet etiam per cujusque medium describi parallelus, ubi est augmentum diei per horæ quadrantem.

In quoto Climate locus quisque positus sit, patet ex illorum designatione, si in Mappis facta est; aut etiam ex die longissimo ex Prop. 15. pro illius Elevatione reperto: Si enim numeres tot Climata, quot horis dimidiis dies ille longissimus superat horas 12., scies, in quoto Climatis termino sit ille locus, si nulla minuta supersint ultra horas dimidiæ; si autem supersint, pertinebit ad sequens Clima. Sic Wratavia, propter diem longissimam horarum 16. 21., horâsque dimidiæ 8., ultra horas 12. (propter quas numerantur Climata octo) ac denique propter min. 21.; quæ ultra horas illas dimidiæ supersint, pertinet ad nonum Clima.

Reliquum spatij, à peripheria Circuli Polaris usque ad Polum, dividitur in sex Climata, spectato incremento diei longissimi per unum mensem.

Re.

Recentiores Geographi, deserta inæqualitate veterum Climates, maluerunt æqualia iisdem tribuere spatia, numerando pro singulis 10. gradus ab Æquatore usque ad Polum, ita ut juxta hos sint 9. Borealia, & totidem Antralia. Antiquorum tamen noticia necessaria est pro intelligendis eorum libris, in quibus olim latitudo locorum non aliter explicabatur, quam per Climates, & Parallelos, eorum more constitutos, ab uno quidem authore plures, ab alio pauciores, prout uni plura, quam alteri de amplitudine Terræ notum fuit.

PROPOSITIO XXVI.

Quinam in Orbe sint Antipodes, Antæci, & Pericæti ?

Sic denominantur Terricolæ à vario situ, si inter se comparentur.

Antipoda vel *Antipodes*, quasi *Contrapedes*, pedes pedibus contraponentes, alii *Antitributes*, dicuntur illi, qui degunt in punctis diametraliter oppositis ejusdem meridiani, ita, ut unus Nadir sit Zenith alterius, & linea recta, quæ ab uno per centrum Terræ ducitur, transeat per alterum.

Hanc oppositionem consequuntur etiam vicissitudines oppositæ: Dum Sol uni occidit, alteri oritur; quando apud hunc est meridies, apud alterum est medium noctis; idem est de hyeme & æstate, die & nocte longissima & brevissima, stellis cum uno Polo semper apparentibus, cum altero latentibus. Idem tamen utriusque est horizon, & æqualis altitudo Poli diversi, ac denique par impotentia cadendi ad cælum, de qua plura suo loco.

Pro quolibet loco reperiuntur sic: à meridiano loci dati, in æquatore numera, quod placet, gradus 130., & in meridiano ibidem numera gradus latitudinis loci dati, sed versùs polum oppositum, ibi erit locus pro antipodis, aut adu existentibus, aut in potentia, si forte navis eò appulerit.

Pericæti quasi *Circumaccola* dicuntur, qui habitant in eodem Parallelo æquatoris, puta in G.L. vel N.E. Fig. 10. strictius autem dicuntur illi tantum, qui insuper habent eundem meridianum, ita, ut ab invicem distent 180. gradibus, sive Semicirculo ejusdem Paralleli, ut distat G. ab L. Experiuntur pares sphaeræ vicissitudines, quoad hyemem & æstatem, diem & noctem &c. Diversum tamen habent diei initium, medium, & finem, secundum distantiam meridianorum, de qua Prop. 11. n. 4.

Antæci quasi *Contraccola* dicuntur, qui habitant in oppositis Parallelis, in oppositam partem æqualiter ab Æquatore distantibus E.N. & F.M. in Fig. 10. ita, ut eorum latitudo, & Elevatio poli oppositi sit æqualis. Strictè autem sunt illi tantum, qui ibidem degunt in eodem meridiano, & simul habent meridiem, ut in F. & N. Experiuntur vicissitudines sphaeræ obliquæ explicatas Prop. 10. n. 14. Qui illi sint, pro quolibet loco, utile est in Mappa inquirere.

PROPOSITIO XXVII.

Quomodo unusquisque locus à quatuor Mundi Plagis denominetur ?

Orient alii vel Occident alii, Australis vel Borealis, à 4. Mundi Plagis dicitur locus unus

unus tantum respectivè ad alterum, eò quòd respectu illius jaceat ad Orientem vel Occidentem &c. Unde, quæ respectu unius loci sunt orientalia, respectu alterius sunt occidentalia, & vicissim. Sic Imperium Græcum respectu Romani est orientale, respectu Sinenfis occidentale.

Locus tamen subjacens polo Boreali absolute est Borealis, & sub Australi Australis, respectu cujusunque alterius. In Orbe veteri, id est: in Continente trium orbis partium, jam olim veteribus notarum, Europæ, Africæ, & Asiæ, extrema Asiæ versùs ortum semper dicuntur Regionès orientales, ut Indiæ, China, & Japonia; Extrema autem Europæ versùs occidentem, occidentales, speciatim Hispania, & Italia dicuntur *Hesperia* ab Hespero. Regna autem Danicæ, & Sveciæ, Borealia. Denique *América* partes nobis dicuntur Indiæ occidentales.

PROPOSITIO XXVIII.

Quinam Venti spirent à 4. Mundi Plagis, regionibusque intermediis,

A Quatuor Cardinalibus Mundi Plagis spirant hi quatuor Venti, qui & ipsi dicuntur *Cardinales*: A Septemtrione *Aquilo* sive *Boreas* Nord; Ab austro *Notus* sive *Auster*, Sud; Ab Oriente *Æquinoctialis* *Eurus* sive *Subsolanus* Ost. Ab Occidente *Æquin*: *Zephyrus* seu *Favonius*, West.

Inter hos medio loco ponuntur 4. Laterales: Inter Septemtrionem, & ortum *Euro-Boreas*, Nordost. Inter Ortum, & Austrum *Euro-Notus*, Sudost. Inter Austrum, & Occalum *Zephyro-Notus*, Sudwest. Inter Occalum, & Septemtrionem *Zephyro-Boreas*, Nordwest.

His nautæ Mediteranei maris interponunt adhuc alios 8., ut sint 16., & nautæ Oceani adhuc 16., ut sint universim 32. Quorum nomina per literas initiales exprimi solent in *Rosa Ventorum*, quæ instar stellæ delineatur, & radios suos terminat in peripheria Circuli in 32. partes divisi, in cujus medio continetur *Acus magnetica*, & Septemtrionem communiter indicat liliū Gallicum. Solet hæc *Rosa Ventorum* exprimi in mappis grandioribus, præsertim marinis, in pluribus ejusdem mappæ locis, ejusque radiorum lineæ productæ vias navibus designant, quas *Lutetani Rumb*, Belgæ *Rombs*, Græco-Latini *Rombos* vocant.

Ventorum periculosissimorum nomina sequuntur infrâ Prop. 113.

PROPOSITIO XXIX.

Quantus sit Orbis Terraqueus?

TERRÆ ambitus, seu tota Circumferentia Circuli Terræ maximi, quales sunt æquator & meridiani, juxta dimensionem ab Academia Regia Parisiensi, jussu Regis sui factam, methodo, quæ præ omnibus judicabatur securissima, continet pedes Regios Parisienses: 123249600. Quilibet autem gradus ipsius, pedes: 342360, minimum ped: 5706 minimum secundum ped: 99. & sex sexagesimas.

Unde unum milliare Germanicum, quorum communiter 15. numerantur in uno gradu & 5400. in toto Circulo, continet ejusmodi pedes: 22324. *Italicum* verò

Ad Prop. 30.
Quot miliaria germi, et minuta, quorum sexaginta
in uno miliari; contineantur in uno gradu cuiuslibet
Paralleli, pro qualibet Latitudine sive Elevatione Poli.

Lat. Loc. sive Alt. Pol.	mill. min.
1	14. 59
2	14. 59
3	14. 58
4	14. 57
5	14. 56
6	14. 55
7	14. 53
8	14. 51
9	14. 48
10	14. 46
11	14. 43
12	14. 40
13	14. 37
14	14. 33
15	14. 29
16	14. 25
17	14. 21
18	14. 16
19	14. 11
20	14. 5
21	14. 0
22	13. 54
23	13. 48
24	13. 42
25	13. 36
26	13. 29
27	13. 22
28	13. 15
29	13. 7
30	12. 59

Lat. Loc. sive Alt. Pol.	mill. min.
31	12. 51
32	12. 43
33	12. 35
34	12. 26
35	12. 17
36	12. 8
37	11. 59
38	11. 49
39	11. 39
40	11. 29
41	11. 19
42	11. 9
43	10. 58
44	10. 47
45	10. 36
46	10. 25
47	10. 14
48	10. 2
49	9. 50
50	9. 38
51	9. 26
52	9. 14
53	9. 2
54	8. 49
55	8. 36
56	8. 23
57	8. 10
58	7. 57
59	7. 44
60	7. 30

Lat. Loc. sive Alt. Pol.	mill. min.
61	7. 16
62	7. 2
63	6. 48
64	6. 34
65	6. 20
66	6. 6
67	5. 52
68	5. 38
69	5. 23
70	5. 8
71	4. 53
72	4. 38
73	4. 23
74	4. 8
75	3. 53
76	3. 38
77	3. 22
78	3. 7
79	2. 52
80	2. 36
81	2. 20
82	2. 5
83	1. 50
84	1. 34
85	1. 18
86	1. 3
87	0. 47
88	0. 31
89	0. 16
90	0. 0

*Usus: Accipe gradus Latitudinis loci sive Elev. Poli subti-
tulo suo; subsequente titulo adsumt miliaria et minuta,
quibus æquivalet unus gradus Paralleli si pro Wra.
titlavice lat: si repenes miliaria 9. minuta. 26*

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 34
PART 1
1904
LONDON
PUBLISHED BY THE INSTITUTE
11, BEDFORD SQUARE, W.C.1

verò, quorum 4. in uno Germanico, & in uno gradu 60., seu tot, quot minuta, pedes 5706.

Hinc eruitur Diameter Terræ, pedum : 39231564., milliarium Germ. 1719. ferè, Italic: 6876.

Semidiameter ped: 19615782., Milliarium Germ: 859. & dimidiè, vel rotundè 860., Italic: 3438.

Superficies convexa totius Orbis, in pedibus quadratis ex multiplicatione circumferentiæ Circuli maximi, per Diametrum, est : 4839274570374400. pedum quadratorum.

Tota denique Soliditas, si tertia pars superficiei convexæ multiplicetur per semidiametrum, est : 31615897294202629593600. pedum Parisiensium Cubicorum.

Porro ex unius Pedis Parisiensis particulis - 1440.

continet Pes Rhenanus - 1390.

Londonensis - 1350.

Bononiensis - 1636.

Romanus antiquus - 1331.

Si ergo numerus Pedum Parisiensium multiplicatus per 1440. resolvatur in suas particulas, & harum summa dividatur per particulas pedis Rhenani : 1390., quotiens erit numerus pedum Rhenanorum. Idem est de aliis.

PROPOSITIO XXX.

Quanti sint Circuli Terræ non maximi ?

Paralleli æquatoris tantò pauciores pedes, & millaria continent, quantò sunt remotiores ab æquatore :

Sic remotus gradibus	in uno suo gradu continet	Pedes	Digitos.
10.	- - - -	337156.	5.
20.	- - - -	321712.	2.
30.	- - - -	296490.	1.
40.	- - - -	262262.	0.
50.	- - - -	220061.	4.
60.	- - - -	171180.	0.
70.	- - - -	117093.	5.
80.	- - - -	69447.	0.

Modus idipsum reperiendi pro quocunque Parallelo.

1. Distantiam Paralleli ab Æquatore subtrahæ à gradibus 90.; residui sinum, quinque Figurarum, accipe ex Tabula sinu, quæ reperitur in libris impressa, & multiplica per 360.; ex producto rescinde quinque ultimas figuras, primæ remanentes erunt gradus; rescissas multiplica per 60., & ex producto iterum rescinde ultimas quinque, primæ remanentes erunt minuta prima; rescissas denuò multiplica per 60., ex summa rescinde ultimas quinque, primæ remanentes erunt minuta secunda; iterum denique similiter multiplica, & rescinde, remanebunt tertia &c. Omnes hi gradus & minuta sunt Æquatoris, quibus æquivalet totus Parallelus.

E

2. Hos

2. Hos omnes gradus & minuta per multiplicationem resolve in min: Tertia & collige in unam summam, hanc divide per 360. quotiens dabit Tertia unius gradus Paralleli; deinde per Regulam Trium sic operare: "a 600. dant digitos: 684720.; quid dat summa Tertiorum unius gradus? Quotiens dabit digitos unius gradus istius Paralleli, quos si divides per 12. prodibunt pedes, & remanebunt digiti pro fractione. Si verò multiplicaveris per 360.; in producto erunt digiti totius Paralleli, ex quibus per divisionem erues pedes & milliaria.

PROPOSITIO XXXI.

Distantia locorum quomodo reperitur?

IN Globo Geographico accipe distantiam locorum circino, transfer aperturam in Aequatorem, vel meridianum divisum, & numera interceptos gradus. Hos si multiplicaveris per 15., producentur milliaria Germ: distantie datorum locorum.

In Mappis particularibus, ubi apponitur scala milliarium, acceptam circino, aut alia mensura distantiam transfer in scalam; vel acceptam scalam mensuram, semel aut saepius, secundum lineam rectam applica distantie locorum, & patebit, quot milliariis aequalis sit. Si scala desit, ejus vices supplere possunt meridiani, si divisi sunt in gradus aequales, nam ex his intercepti gradus, multiplicati per 15., dabunt milliaria Germ:

In Mappis, quarum gradus etiam in Circulis maximis inaequales sunt, uti etiam sunt in Fig. 10., gradus Circuli maximi pro distantis minis accurate numerari possunt, in quolibet quadranguli spatio a Meridianis, & Paralleli intercepto, si distantia, quae intra illud continetur, totaliter, vel partialiter, mensuretur secundum gradus illius partis meridiani, quae latus quadranguli terminat, & prius dividenda est in tot gradus, quot illi competere docet divisio in latere Mappae respondens.

Quod si uterque locus sit in Aequatore, vel in eodem meridiano, aut prope, ipsius gradus sunt attendendi, & facta multiplicatione per 15. in milliaria Germ: convertendi.

Ceterum accuratissima distantiarum ejusmodi mensura operosius acquiritur ope Trigonometriae, per resolutionem Triangulorum sphaericorum, qua hic nolumus fatigare Incipientes; praesertim, cum etiam accuratissima raro conveniat cum quantitate itineris terrestris, ab uno loco ad alterum, cum raro in directum, ut distantia Trigonometricè mensurata, sed per varios occurrentium obsaculorum circuitus progrediatur, id eoque, ut plurimum, sit major, subinde tamen minor, quando milliaria itineris iusto majora, ex vulgi arbitrio, sunt designata.

PROPOSITIO XXXII.

Quomodo Sphaera, & Mappae Geographicae ad Situm
Mundi sint collocandae.

IN Sphaera Polus supra horizontem elevatur ad competentem loci latitudinem, Varsaviae ad gr 51. 7., numeratos à Polo usque ad horizontem in meridiano aëne; licet dicitur ad verticem sub meridianum; Meridianus una cum sphaera sic vertitur, ut respondeat lineae meridianae repertae aliquo ex modis Prop. 12. ostensis; horizon autem, ut situm obtineat horizontalem.

Ita situs locorum in sphaera expressus congruet situi, quem reipsa obtinent in Mundo. In eundem finem.

Mappa, in plano horizontali expansa, ita sunt collocandæ, ut meridianus loci, in quo adhibentur, congruat lineæ meridianæ, & parallelus lineæ æquatoris. Vel certè, si in quapiam Regione cognitus sit situs duorum locorum, vel fluvij, eorum situi conformetur etiam situs illorum locorum, vel fluvij, in mappa expressus, ut sint simul in eadem linea recta.

PROPOSITIO XXXIII.

Quomodo iter per terras ignotas dirigi possit ope Mapparum?

Mappa ad situm mundi collocata, per Prop. præc., etiam nemine hominum interrogato, ostendet, quò tendendum sit, ut ad locum designatum perveniat; quæ via, per quæ loca intermedia sit brevior, aut quantò longior? præsertim adhibita scalâ milliarium, & mappa magis particulari, in qua subinde etiam viæ, pontes, & plura ejusmodi particularia exprimentur. In quocunque enim loco, si mappa, ut dictum est, collocetur, situm aliorum locorum circumjacentium ostendunt lineæ rectæ, quæ à loco collocationis in Mappa expresso ducuntur per loca reliqua ibidem expressa.

PROPOSITIO XXXIV.

Datâ unius loci horâ, quomodo rescitur, quota sit alibi?

In sphaera, vel Mappa, à meridiano loci dati, numera gradus usque ad meridianum loci alterius; quoties 15. gradus numeraveris, tot horis plures elapsæ jam erunt in altero loco, quàm in loco dato, si ille alter fuerit orientior, pauciores autem, si fuerit occidentior. Cùm itaque à meridiano Wratislaviæ usque ad meridianum Parisiensem numerentur 15. gradus & 15. circiter minuta, occidentem versum, si fuerit Wratislaviæ hora 2. post meridiem, Parisiis erit minus una horâ, & uno minuto, siue deerit adhuc unum minutum ad horam primam. Vide dicta Prop. 11. n. 4.

PROPOSITIO XXXV.

Quæ Regionēs simul cum Wratislaviensibus habeant meridiem, & horas diei reliquas?

Sunt illæ, per quas transit Semicirculus Meridiani, in quo existit Wratislavia, in sphaera, & mappis; vel illæ in Catalogis, quarum longitudo Geographica est par Wratislaviensi.

In Mappis Justi Dankerts reperies partem Spitzbergæ, Sveciæ, Pomeraniæ, viciniam Viennæ Austriæ, Carolostadij Croatiae, Neapolis, Montis Aetnæ, Regni Tripolitani, Loango, Congo, & Capitis Bonæ Spei. Illi ergo Incolæ, ubi Catholici sunt, nobiscum in meridiem ad pulsum Campanæ orant, & DEO pro beneficio Incarnationis gratias agunt.

PROPOSITIO XXXVI.

In quo meridiano Sol existat quâvis horâ in uno loco datâ?

Quando Wratislaviæ est hora post meridiem quarta, Sol existit in meridiano occidentali gradibus 60.; quando autem est hora 9. matutina, existit in meridiano orientali gradibus 45., & sic porro, numerando pro qualibet hora post meridiem 15. gradus occidentem versùs, ante meridiem orientem versùs, ab illo loco, cuius hora data fuerit in Mappa, vel in sphaera Geographica. In ipso autem meridie existit in meridiano loci dati.

PROPOSITIO XXXVII.

Cuinam loco Sol sit verticalis horâ datâ in alio loco?

1. **I**n Sphaera, aut Mappa quære locum Solis in Ecliptica juxta Prop. 16. & 19.
2. Per hunc locum describere parallelum Solis, & Aequatoris; quod facillimè præstabis, cretà apud meridianum Sphaeræ adhuc locum applicatâ, & Sphaerâ circumactâ; in Mappis autem universalibus rectarum linearum, ductâ lineâ rectâ Aequatori Parallelâ; circulari verò in Mappis curvarum linearum, juxta gradus distantie competentes, & divisos, prout dictum est Prop. 31.
3. A puncto, in quo meridianus loci dati interfecat parallelum, numera in eodem parallelo toties 15. gradus versùs occidentem, quot jam horæ elapsæ sunt in loco dato ultra meridiem; vel versùs orientem, quot horis assignata hora præcedit meridiem; ibidem erit locus, cui Sol datâ horâ est verticalis.

PROPOSITIO XXXVIII.

In quibus Terræ partibus, datâ quâlibet horâ unius loci, Sol luceat, oriatur, occidat, aut meridiem faciat?

Reperto priùs loco, cui Sol horâ datâ est verticalis juxta Prop. præced.; ex illo quasi centro, vel potiùs polo, in sphaera describere Circulum maximum, seu peripheriam 90. gradibus ab hoc polo distantem. Totum hemisphaerium supra hanc peripheriam existens Sol tunc illuminat; meridies autem est in locis, quæ sunt in meridiano per Solis locum transeunte; ortus denique in semiperipheria occidentali Circuli maximi descripti, & ab hoc meridiano divisi; occasus in semiperipheria orientali.

In Sphaera Circuli descripti vices agere potest horizon, si punctum, cui Sol est verticalis, collocetur supremo loco, vel certè Sol splendens eundem designabit, si in prædicto loco stylum isâ erexeris, ut sit in lineâ rectâ, quæ ex centro educeretur, ac deinde sphaeram ita Soli obverteris, ut stylus nullam umbram projiciat; tunc enim illuminationis terminus dabit Circulum præfatum.

In mappis difficilùs locum invenit hæc Propositio, quia difficilùs describitur peripheria Circuli maximi à puncto Solis in omnem partem distans 90. gradibus, cum circinus adhiberi non possit propter distantie inæqualitatem ex gradibus inæqualibus.

PROPOSITIO XXXIX.

Quo die, cui loco, in Zona frigida, Sol ita oriatur, ut cesset occidere singulis 24. horis?

Dic, quo Sol existit in initio Arietis, absque ulla declinatione ab Æquatore, incipit apparere, sive oritur, & cessat occidere habitantibus in ipso Polo arctico. Illis autem, qui distant undique uno gradu ab hoc polo, sic oritur illo die, quo Solis declinatio Septentrionalis est unius gradus; & sic porro, tot gradibus recedendo à Polo, quot gradibus Sol declinat ab Æquatore; donec tandem Sol existens in initio Cancræ, illo die non occidat habitantibus in Circulo polari arctico. Eodem modo, sed altero anni dimidio, contingit Zonæ frigidæ australi. Inquire ergo in spherâ & mappis, vel Catalogis, quot graduum sit declinatio cujuslibet puncti Eclipticæ, juxta dicta Prop. 19., & quo die in quolibet Eclipticæ gradu Sol existat juxta Prop. 16., & scies diem, quo sic oritur in loco, cujus distantia à polo æqualis est declinationi Solis.

PROPOSITIO XL.

Quibus nominibus, secundum variam sui dispositionem, Terræ, Marisque partes inter se distinguantur?

In Terra.

Continens, vel Terra Firma dicitur major Terræ pars continua. *Insula* est minor Terræ pars à Continente sejuncta, & aquis undique cincta. *Peninsula*, sive *Chersonesus* est pars Continentis cincta aquis, præter exiguam portionem, quæ illam reliquo Continenti jungit, & *Isthmus* dicitur. Talis est *Corinthiacus* jungens *Mœream*. *Promontorium* est pars Terræ montosa in mare ultra latus reliquum procurrentis; in Mappis *Cabo, Capo*; vel dicitur: *Cuspis*, Italicè: *Punte*, si absque montosa altitudine acuminatim promineat. Præcipua sunt: *Promontorium Bona Spei* in Africæ sine Australi, *Cabo Verde* in occidentali, *Monte Santo* in Macedonia.

Portus est locus, in quo naves consistunt securæ à tempestatibus.

In Aqua.

Oceanus dicitur aqua circa totum orbem stagnans, cujus partes majores denominantur vel à 4. mundi Plagis, ut *Oceanus Orientalis*, *Occidentalis* &c. vel à terris adjacentibus: *Oceanus Germanicus*, *Atlanticus* ab Atlante monte Africæ, *Indicus*, *Sinicus*, &c. à fluctuum placiditate *Mare Pacificum*, vel *Mare del Zur*, id est *Meridionale respectu Maris Borealis, del Nort*. *Mare Caspium* vel *Hircanum* à populis olim accolis. *Mediterraneum* à medio inter terras trium orbis partium. *Glaciale* à Glacie, &c.

Archipelagus dicitur Mare multis Insulis refertum. *Sinus*, Italicè: *Golfo*, Hisp: *Baia* vel *Bay*, est pars maris minor, post angustum in terras ingressum sese dilatans, ut *Adriaticus*, sive *Golfo di Venetia*, *Persicus*, *Arabicus*, &c.

Fretum, Stretto, Estrecho de Mar; est angusta pars maris, per quam transitur ex uno mari ad alterum, ut est *Gaditanum ad Gibraltar*, dictum *Herculeum* ab erectis, ad *Gades columnas Herentis*, cui olim ibidem Nautæ sacrificabant, nec plus ultra navigabant. Item *Magellanicum*, & *la Maire* in fine Americæ Australis, & ex opposito *Anian, Davi, Hellesponticum* ad *Dardanellas*, dictum ab *Helle* Athamantis filia ibi submersa apud *Propontidem*; *Bosphorum* ad *Constantinopolim* dictus ab *bos* & *eo*, sive transieo, quia Jo in vaccam mutata, ibi transisse fingitur. *Euripus* inter *Bœotiam* & *Negropontem* quotidie septies recurrens.

Vertex, quibusdam etiam *Euripus*, est aqua in gyrum circumacta absorbens ad natantia. Famosissimus est ad *Norwegiam*, cujus ambitus est quinq; ferè milliarium.

Lacus est locus profundus, & vastus, cum aquis perpetuis. Minor *stagnum* dicitur.

Æstuaria sunt loca, per quæ mare æstuan accedit, & recedit.

Syrtes, Brevia, Banci, Baxios vel *Baixas*, sunt tumuli arenæ congestæ, in quibus hærent naves. Multis punctulis notari solent in mappis.

Scopuli, Abrolhos, saxa cuspidata ad superficiem maris eminentia, vel latentia, notantur in Mappa cruculis. Tales circa *Norwegiam* sunt dicti: *Pater noster*.

Currentes in mari sunt quidam rapidi torrentes, & motus aquæ, sæpe, etiam, contra ventum, tam violentus, ut subinde ruperit funem anchorarum 27. digitis crassum. Ab his dictum est *Cabo dos Corrientes* in Africa contra Insulam S. Laurentij. Causam illorum sufficientem nemo adhuc attolit.

Fluvius est aqua semper fluens, & usque ad mare nomen retinens; *Riviere* autem vocant, si in alium fluvium sese exonerans nomen amittat.

Ostium est aditus ad mare, per quem fluvius influit.

PROPOSITIO XLI.

Quot sint Partes Orbis Terraquei ?

Dividitur hic Mundus in *Veterem* & *Novum*. In veteri, qui etiam veteribus cognitus erat, sunt tres Partes : *Europa, Asia, & Africa* ; In novo una, *America*, cujus Insulas invenit Christophorus Columbus Genuensis Anno Christi 1492., Continentem Americus Vesputius Florentinus A. Chr. 1497.

Hæ passim dicuntur 4. Orbis partes. Annumeratis autem duabus recentius cognitis : *Terra Boreali* & *Australi*, sunt sex.

PROPOSITIO XLII.

Europæ compendiosa descriptio.

Nomen accepit ab *Europa* filia Regis Phœnicæ, vel ab *Europa* Rege Sicyniorum. Inter Orbis partes est minima, sed præstantissima, maximè habitata, fertilissima, scientiarum, & artium mater, & nutrix, aliarum Partium jam olim Domitrix, & Domina.

Dividit illam ab Asia in Continente ad ortum Tanais fluvius, & ab hujus flexu orientatissimo ducta linea recta usque ad proximam Obij fluminis ripam, ipsæque deinceps Obius usque ad mare Glaciale. Alias partes terminant maria, ut commodius dicitur ex mappis.

Figura

Figura illius assimilatur Virgini sedenti, sed admodum monstrosæ, cujus *Caput Sinum*, consilio potens Hispania; *Frons & nasis* Portugallia; *Collum* cinctum montibus Pyrenæis, quasi gemmis; *pectus gibbosum* Gallia; *brachium dextrum*, octed. locò chirothecæ indutum Italia, cum *Flabello* Sicilia; *sinistrum* Anglia, cum *manu* Scotia, & *serto* Hybernia; *sub sinistro* Belgium sive inferior Germania; *sub dextro* Venetiæ cum Helvetia, Republicæ. *Venter* Germania. *Toga* latè expansa Polonia, Lithvania, Moscovia, Turcia Europæa. *Balteum* volans, mari Balthico undulatus, Svecia, Norvegia, & Dania, cujus in alteram partem post tergum circumjecta extremitas, Corsica & Sardinia. *Pulvis*, cui infidet, mare Ægeum, & Pontus Euxinus. *Sedes* pars Asiæ; dorsi *reclinatorium*, mari Mediterraneo, quasi *pulvis*, investitum, lietora Africæ. Alij malunt eam assimilare *Draconi* volanti.

Longitudo illius maxima Recentioribus est: 1300., *latitudo*, 550. milliar: Germ: Continet *Sedem* Summi Pontificis, Christi in Terris Vicarij. *Imperia* duo: *Occidentale* Romanorum & Germanorum, cujus sedes Vienna Austriæ, supremæ quoque sedis locum tenens in Figura Currus Triumphalis, quam serè exprimit primus Imperij *Circulus Austriacus*, applicatis, pro anteriori parte, Tirol cum Episcopatu Brixinensi & Tridentino, in loco rotarum anteriorum; pro posteriori autem, Carinoliæ cum Carinthiâ, Stiria, & summo loco Austria; reliquis tandem ad Sveciam, & Rhenum sparsis partibus, pro aquilis & alaudis Currum trahentibus. Imperator Aug: Josephus I., natus 1678. Feliciter Imperans ab Anno 1704. *Oriente* Græcorum, nunc Turcarum, cujus sedes Constantinopolis. Quibus accedit Moscoviticum, *Regna* plurima supra enumerata. *Archiducatum* unum Austriæ. *Magnos Ducatus* duos: Lithvaniæ & Florentiæ; *Republicas majores*: Hollandiæ, Helvetiæ, Genuæ, Venetiæ, Lucæ, Ragusæ. *Ducatus, Principatus, & Comitatus* plurimos.

Urbes maxima: Roma, Constantinopolis, Parisij, Madritum, Londinum, Praga, Venetiæ, Antverpia, Gandavum, Colonia, Moscuæ.

Montes ejus maximi sunt: Sierra Morena Hispaniæ; Pyrenæi inter Hispaniam & Galliam; Sevensenles in Gallia; Appennini in Italia; Alpes inter Galliam, Germaniam & Italiam; Riphæi inter Bohemiam & Silesiam; Darefeld inter Norvegiæ & Sveciam; Carpathij inter Hungariam & Poloniam; Riphæi in Scythia Septentrionali &c.

Fluvij præcipui: Danubius, Rhennus, Albis, Amisus, Vistula, Borysthenes, &c.

Numerus Incolarum à Recentioribus æstimatur: 117. Millionum. In solo Londino plures esse, quàm Parisij simul, & Romæ, ac Rotomagi, ostendit Wilhel. Petty in suo Tentamine arithmetico Politico; videl: 695718.; esto Parisij sint 438099., Romæ: 125000., Rotomagi: 80000.

PROPOSITIO XLIII.

Asiæ descriptio.

Nomen accepit ab *Asia* Japethi Conjugæ. Terminum occidentalem, Septentrionem versùs, habet cum Europa communem in Continente; meridiem versùs, cum Africa, in isthmo inter mare Rubrum & Mediteraneum; alibi Maria.

In hac fuit creatus Primus homo, Paradisus, Terra sancta, in qua Christus natus, & mun-

& mundus redemptus; Monarchiæ celeberrimæ; Assyriorum, Babyloniorum; Persarum, & Medorum; origo scientiarum & artium & varietatis linguarum. Est cultior Africa. Deliciæ illius jam olim in proverbium abiierunt.

Figura illius difficulter imitatur anteriorem Camelli onerati partem, cuius *Caput* Turcia Asiatica, *vertex ac fincipus* Judæa, *occiput* Armenia; *Auris* dextra iusto maior, Asia minor, sive Natolia; *sinistra minor*: Georgia, cum Circassia, & quod inter mare Nigrum & Caspium; *Nasus & Os* Arabia, unde profluit in orbem Gunimi Arabicum, & Thus Sabæorum in Arabia felici. *Collum* Persia, *Pectus* Mogolis Imperium, unde *villus erectus*, vel *tégumentis* à dorso defluentis extremitas Indiæ pars, Goana, Bishnagarica, & Malabarica, cum Insula Ceylon. *Pes sinister* ab India extra Gangem, & Siamensi Regno, ceterum *Scapularum sinistra*, incurvatus per Malaccam, Sumatram, Iavam, Floris & Celebes Ins: *Pes dexter* extensus per Insulas Philippinas, Mindano & Terram dos Papos. *Ventris iniisium* Imperium Sinense. *Insestimatorum separata pars* Japonia cum Terra Yedso. *Septemtrionem versùs, Dorsum cum gibbo & oneribus, antrosum versis*, magna Tartaria, ex qua tot pilosæ pelles.

Longitudo illius maxima æstimatur: 1500., *latitudo*: 1000. Mill: Germ:

In solo Sinensi Imperio Urbium sunt 1900., inter quas eminent 150., Cantanina ex non maximis, in ambitu suo continet 3. Millia German: Fortalitia sunt 159. Numerus incolarum, in quibusdam Pagis est 3000., in toto Imperio 100. Millionum. *Proventus annuus* 150. millionum auri.

Urbes olim toto Orbe celeberrimæ: Babylon, Ninive, Hierosolyma.

Mons maximus Taurus dividit Asiam in Meridionalem & Septemtrionalem; cuius pars est altissimus Caucausus, in aure sinistra Cameli, inter mare Nigrum & Caspium, ubi & Marpesia cautes.

Fluvij præcipui: Tigris, Euphrates, Indus, Ganges, Jordanis.

Numerus Incolarum: 500. circiter millionum.

Miracula Mundi: Muri Babylonis, Templum Dianæ Ephesiæ à tota Asia 220. annis ædificatum; Carie Regis Mausoli Sepulchrum in Asia minori; Domus Cyri Medorum Regis, Colossus Rhodius.

PROPOSITIO XLIV.

Africæ descriptio.

Affro Herculis filio, vel ab *Africa* Rege Arabiæ denominata, flexo quasi corpore se Europæ & Asiæ affricat, instar blandientium animalium, quorum tantam novici varietatem, ut jam olim in proverbium abiierit: Africam semper aliquid novi asserere. In universum ferè calidissima, passim arenâ & sabulo sterili obducitur, sed ubi fluviis irrigatur, portentosa propè fertilitate Europam superat.

Terminus in continente habet cum Asia communem in Isthmo inter mare Rubrum & Mediterraneum; reliquos ad maria utilis docent mappæ.

Longa est: 1600., *lata* 1400. mill: German:

Figura illius imitatur Cor, vel potiùs Pernam, seu Petasionem, ex qua pars Tibiæ refectæ Insula Madagascar.

Dividitur in partes 7.: *Egyptum*, Barbariam, Biledulgerid sive Numidiam, Sar-

ram,

ram, Nigritiam, Abissinorum Imperium sive Æthiopiam interiorem, & Æthiopiam
exteriorem, in qua Monomotapæ Imperium.

Ægyptus ob fertilitatem, olim Orbis horreum dicta, numerabat Urbium 20000.
& totidem Pagos in sola Insula Delta ab Oſiis Nili formata. Ex mundi miraculis
non procul Cairo, ostentat Pyramides, Pharaonum, sive Regum sepulchra, quarum
maxima, juxta Plinium est alta 398. pedibus, & latus quadratæ basis longum ped: 353.
Prope Alexandriam in Insula, Pharum, Turrim lucentem navigantibus.

Urbes primariæ: Cairus sive Memphis, in qua 16000. platearum; Arx in magnitudine
Lipſiæ par; urbis longitudo 3. milliari: Germ: est triplo major Parisiis. Fessa Triurbis,
in qua centum in illia domorum, & ædes primaria Caraven in ambitu continens ses-
quimilliare. Marocco, Tunetum, Algerium, Tripolis, Mozambicum, &c.

Montes præcipui: Abyſe, Lunæ, ubi sunt fontes Nili; Atlas Mauritanix Oce-
anum Atlanticum versùs.

Fluvij præcipui: Nilus in Ægypto Crocodilis minax; Niger fluvius, Senaga,
Cambra, Spiritus Sancti, &c.

Incolarum numerus æstimatur circiter: 100. Million;

PROPOSITIO XLV.

Americæ descriptio.

Nomen accepit ab *Americo Vesputio* inventore, ut dictum Prop. 41. Dicitur etiam
novus mundus, quia de novo inventus *veterem*, ex Europa, Asia, & Africa com-
positum ferè adæquat; item *India occidentalis*, quia reperta circa idem tempus, quo
India Orientalis. Divitijs, fertilitate, ac etiam barbara immanitate, alias Orbis
partes superat.

Longa est 2400. *lata* 1300. circiter mill: Germ: ut pridem notatum est. Plus
indies innotescit.

Dividitur in *Meridionalem*, quæ *Peruviana*, & *Septentrionalem*, quæ *Mexica-
na*, ab urbibus primariis dicitur. In Septentrionali Provinciæ primariæ sunt 4.
Nova Hispania, sive antiqua Mexico, occupata à Ferdinando Cortesio A. 1518.; Nova
Hispania, sive nova Granada; Florida, Canada, sive nova Francia. In Canada præ-
terea sunt: Virginia, nova Svecia, nova Hollandia, nova Anglia, Acadia.

Fluvij præcipui: S. Laurentij in Canada, della Cruz, Ciapotula.

Urbs primaria totius Americæ est Mexicum, continens ædium 70000. & in
ambitu 6. mill: Germ: Patancha in nova Hispania Cairo Ægypti comparatur.

In Meridionali præcipuæ Provinciæ sunt: Terrasirma, Peru totius orbis ditissi-
ma, Chili, Magellanica, Paraguay, Brasilia, Amazonum Regio, Gviana.

Fluvij: Amazonum, totius orbis maximus, dela Plata, Culata, S. Mariæ Magda-
lenæ, Orinoque, Marannien, &c.

Numerus incolarum utriusque æstimatur 200. millionum.

PROPOSITIO XLVI.

Quæ Regiones hucusque cognitæ sint in Terra Boreali, &
Australi?

IN boreali : Terra Labrador, sive nova Britannia, nova Dania, Grönlandia, ubi capiuntur Balenæ, Spitzberga, nova Zembla ; Islandia, usque ad 51. latitudinis gradum Hollandi accesserunt. In Australi : nova Hollandia & Zelandia, Terra del Fuogo, nova Guinea, Terra vitæ. Circulum Polarem Antarcticum nemo adhuc accessisse legitur. Itaque plus de orbe Terræqueo versus Boream, quam versus Austrum hucusque innouit.

PROPOSITIO XLVII.

Quonam pacto facillimè totius Orbis, omniumque ejus Partium noticia comparari possit ?

Experientia docuit, hunc modum præ aliis longè faciliorem, & omnis propè laboris expertem : Mappas Geographicas Regionum, quas nosse cupis, præ omnibus autem, ut necessarius ordo seruetur, totius orbis, & 4. ejus Partium, aptis insuper coloribus distinctas, appende in loco commemorationis tuæ, tali pariet, qui opportunè accedi potest, & plerumque in conspectum venit ; in ea insuper altitudine, quæ oculis tuis ad omnia legenda servire potest. Ità fiet ut totius orbis constitutio continuò sese oculis tuis ingerat, omniumque temporum, aliis occupationibus impenforum, intervalla capet, ut per modum relaxationis in varias Regiones excurrendo, easque perlustrando, animum utiliter distrahas. Neque fieri poterit ; ut tam frequenter inspectæ figuræ & inscriptiones, vestigia nulla memoriæ tuæ impressa relinquant.

Juvabit autem in hisdem expendere : Terrarum & marium situm, Figuram, magnitudinem, longitudinem & latitudinem Geogr. ; locorum inter se distantiam, terras vel maria interjacentia, aut vicina ; itinera brevissima ; quis locus consuecili sit aptior propter vicinum mare, aut fluvios navigabiles, mercium advectionem facilitate ; fluviorum fontes, progressum, & ostia, Clima, Urbes primarias, Arces, Montana, Sylvas, Academias, Aurisodinas, loca à bellis, & præliis, Regibus cæsis, aut captis, mercibus, fructibus, heroum facinoribus, ædificijs, Turribus, itineribus celebrata ; quos habeat antipodes, Antæcos, Periæcos &c.

Plurimum ad eundem finem conducent, eodem modo unà cum Mappis adhibita Tabulæ Geographicae impressæ nostri P. Theophili Raynandi, ex quibus Provinciarum consuecili raritates collectæ, & in Mappis ad locum earum repertum applicatæ, mirè memoriæ juvabunt, apparatusque pro discursibus eruditus augebunt. Inceperim pro exercitio utilis curiositatis in Mappis accipe sequentia.

PROPOSITIO XLVIII.

Qua via totus Orbis circumnavigari possit ?

Prima circumnavigavit navis Victoria Ferdinandi Magellani, & hanc viam tenuit Anno Chr. 1519. 10. Augusti Hispali Teneriffam, inde per Insulas Hesperides ad Promont. Sierra Lione, ad Caput S. Augustini in America, Cap. S. Mariæ, ad Portum S. Juliani sub gradu 49. & med. Antarcticæ latitudinis, ubi hibernavit per Aprilem, Majum, Jun., Jul., Augustum. Hinc ad Promont. 11. millium Virginum, ostium freti Magellani, per hoc ad mare Pacificum ad Insulam Tiburonum, S. Petri, Latronum, Archi.

Archipelagus S. Lazari, Insulam Zobus, pro cuius Rege in prælio occubuit Magellanus in Ins. Matana. Indè ad Portum Ins. Bornei, ad Moluccas, Insulam Timoris, per mare Lanthidol, Caput Bonæ Spei. Insulam S. Jacobi, Hesperidum, & indè ad Portum Hispanensem A. 1522., die 7. Septembris, quam ipsi numerabant sextam ob navigationem factam versus occidentem, ut ostenditur Prop. 62., ingressique sunt 8. Septembris Hispaniam, nodis pedibus, soloque indusis amicti, præferentes singuli accensam faciem, humique prostrati DEO gratias agentes, 13., ex 237. Sociis, qui, exclusis omnibus mulieribus, iter ingressi fuerant, residui. Navis autem ob victas totius Oceani procellas, & primum Orbis circuitum dicta est *Victoria*. Deinceps plures circumnavigarunt, & novum insuper transitum reperit Jacobus Maire, per Fretum Magellanico vicinum.

PROPOSITIO XLIX.

Classis Salomonis, quâ viâ, & quò perrexerit ?

Libro 3. Reg. c. 9. Salomon cum Rege Hiram Classem fecisse scribitur in Asiongaber, juxta Ailath in littore maris Rubri, in Terra Idumæa, sive Edom, dicta postea Berenice, & hodie Persis Suez. Indè navigabat in *Ophir* & ite c. 10., in *Tarsis*; indè que afferebat auri aliquando 7776000. Scuta Romana, argentum, dentes Elephantorum, ligna Thyina gemmas, simias, & Pavos. Nomine *Ophir* probabilius intelliguntur complures Insulæ littoribus Africæ, & Indiis vicinæ: Cephalæ ad Africæ littus orientis; Malacæ, Peguvium, Java, ipsæque Indiarum littoræ. Ibi enim similia reperiuntur, & Peguviani, teste Maffeo. l. 6., hodie dum originem suam agnoscunt à Judæis, damnatis olim ad aurifodinas *Ophir* à Salomone, ac denique navigatio, quæ ante usum Magneticæ acûs potissimum fiebat circa littoræ, per multos circuitus poterat insumere triennium. Accedit, quòd ibidem reperiatur Phison, seu Ganges fluv., circumiens Terram Hevilath, & quòd Hevila Gen. 10. dicatur frater *Ophir*. Nomine *Tharsis*, si non venit aliquis ex locis prædictis, probabiliter aliqui intelligunt Hispaniam Bæticam, seu Tartessidem, quò circumnavigatâ Africâ perventum, & indè, per Mare Mediterraneum, reditum fuisse ajunt intrâ triennium in Joppen. Ricciolus l. 3. c. 20. Geogr. reform: Insulæ Salomonis in Mari Pacifico longè tardius repertæ, & sic nominatæ sunt, fuisse tunc tanta distantia insuperabilis imperfectæ tunc navigationi.

PROPOSITIO L.

Quâ viâ Veteres Romani adierint Indias Orientales ?

Terra, & Mari hoc iter peragebant, pergendo in Ægyptum, Alexandriam, Juliopolim, hinc per Nilum Copton, indè per mausiones pro Camelis, aquisitionum ratione, dispositas, quas *bydromata* vocabant, intrâ dies 12. Berenicen, nunc Suez, portum ad Maris Rubri finem Borealem; unde per 30. dies navigabant Ocelum Arabiæ, sive Catam, & hinc per 40. dies Muzirim, primum Emporium Indiæ, vel Becaren. Annum indè lucrum ex Plinio fuisse colligitur: 1250000. Scutorum Rom.; seu Coronatorum,

PROPOSITIO LI.

Quâ viâ nunc, & quàm utiliter navigetur ad Indias ?

Europæ naves circumcunt Africæ litus occid. ; ipsûmq; Caput Bonæ Spei, quo superato demensum vini nautis augetur, & Nauclero dona mittuntur. Si mensis Julius jam elapsus est, proceditur extra Insulam S. Laurentij, & absolvitur totum inter Coccinum, vel Calcutium intrâ menses 7. Si verò inita fuit navigatio mense Martio & Aprili, proceditur intrâ illam Insulam, & absolvitur intrâ menses 6. vel semisex, si felix fuit.

Ulyssipone ad Canarias requiruntur dies circiter sex, inde ad Ins. Cabo Verde dies 7., hinc ad Æquatorem mensis 1. ; ad Ins. Martini Vassij, aut Trinitatis dies 20. ; vitatâ hinc orâ Gvinæ, propter malaciam & aquæ versûs Boream currentis viscositatem ; inde scopulis Abrolhos sub gradu 18. Poli australis, prope Brasiliam, propter tres superatos epulum instituitur ; item Capite S. Augustini, quo viso aliâ Lusitani sub pœna capitis tenentur redire ad Lusitaniam, eò quòd illo anno in Indiam pervenire jam non possint, ob ventos, & motus aquæ ibidem contrarios. Ab Abrolhis usque ad C. Bonæ Spei mensis 1. Hinc per oram natalis, infamem tempestatibus, ex nubecula dicta *Oculus bovis*, ad Caput Currentium dies 20., vitatis per 3. dies Syrtibus Judaicis, vulgò Baixos de Judæa, sub 22. 15. antarctici ; Mozombicum dies 4. Ad Æquatorem mensis 1. ; ad Portum Goæ dies 20. Alterâ autem viâ Coccinum uno mense tardius. Ulterior navigatio, Japoniam versûs, sæpius interruptitur expectatione commodi venti, idèoque solet esse diuturnior.

Alterâ viâ ex Europa per Fretum Mairanum in Philippinas & Moluccas, mensium 3. aut 9., non est tot tempestatibus & ægritudinibus periculosa, neque opus est toties expectare tempestivitates ventorum, ut in priori.

Ad Indias Occid. sive Americam transitus est sine tot ambagibus, per mare del Nort. Sevilîâ Mexicum intrâ menses duos, & dimidium ; ad Portum Nombre di Dios intrâ duos. Inde in Hispanensibus rationum libris reperti sunt, ab Anno 1519. ad 1617., allati, ex auro, argento, aliisque mercibus, mille quingenti triginta sex milliones auri, qui divisi per annos 98. dant singulis annis ferè 16. milliones auri. Ricc. loc. supra cit. Idem refert L. 3. c. 13. perhibere Hispanos, ex utroque novo Orbe auri, argenteique vim tantam jam fuisse advectam, ut ex solo argento potuisset fieri argenteus pons, palis argenteis in mare defixis, qui veterem Hispaniam, novâmq; committeret. Posterius Wilhelmus Pettij, in sua Arithmetica Politica, Londini edita Anno 1691., solam Hælecum capturam plus redituum Belgis tribuere judicat, quàm tribuat, aut Hispanis Indix Occidentalis, aut ipsis Orientalis Indix commercium, dum eos ultra trecentas librarum Myriades annuas ascendere perhibet. Quod videtur de lucro ex solis mercibus accipiendum, non verò ex fodinis,

PROPOSITIO LII.

Quæ maria sint navigantibus maximè, quæ minimè periculosa ?

Minimè periculosum, naufragiisque obnoxium est, uti ipso nomine suo ostendit, mare Pacificum. Omnium autem à naufragiis infamiam superant duo maris

ri tractus. Primum ad Caput Bonæ Spei, oramque natalis, propter ventos Ecnephas, Typhones & Scopulos Baixos, ut dictum Prop: præced: & pulvinos prælongos, Currentiumque aquarum violentiam, ita, ut vocetur *Sepulchrum & barathrum navium*, suntque ibidem, inter signa tempestatum, horrida maris monstra naves infrequentia. Alter inter Insulam Coream Chinæ adhaerentem & Japoniam, ubi subinde Imp: Taicofama intra paucos annos, 400, plures naves amisit. Præterea timentur: in Oceano Germ: Canalis inter Angliam & Galliam, *manica* vocari solitus; inter Hiberniam & Azoridas; ad Tertiariam & mare Mukoffron ob voragines navium. In Mediterraneo circa montem Atho & Capo Malio, de quo proverbium: *Maleam legens domesticorum obliviscere*, &c. In Oceano del Nort, Sinus Gaditanus & Equarum, ora Cantabrica & Britannica, vicinia Floridæ, & Sinus Mexicanus. In Æthiopico, ora Gvinæ ad Sierra Liona. Fauces Rubri maris. Sinus Bengalæ. Mare inter Malaccam & Sinas. Ostium freti Magellanici, &c. Plura Prop: 113.

PARS III.

Propositiones Curiosæ ex fundamento, aut occasione præcedentium occurrentes.

PROPOSITIO LIIL.

Ad quot milliaria se extendat dominium Rusticelli, cujus fundus continet 10. passus in longum, & latum?

SI quidem non tantum in longum, & latum superficiæ terrestris sese extendit Dominium fundorum, sed etiam ad tertiam dimensionem, quæ est in profundum, ita, ut etiam hoc sensu, trinam dimensionem spectando, sit *Dominium in solidum*; possitque Dominus non tantum superædificare superficiæ fundi, sed etiam puteos, cellaria &c. Fodere; idque absque termino à Jure præscripto; igitur extendit se dominium dicti Rusticelli ad 560. milliaria Germ: deorsum, quanta est semidiameter Terræ.

PROPOSITIO LIV.

Quam procul sit usque ad Infernum?

SI in centro Terræ positus est, ut multi existimant, distat à superficie Terrestris: 360. mill: Germ:, sive semidiametro Terræ. Quantum iter super Terram, etiam si miliaribus singulis bihorium impenderetur, absolvi posset intra dies 13., celerius autem in celeriori Possa. Minimo tamen tempore indigent scelesti, qui in puncto ad inferna descendunt.

PROPOSITIO LV.

Iter, circa Totum Orbem, quanto tempore absolvi possit?

Navis Victoria hoc iter absolvit intra annos tres, quorum unus Bissexilis, & dies

atq; sed per varias ambages, & interpositas subinde in diversis stationibus moras,

Hirundo intrâ unum secundum temporis minutum volando absolvens 100. pedes Parisienses, Totum Terræ ambitum abolveret intrâ dies 14., horas 6., min-
21., sec: 36.

Homo, si abolveret quolibet die 4. mill. Germ: indigeret annis Com: 3. & diebus 355.

Limax quolibet 36. repens per 1. pedem, indigeret Annis Com: 37670., diebus 90.

PROPOSITIO LVI.

An sit possibile circuire totum mundum, non mutatâ à punctis
fixis, id est: à centro mundi, & Polis, distantia?

Ita omnino quotidie circuit quodlibet punctum Aequatoris Cœlestis, imò & quod-
libet aliud firmamenti punctum, dum describit circulum quotidiani raptus, ut
de Ecliptica dictum est Prop: 19. & in Prælim: 37., cujus peripheria æqualem sem-
per observat à polis mundi distantiam, ac etiam à centro Terræ, & mundi, ut ipsa
Sphæræ Cœlestis superficies juxta Prælim: 27. Quin fieri potest, etiam in Aequato-
re Terrestris, vel quocunque ejus Parallelo, ut saltē secundū aliquam eorum par-
tem, in quocunque loco descriptam, corpus quoddam moveatur per superficiem,
ut oportet, Sphæricam, & similiter distantiam à punctis fixis non mutet. Nē igitur
dixeris, non mutatâ à punctis fixis distantia, locum non mutari.

PROPOSITIO LVII.

An plus itineris capite, quàm pedibus, conficiant peregrinantes?

Qui aliquem ex Terræ Circulis perambulare, majorem capite, quàm pedibus Cir-
culum describeret, quia Caput à centro Terræ est remotius, quàm pedes. Major
igitur erit via Capitis, quàm pedum. Idem verum est de qualibet Circuli parte.
Imò etiam, si viâ per Terræ superficiem non fuerit circularis, semper in viæ termino
Caput longius distabit à suo viæ initio, quàm pedes à suo; uti semper in Figura 13.
longior est linea A.B., quàm c.d., etiam si iter per planum c.d. fuisset actum.

PROPOSITIO LVIII.

Quanam parte mundus sit rotundior?

Illa parte, quam constituunt Maria, in hoc Mundo Elementari: illa namque est
humidi natura, ut sibi relictum ad decliviora destinat; unde consequitur, nullam
in maris superficie partem remanere altiore, sed omnes supremas æqualiter à
mundi centro distare, prout superficiei sphæricæ competit juxta Prælim: 27. Unde
ulterius deducitur, omnia maria inter se conjuncta, esse æqualiter alta, eorūque
supremam superficiem æqualiter à centro mundi distantem; quia, si unum esset
altius, in alterius locum demissiorē destueret, tandiu, donec superficies aquæ cessā-
ret esse loco demissiori. Id ipsum demonstrat Archimedes, libro de sjs, quæ ve-
hantur in aqua. Similem rotunditatem non affectat terra, sed, ut conspicimus, in
montibus & vallibus valde notabilem semper retinet inæqualitatem.

PRO-

PROPOSITIO LIX.

An Pocula, & vitra, aliâque similia vasa, plus vini capiant in Cellario, quàm in Superiori loco Domûs ?

ITa omnino accidit secundum liquidorum naturam, quæ, ut dictum est, sibi relicta sic tandem quiescunt, ut superficies illorum sit rotunda, ac sphericæ figuræ, cujus centrum est centrum mundi. Cùm autem illa superficies, quanto est centro vicinior, tantò minorem spheram efficiat; & quanto minor est spheræ, tantò curvior sit ejus convexitas, & tumor; inter ejusdem poculi labia in majorem affurgit cumulum in loco demissiori, quàm in altiori, ut videre est in Fig: 14. in eodem vase A. & C.; ac proinde in Cellario mensura magis erit conferta & cumulata, quàm in loco altiori. Nimirum tamen avarus esset Anopola, qui propterea mallet in Tur-ri alta, quàm in cellario, vinum ad mensuram vendere.

PROPOSITIO LX.

Utrum naturaliter possibilis sit piscina, aut lacus in plano nullis aggeribus cincto ?

IN plano D.E. Fig: 14., aqua superfusa ita consistet, ut ejus superficies futura sit sphericæ, ac conformis rotunditati D.A.E., cujus centrum est in O., conformiter ad dicta in Prop: præcedentibus. Neque effluet ex A. supra D. aut E., quia fluere in locum altiozem, id est, magis à centro Terræ distantem, quod naturæ ipsius repugnat. Quiescet igitur, etiam si in D. & E. nullo aggere cohibeatur. Atque ita fieri potest, ut integra maria, absque terræ cavitatibus, & altis littorum obstaculis, locum eundem perpetuo teneant absque ullo miraculo. Si minor esset aquæ copia, nequidem D.E. attingeret, sed ad minorem rotunditatem in e.g. terminatam se se componeret: ex g. enim ad E. fluere, esset sursum fluere.

PROPOSITIO LXI.

Cur Antipodes non cadant ad Cælum ?

Sursum caderent, si cælum versùs caderent, quia à centro mundi recederent, ut dictum Prop: 1., hoc autem repugnat naturæ gravium, inter quæ & ipsi numerantur; neque minùs iisdem violentum est à loco suo in cælum ferri, quàm nobis à nostro.

PROPOSITIO LXII.

Cur pedes contra se vertant Antipodes ?

Sicut homini stanti connaturalis requirit, ut caput superiorem, pedes inferiorem locum teneant; inferior autem locus est, qui centro Terræ est vicinior; ac proinde pedes antipodum A. & H. in Fig: 13., oportet esse centro viciniores, & contra idem centrum versos; nec non contra se ipsos, quia in eadem cum centro linea recta, in opposito Terræ loco, existunt. Idem est de existentibus in B. & I.

PRO-

PROPOSITIO LXIII.

An quis posset antipodem suum lapide ferire, si usque ad illum per Terræ diametrum via aperiretur?

Quantiscunque nervosi brachij, aut pulveris pyrij, in tormento bellico succenssi, viribus lapis, aut globus ferreus eodem impelleretur, usque ad Antipodem tamen non pertingeret; sed post descensum usque ad centrum Terræ, ex A. usque ad O., in Fig: 13., propter impetum partim impressum, partim ipso lapsu acquiritum, aliquouque versùs H. progrediretur, sed, antipode nequaquam convento, ad centrum O. sua sponte recideret, & post aliquot ultro, citroque peractos motus, ibidem quiesceret. Ut enim antipodem in H. attingeret, oporteret lapidem à centro O. usque ad H. sursum ferri per 860. milliaria German: contra naturalem gravium inclinationem, quod huculique nullis adhuc naturæ viribus effici potuisse notorium est.

PROPOSITIO LXIV.

An Christus in Cruce pendens habuerit Antipodem?

IN loco Hierosolymis, imò & Palæstinæ, diametraliter opposito, nulla nobis hæcenus Terra innotuit. Ex repertis tamen vicinior illi loco est Insula S. Petri; aptè nomen gerens Apostolorum Principis, qui cum Cruce sua in verus in Europa, situm explessit, qualem habuisset erectus, si in Martyrio suo Christi fuisset Antipoda, ad viciniam illius Insulæ Pacifici maris.

PROPOSITIO LXV.

Quomodo fornix, aut pons lapideus sinè ullo fulcro in aëre posset subsistere?

SI circa ambitum Terræ maximum, uniformis undique crassitie, ac ponderis, super fulcris primùm adhibitis, extrueretur (cui repræsentare potest in Fig: 14. linea circularis D. A. E. F. D.) sublatis tandem fulcris, absque lapsu, in aëre remaneret; quia partes sibi arctè adjacentes, æquali undique pondere, & omnes simul, versùs centrum O. gravitarent, cui ut appropinquarent, oporteret eas omnes simul coire in circulum centro viciniorum, & consequenter minorem, quod fieri non potest absque penetratione partium, quæ naturaliter repugnat.

PROPOSITIO LXVI.

Qualem situm habeant funiculi perpendiculorum quiescentium, & muri, aliæque altitudines secundùm hos erecti?

Fig: 15. Non sunt inter se paralleli; quia eorum lineæ, si à puncto suspensionis G. F. H. L. producerentur deorsum, in centro Terræ C. convenirent; quia versùs hoc funiculi, à pondere quisque suo, viâ brevissimâ eodem contendente, trahuntur. Sursum verò continuò ab invicem recedunt. Ob hanc causam, si muri juxta perpendiculum accuratè construantur, Turres F. superius latiores, & putei P. inferius angu-

angustiores evadunt. Hoc tamen in exigua longitudine, & distantia perpendicularum non est sensibile; est verò in magna. Unde non immeritò in Geometricis mensurationibus altitudinum procul distantium, ejus ratio habetur, ut monet accuratissimus Ricciolus Alm: l. 2. c. 4. 1. & ulterius ostendit Geogr: reform: l. 6. à cap: 3., notabiles aliquin committi errores. Turris Babel si in fundamento fuisset lata 4. mill: Ital:, & muri erecti juxta perpendicularum usque ad concavitatem Cœli Lunæ, superius fuisset lata serè 216. mill: Ital:.

PROPOSITIO LXVII.

In quo situ subsistere possint gravia etiam inclinata?

Quodlibet grave corpus, intrà vel extra se, habet aliquod *Centrum suæ gravitatis*, id est punctum, circa quod partes utrique sunt æqualis gravitatis, sive æqualium momentorum, ut loquuntur statici; ità, ut si corpus ex tali puncto suspenderetur, aut fulcro sustentaretur, ex omni parte obtineret æquilibrium, & quemcunque situm sibi datum retineret, nulla parte præponderante, aut si plano per hoc centrum secaretur in duas partes, essent in pondere æquales. Per centrum gravitatis linea recta duci intelligitur ad centrum Terræ, quæ dicitur *linea Directionis*; quia dirigit motum gravium ad centrum Terræ: per hanc enim gravia centro suo descendunt, si non impediuntur; vel certè sine lapsu in situ erecto stant. Ità autem se res habet in qua sione præsentis: subsistit corpus inclinatam c. In Fig: 16. sine lapsu, si linea directionis c. d. transeat per ejus basim, m. o., cui Corpus insitit, etiam si hæc linea attingat ipsam extremitatem o.: quia sic semper adhuc aliquid inferius est in linea directionis, quod impedit, ne per hanc lineam, juxta naturalem propensionem centro suo c. decidere possit. Ad latus etiam, versum c., non cadit, quia hæc pars non præponderat alteri oppositæ parti penes lineam versum m. existentem; cum linea directionis c. o., aut planum per illam secans, dividat Corpus in duas partes æquiponderantes, ut supra dictum est; ac proinde tantundem adhuc ponderis. penes lineam ex parte m., cuius resistit, quantum faveat ex parte c.

Quod si linea directionis extra basim egrediatur, ut c. f., cadit Corpus versum eam partem, in qua linea directionis existit; quia ibidem nihil est, quod fulciat, & insuper pars, quæ est ultra basim n., versum e., præponderat parti alteri oppositæ citra n. existentem.

Corpus suspensum, tunc quietè pendet, & in neutram partem præponderat, quando & centrum gravitatis, & punctum suspensionis, ex quo liberè corpus apensum est, sunt in linea directionis, ut amplius declarabit Propos: 70. in Fig: 13.

PROPOSITIO LXVIII.

Cur quædam Turres, & Domus inclinatæ non cadant?

Ratio colligitur ex Prop: præc., quia linea Directionis in illis non est extra basim, ut in Fig: 16. linea directionis c. d. Sic Turris Garisenda Bononiæ jam plùs, quàm 500. annis inclinata non cadit.

G

PRO.

PROPOSITIO LXIX.

Cur homo corpus inclinans unum pedem præponat ?

Facitideo, ut angeat sibi basim r.s. in Fig: 17., nè lineâ directionis cadat extra illam, ac proinde ipse corruat, sicut contingeret, si uterque pes, corpore sic inclinato; esset in r.; juxta dictâ Prop: 67.

PROPOSITIO LXX.

Quomodo corpus oblongam in aëre detineri possit in situ horizontali, esto non nisi una extremitate alteri corpori innitatur ?

In Fig: 18. Cochlear e.c.; sola extremitate e. mensæ innixum, sic detinetur, si eidem aliud corpus oblongum c.n. annexum in c., ita disponatur, ad angulum, vel per Circulum, ut sat procul ultra e. porrecta altera extremitate gravi n., centrum gravitativu., constituatur sub puncto suspensionis e.; tunc enim quietè pendebit, ut dictum Prop. 67.; Quia tunc obstaculum in e. prohibet, quò minùs possit tale Corpus, juxta naturalem propensionem, descendere, centro suo u., per lineam directionis rectâ deorsum. Ad neutrum etiam latus hujus lineæ movetur, quia neutra pars penes lineam existens præponderat, sed una alteri resistit æquali ponderis vi, nè moveatur, qualiter contingit etiam in balance, cujus latera tandem immota consistunt, quando pondera sunt æqualia. Vide dictâ Prop: 67.

PROPOSITIO LXXI.

Quot homines stare possent in plano Orbis Terraquei per horizontem dissecti, sublato hemisphærio superiori ?

Ejusmodi planum in Fig: 18. expressum per lineam B.C.; hemisphærij inferioris B.D.C., contineret in area sua duos milliones, trecenta & viginti duo millia miliarium Germ: quadratorum; in eodem tamen non posset nisi unusquisque homo stare erectus, in unico puncto A., ad angulos rectos cum ipso plano, sicut linea A.E.; alij verò circa illud non posset stare similiter erecti versùs E., sed positis in A. pedibus situm obtinerent inclinatum S.A., M.A. secundùm lineas directionis, de quibus diximus Prop: 67., & de funiculis perpendicularium Prop: 66. expressis in Fig: 15. Inter A. & C. nemo posset consistere, sed inde, tanquam ex pariete sursum erecto, decideret versùs A., nisi fortè ope scalarum ex A. ascenderet versùs C. vel B.

PROPOSITIO LXXII.

Quid præterea curiosi in ejusmodi plano accideret ?

Qui solus staret in A., absente à lateribus impedimento, subsistere sine lapsu posset situ non tantùm O.A. ad B.C. perpendiculari, sed etiam ad quemcunque angulum non rectum inclinato S.A., vel M.A., ut colligitur ex Prop: 67.

In quacunque partem excussa pila, recideret in A., similiter sclopeti globus, una cum avibus fortè intersectis.

Omnes

Omnes pluviarum guttæ caderent versùs A., ibidemque in hemisphærium se componerent, juxta Prop: 58.

Seminis granum in A. terræ mandatum non posset agere radices, nisi sursum.

Si plures liquores diversæ in specie gravitatis eodem funderentur, gravissimus v.g. aquæ, componeret se in hemisphærium, hujus superficiem cingeret oleum, & hujus iterum, si quis adesset levior.

Imperitissimus quisque jaculator scopum in A. positum semper attingeret, si in convexa superficie prope C. consistens jacularetur versùs B., vel ad quemcunque locum existentem supra C.B.

Si loco circa A. undique aperto, rota ita collocaretur, ut axis esset in A.; lapis cuicunque parti circumferentiæ impositus, rotam non circumageret. Non magis tamen ibi, quam alibi locum reperiret motus perpetuus artificialis.

PROPOSITIO LXXIII.

An semper in majori Terræ spatio possint stare plures ædes, quam in minori?

Non possunt, si planum majus sit simul inclinatum, ut in Fig: 19. est E.M.; & minus E.L. sit horizontale. Ratio est: quia ædes habitationi hominum, juxta perpendicularum erectorum, idoneæ, eriguntur juxta perpendicularum, ut ductæ sunt lineæ O.E., & R.L.; ædiûmque spatium, & vastitas in latum mensuratur horizontalibus, live ad perpendiculara normalibus O.P. & R.S. ab una harum ad alteram ductis, cum autem prædictæ lineæ, O.E. S.N.R.L. in exigua longitudine, & ab invicem distantia non magna, ad sensum sunt parallelæ, live æqualem servantes inter se distantiam O.P., E.N., & S.R., N.L.; spatium pro ædibus, earûmque vastitate, non est majus supra E.M., quam infra in E.L., quamvis declivitas ipsius E.M. esset adhuc major, puta, ex E. usque ad R.

Idem convenit etiam aliis corporibus, quorum latera juxta perpendicularum erecta sunt, aut spatium simile ædibus requirunt, puta: columnis, arborum truncis, & tuo modo etiam hominibus, ita consistentibus, ut superioris vastitas, ultra inferiorem non possit prominere. Hortulani non immerito fraga potius in colliculis, quam in areolis horizontalibus plantant.

In Agro majori E.M. potest crescere plus fragorum, pisorum, faharum, peponum, cucumerum, lupuli, hederæ & graminis, quam in minori E.L.; non tamen æquæ plus tritici, siliginis & hordei.

Si in rigore Geometrico loquendum sit, spatium inter perpendiculara, pro ædibus requisitum, illud semper est majus, quod altius; etiam ad sensum, si magna fuerit altitudo, vel perpendicularorum distantia, ut dictum Prop: 66.

PROPOSITIO LXXIV.

An omnia universi gravia appetant centrum Terræ?

Ab experientia non est hoc nobis certum, nisi pro ea à Terris distantia, quam nos experientia docere potuit; non docuit autem pro distantia quantumcunque magna; imò distantiam hanc restrictam esse tantum ad certam quasi sphaeram æth-

vitatis positivè probare nituntur acutæ quædam Eruditorum observationes: nam
 1. Aves grandiores, quæ magno conatu à terra se levant, ab hac deinde remotiores,
 valde exiguo, & sæpe nullo alarum temigio utuntur pro corpore sustentando in
 aëre leviori. 2. Exploso in altum perpendiculariter erecto tormento bellico ma-
 jori, nunquam globus, ejusve relapsi vestigium reperiri potuit, ut sæpius expertus est
 P. Merlennus cum Dño Petito. 3. Sæpe magnæ molis lapides ex aëre decidisse le-
 guntur, qui, ut expendit noster P. Kochanskj, credi vix possunt in aëre fuisse gene-
 rat, sed, spectato eorum colore ferrugineo, potiùs ab Ætna, Vesuvio, aliòve simili
 procul distito monte ejecti, ultra Terræ sphæram attractionis gravium, ibidémque
 tam diu sine appetitu ad centrum Terræ desenti, donec eventu quodam Terræ vicini-
 ores facti, ab eadem detraherentur. Idem sentiendum videtur de grandibus glaci-
 bus frustis subinde ex aëre deciduis, de quibus verisimilius est, quòd longiori priùs, non
 brevissimo lapsùs tempore fuerint formata. Propter quam causam plùs etiam urge-
 re videntur lapidum quandoque & carniùm pluviz, imò & vituli, de quo narrat
 Avicenna, è nubibus cum pluvia decidentis pondus, & in mari ingentes aquarum
 columnæ, usque ad nubes quandoque sublatae. 4. Denique vastissima, & solidissima
 Planetarum Corpora dici vix possunt in subtilissimo æthere continuò violentè deti-
 neri, aut exni gravitate aliis omnibus universi corporibus quantis connaturali, quo-
 rum instar casura dicuntur Matt. 24. v. 29. ; aut esse rarissimo æthere leviora.

Nobis corpora cœlestia non videntur appetere centrum Terræ: de terrestribus
 verò non placet discursus lædens innatam ipsi gravitatem; quamvis de reliquo alla-
 tæ observationes dignæ sint utiliter curiosa Eruditorum discussione.

PROPOSITIO LXXV.

Quanta sit altitudo montium in terris maximorum?

Sequens collecta est ex Riccioli nostri Geogr. reform. l. 6. c. 10. in mensura milliari
 Itali: Bononiensium ferè, quorum 64. in uno gradu, & passuum, quorum 1000. in
 uno milliari

	Mill:		Mill: Pass:
Ætna Siciliæ	- - 5.	Chilenses Americ: Austr.	13.
Alpes Italiæ	- - 12.	Norwegiæ	13.
Atho in Græciæ sine	- 10.	Olympus Græciæ	1.
Atlas Africæ	- - 12.	Pelion Thessaliæ in Græc:	1. 274.
Beraguæ in Americ: Austr. 24.		Picus Teneriffæ Ins:	- 8.
Caucasus Armeniæ, media 52.		Rhodope Thraciæ	- 1. 250.
summa 57.		Riphæi Scythiæ	- 36.
minima 47.		Stolp Moscoviæ	- 25.

Patet altissimum esse Caucasum. altitudo autem, quanta sit supra maris superfi-
 ciem, computata est.

Inter nostrates mensuratus à me Mons B. V. ad Olomucium continet in perpen-
 diculo Pedes Pragenses 513. supra subjectam planiciem; Ad Oibersdorffium 1083.
 Zobtenensis: 2173. supra planiciem pavimenti Curiz Wratislaviæ.

Noster P. Claudius Milliet de Chales Geographiæ suæ Prop: 3. concludit, ex-
 pensis pro altitudine tanta, montium primò recensitorum, fundamentis, sibi esse
 credi-

credibile, nullum montem ad 3. aut 4. milliaria in perpendiculari ascendere; atque initio Propositionis, plerosque Authores præcipue notæ, non assignare, nisi unum, aut duo milliaria Germ.; sed plura vincere videntur Riccioli fundamenta.

PROPOSITIO LXXVI.

An montium altitudo notabiliter officiat Physicæ Orbis rotunditati?

CAucaſi altitudo 47. Mill: Ital: ad Terræ diametrum ſe habet ſerè, ut 1. ad 146.; qualis circiter proportio eſt diametri mediocriſ granuli milij ad diametrum globi luſorij pyramidum, cujus rotunditas per adhærentes ſimiles, imò & majores arenulas, non immutatur notabiliter, præſertim è longinquo viſa, vel in umbra procul projecta. Multò autem minùs per arenulas quadrageſies, aut centies minores, minorum montium proportionem exprimentes. Similiter totius Terræ rotunditas, præſertim umbræ terreſtris in lunam projectæ, notabiliter ex montium altitudine non immutatur, uti nec umbræ Lunarisi in Eclipſibus Solis ad Terram projectæ, ex altitudine montium in ſuperficie Lunæ exiſtentium.

PROPOSITIO LXXVII.

Utrum Terra reſpectu Cœli ſit inſtar puncti?

Sic reſpectivè inſenſibilem eſſe oftenditur ad oculum. 1. Quia ex Terræ ſuperficie non minùs Cœli dimidium videmus, & nos, & Antipodes, quàm ex centro Terræ videremus in Fig: 18. oculo poſito in A., aſpiciente verſùs C. & B.; nihil itaque ſenſibilis reſpectu Cœli mutationis importat Terræ ſemidiameter, imò nec diameter. 2. Eodem modo utrobique exactè oftendunt horologia ſolaria, & ſerviunt Inſtrumenta Aſtronomica, acſi in centro Terræ exiſterent; ac proinde, nec quidem reſpectu Cœli Solis, quod firmamento longè minus eſt, terra ſenſibilis eſt. 3. Stella ſextæ magnitudinis, reſpectu firmamenti totius, inſtar punctuli eſt, quod libero oculo vix diſcernitur; quantò magis Terra decies octies minor, in quorundam ſententia. 4. Denique, juxta probatos Authores, Orbis Terræ reſpectu ſphæræ firmamenti minor eſt, quàm unitas reſpectu duorum bimillionum; diameter autem ad diametrum juxta Clavium eſt, ut 1. ad 22612. & med.

PROPOSITIO LXXVIII.

Quænam Orbis Regiones ſint cæteris altiores?

Sunt illæ, ex quibus flumina in cæteras decurrunt, aqua enim non fluit, niſi in locum demilioſiorem. Hinc etiam ejusdem Provinciæ pars illa dicitur *ſuperior*, ex qua; *inferior*, in quam fluvij ſeruntur: ut Superior & Inferior Sileſia, Germania, Luſatia. Fluviorum autem curſus faciliſimè in Mappis deprehenditur.

PROPOSITIO LXXIX.

Quæ Regio in Terris Hæreditariis S.C.M. ſit altiffima?

IN Bohemia, Moravia & Sileſia talem eſſe Comitatum Glaceniſem oftendunt fluvij, quorum plures ibidem oriuntur: Aquila, Niſſa, Morava &c., & in circumjacentes

tes has, alisque Provincias desinunt, nullus autem abibi ortus illis infuit, ut Mappe docebunt.

PROPOSITIO LXXX.

An sciri possit, quantò altior una Provincia sit alterâ?

EX fluminum decursu conjectura fieri potest, si eorum descensui pro singulis miliaribus Italicis singuli pedes tribuantur, prout ad lentum aquæ fluxum requiri docent aquæ ductuum Architecti; Conjectura, inquam, plàs enim requiritur ad cursum, ut sepe est, celeriorè; & nonnunquam etiam in quibusdam circumstantiis raris, minor declivitas sufficit ad cursum sat expeditum, ut si ex locis altioribus advenientes à latere torrentes, impetu suo impresso aquas per exignam declivitatem fluentes urgeant, quemadmodum in Pado fieri deprehensum est, cujus declivitas per 70. mill. Ital. non est major 13. aut 14. pedibus. Hoc tamen rarum est.

PROPOSITIO LXXXI.

Quinam fluvij sint in toto Orbe maximi.

Colligi potest ex magnitudine sequentium, sumpta ex Riccioli Geogr. ref. l. 10. c. 7.
In Europa: Maximus Danubius, pro cujus latitudine pons à Trajano ædificatus in Bulgaria, longus fuit pass: 1320. Rheni pons ad Moguntiam olim fuit à Carolo Magno impositus pass: 520.

In Africa: Nilus ante sua septem ostia latus est 7. mill. Ital: Par illi est Niger fluvius. Fluvius Insulæ S. Laurentij in ostio latus est 20. mill. Ital:

In Asia: Ganges, ordinariè latus est 13. mill. Ital: Euphrates 12., Indus prope ostia 6., Yanfu in Sinis 3.

In America Meridionali: Amazonum fluv: est latus 118. mill. Ital:; Rio della Plata, sive flumen Argenteum 108., Marannion 90. ut minimè, nam aliqui ponunt majorem, quàm Amazonum. *In Septentr:* Flumen S. Laurentij in Canada est latus 60. mill. Ital: Rio della Cruz 3., Ciapotula 2.

Ex his patet minima esse, in minima parte, Europa; majores his in Africa majores, & adhuc majores in majori parte, Asia; maximos denique in maxima parte, America, & inter omnes maximum Amazonum.

PROPOSITIO LXXXII.

Quantum aquæ per fluvios ad mare defluat?

Modum id computandi pro uno fluvio, accipe in exemplo ex Riccioli Almag. l. 2. c. 13. In Pado ad ostia formatur Rectangulum ex fluvij latitudine 1000. passuum, cum longitudine 6000. passuum, quam fluendo absolvit intrâ horam 1. Quia latitudine hac in longitud., habetur area rectanguli passuum quadrator 6000000. hæc iterum multiplicatur per profunditatem, quæ ibidem media, inter maximam in alvei medio, & minimam ad ripas, est 3. passuum; & summa 18000000. passuum cubicorum est soliditas corporis aquei, cujus basis est prædictum rectangulum, & quod intrâ horam 1. ad mare defertur. Hinc innotescit, quantum insuat intrâ horas 24. unius diei, & quantum per dies 365. unius anni Commun:, videlicet 4768000000. pass: cubic: Pro

Pro Danubio Joannes Boterus in relatione de mari, simili ferè modo, computas per unum Annum Biffextilem, pedes cubicos : 933 2000000000, ; aliam autem, alia methodo, ut refertur, in actis Eruditorum A. 1692. mense Novemb. Dominicus Guilielminus, eorundem, summam supra duplum majorem, eruit.

Pro omnibus totius Orbis fluminibus, quæ simul sumpta rationabiliter ostendit Ricciolus æqui valere Padis : 4000., Geogr. ref: l. 10. c. 7., conjecturam facere, & summam reperire licebit, si summa pafs: cubicorum, qui ex Pado singulis annis ad mare defluunt, multiplicetur per 4000.

PROPOSITIO LXXXIII.

Si evacuetur totum mare, quanto tempore rursus impleretur à fluviiis ?

Spectata rationabili conjectura ejusdem Riccioli loc: cit: Prop: præc:, si ponatur maris profunditas, per totum, passuum 1000, impleteretur intrà Annos 15. & quadrantem ; sed profunditas paffi 200. intrà Annos 30. & dim: ; profunditas 500. paffi, intrà Annos 76. ; profunditas 1000. paffi: intrà Annos 152.

PROPOSITIO LXXXIV.

Cur mare recipiens tantam aquarum copiam non redundet ?

Est ideo, quia tantundem aquæ ex mari aufertur, dum à Sole in vapores elevatur, & per nubes aliò defertur, vel consumitur, vel mirà DEI Providentiâ per meatus subterraneos ad scaturigines, & fontes fluminum redit, unde affluerat, ut sequitur.

PROPOSITIO LXXXV.

Unde, & quomodo aqua in altissimos montium vertices ascendat ad perennes fluminum scaturigines ?

Ex mari ascendit, ut docent nos sacræ literæ Ecclesiasticis 1. *Omnia flumina intrant ad mare, & mare non redundat. Ad locum, unde exeunt flumina, revertuntur, ut iterum fluant.* Quomodo autem ascendat, salvâ aquæ naturâ, difficulter explicatur ; cùm superficies maris sit demissior fluminum scaturigine, ex qua ad mare defluunt, & aqua non ascendat in locum altiore illo, unde discessit, ut patet experientia, & pleriq: modi alii, quibus aqua in altiore subinde locum attollitur, hic nequeant sufficienter applicari : nam 1. Modus, quem cernimus in Thermometris, vel siphonibus inversis, huc non est idoneus, quia non patitur apertam superiùs viam, per quam aqua, ut ex scaturigine, deflueret. 2. Terra arida aquam quidem in altum, per modum spongiæ, attrahit, sed sibi retinet ; uti & pannus, nisi ultra labium vasis dependeat in locum demissiorẽ aquæ superficie, ubi parçè admodum stillat. 3. Aqua ex pluviis & nivibus, pro multis, sed infra montium vertices tantùm, positis fontibus, & manantibus rivulis sufficere potest, si in quibusdam cavitatibus, quasi in cisternis, priùs collecta, per vias deinde angustas sensim dispensetur, usque ad tempus alterius pluvie. 4. Stillidium ex calidis vaporibus intrà cavernas, etiam locis tantùm demissioribus idoneum, & insufficiens insuper est. 5. Aëlis maris, etiam ubi ussus est, centum pedibus non multò majorem altitudinem attingit. 6. Oceani vastitas nihil consent

ad

ad altiores in alia parte ascensum, sed sola altitudo, ad parē. 7. Ventorum, & fluctuum impetus non est continuus, nec semper versùs eandem partem, ac insuper per superiores maris partes ad littora potissimum fertur, & si quis etiam deorsum tendit, enervatur ad arenas, & glebas, per quas in meatibus subterraneis aqua percolatur, ut dulcis evadat pro fontibus. 8. Unum mare altius altero sibi conjuncto esse non potest juxta dicta Prop. 5. 9. Unum hemisphaerium Orbis demissius altero assignari non potest, nec conducere ad tollendam difficultatē; quia, aut omnis aqua illuc fluens ibidem remaneret, aut difficiliùs inde in altius alterum reverteretur. 10. Motus aquæ vitalis esse non potest, ut motus sanguinis in corpore, quia nec aqua, nec terra vivit, ut animal. 11. Astra si in altum levarent, non ad solos montes, nec solā aquam marinā, sed etiam aëthē, & in via commodiori attollerent, & postquam locum deseruerunt, agere cessarent. 12. Ad Intelligentias assistentes recurrere, non videtur perinde necessarium, ut in astrorum cursu; sed neque ad Causam primam, ut dicatur, speciali ejus imperio, aqua in alto mari, accumulata ad parē fontibus altitudinem, cohiberi, ne juxta naturam suam ad decliviora latera defluat, sed tantum deorsum premendo solam illam, quæ per meatus subterraneos, usque ad scaturigines ascensura est, urgeat; tum quia iterum necessarium esset, ut aqua per demissiora fluminum ostia in mare adveniens, contra naturalem inclinationem, in illam maris altitudinem ascenderet, atque ita sæpius ope speciali Causæ primæ indigeret, quàm si semel intrā montium viscera attolli à DEO diceretur; tum quia apprensus maris remotioris altitudo fallit oculum, ut plana horizontalia longa, quæ in fine videntur attolli; & insuper experientia docet, in altum mare navigantibus non continuo plus de terra videri, sed minus, contra, quàm apparere soleat in loco altiori; ac denique, quia restat sequens modus alius aquæ connaturalis.

Aqua marina salsa, est in specie gravior, quàm dulcis (qualis illa ipsa evadit, dum in transitu per terram, à mari usque ad scaturigines, percolatur) ac proinde dulcent elevat intrā montium viscera ad majorem suā altitudinem, excessui suæ gravitatis proportionatam, ut experimur in liquoribus heterogeneis, ad diversa siphonis erecti crura infusis. Id solum quibusdam difficultatē parit, quod in hunc finem necessariò requiratur ingens maris profunditas; nam si assumatur, cum Bodino, gravitas aquæ marinæ ad gravitatem dulcis, ut 45. ad 37. pro ascensu 15. mill. Ital: altitudinis montium Lunæ, in quibus sunt fontes Nili, requireretur profunditas in mari paulo major, quàm 69. mill. Ital:; pro ascensu 57. mill. Ital: Caucali, ex quo fluit Phasis, profunditas ferè 66. mill. Germ. Sed hanc admittere in quibusdam vallibus, aut voraginibus maris, non videtur absurdius, quàm fieri, indigentem tali profunditate, ascensum aquæ in tantam altitudinem, supra maris superficiem, in montibus Terræ; cum insuper confect suum maris non minus, quàm Terram exteriorem esse inæqualem, & in pluribus locis deprehensæ sint abyssi maris, tantæ profunditatis, ut nondum sufficienter potuerit explorari; Nec dubitandum est; quin Author naturæ, qui ignibus subterraneis, etiam infra maria, de profundissimis recessibus providit, venis quoque aquarum per abdita terræ viscera, viam adeò profundam, ut opus est, disposuerit, ut pro subsidio *Abyssus abyssum invoces* Psal: 41. Vide Kircheri mundum subterr: lib. 2. c. 19. §. 2., & 1.3. c. 2. ubi ait, mare absorptum sub Polo arctico, sub antarctico regurgitari.

PRO.

PROPOSITIO LXXXVI.

Quantum ascenderet, qui in eodem plano horizontali progredetur?
Qui in Fig: 20. progredetur ex B. in D. dimidio mill: Germ: , ascenderet 3. Pedibus,
 1. digitis Parisiens: , tanta enim esset altitudo S.D., qua discedit horizontalis pro-
 ducta à superficie Terræ. Progressui per unum milliare Germ: respondent 13. ped: ,
 3. dig: ; per unum & dimidium milliare 31. ped: 4. dig: ; per duo mill: 136. ped: . 3.
 dig: , per 7. & dimidium mill: 745. Ped: , 5. dig:

Nulla unquam Regula ita collocari, nulla linea recta sic duci potest, ut non aliqua
 ejus pars ascendat. Qui jacet in plano horizontali extensus, vel capite, vel pedibus,
 vel utrisq; semper tendit in altu. Globus perfecte sphaericus in D. positus, vel in I.,
 non quiesceret, sed decurreret in B. tanquam locum demissioem.

PROPOSITIO LXXXVII.

Utrum æquales sint altitudines, quas tangit eadem linea horizontalis?
Fig: 20. Si altitudines S.D. & O.I. in sphaerica Terræ, vel maris superficie, æqualiter
 distent à loco B.; ex quo ducitur linea horiz: , omnino sunt æquales; secus non
 sunt: nam si S.D. distat à B. dimidio mill. Germ: , erit 3. ped: 11. dig: altior, quam B.; si I.
 distet uno mill: Ger: à B. erit 13. ped: 8. dig: altior, quam B. Plura vide in Prop: præc:

PROPOSITIO LXXXVIII.

Utrum in aquaductibus aqua ex fonte descendens rursum ascendat
 eousque, quò pertingit linea horizontalis à fonte producta?
Nequaquam, quia locus ille est tantò altior fonte, quantò fuerit remotior, ut disti
 Prop: 36. Nam ex B. in Fig: 20 non ascendet in D., sed tantum in S. Versus B. au-
 tem fluere potest non tantum ex D., sed etiam ex M., loco altiore, quam S., non quò-
 dem per unà lineam rectà, hæc enim secaret peripheriam B.S., & descenderet profun-
 dius, quam sit B., antequam B. attingeret; sed per lineam curvam, vel plures rectas.

PROPOSITIO LXXXIX.

Ubi in mappis quaerenda sint Emporia commercii celebriora?
In Insulis, littore maris, vel magnorum fluviorum, ubi idoneus est navibus accessus:
 longè enim minori labore, tempore, & sumptu per aquas merces devehuntur,
 quam itinere terrestri. PROPOSITIO XC.

An Urbes, & Provinciæ majores, dies habeant longiores?

Urbes diem naturalem 24. horis tantò longiorem habent, quantò magis distat
 meridianus domus orientatissimæ à meridiano domus occidentatissimæ: Nam,
 assumpto cū astronomis initio & fine diei in meridie, dies in Urbe incipit, quando sol
 attingit meridianum domus orientatissimæ, & revolutione una peracta per hor. 24.,
 quando attingit rursus eundem meridianum, finita quidem est una dies 24. horarum
 respectu illius domus, nondum tamen respectu totius Urbis, nisi tunc, quando sol
 attinget meridianum domus occidentatissimæ: hæc enim non nisi in suo meridie die
 finit. Ac proinde adhuc per illud intervallum durat dies naturalis in Urbe ultra 24.
 horas, in prima domo absolutas; tanto quidem tempore, quantu respondet minutis
 distantie dictorum meridianorum. Idem applicandum est finibus Provinciæ, orientali-
 fimo

fimo & occident.: Wratislaviæ dies durat horis 24., 11. dec., 4. & 2. tentis. Unum secundum Temporis æquivalet ferè uni pulsui arteriæ, ut ordinariè in homine bene valente numerator.

In Europa, cum nova Zembla, & Yslandia, horis ferè 32. durat dies. Urbs minor habere potest diem diei majoris æqualem, imò etiam illo longiorem.

PROPOSITIO XCI.

An Magni Principes Urbibus suis possint dies prolongare?

ID ipsum faciunt, qui Urbes ampliant orientem, vel occidentem versùs, ut amplavit Wratislaviam Carolus IV. Rom: Imp: gl: m: . Patet ex Prop: præc.

PROPOSITIO XCII.

Quando itinerans possit sibi dies vitæ prolongare ultra 24. horas?

Siliter fecerit occidentem versùs, prolongabit 4. minutis toties, quoties factus fuerit uno gradu occidentalis; unâ autem horâ, quoties 15. gradibus. Sic hodie in meridie à nobis Wratislaviâ discedens, si attigerit Jauroviâ, uno ferè gradu nostri Paralleli occidentaliorem, nobis eras in meridie unam diem 24. horarum finientibus, suam unâ Jauroviæ adhuc non finiet, sed numerabit tunc 4. min: minùs, quàm nos, quæ minuta ipsi adhuc restabunt usq; ad meridiem suam; quia sol Jauroviæ meridianum tantò tardius attingit, quàm nostrum; juxta Prop: 11. Atque ità dies ipsius erit 4. minutis longior, quàm nostra, & æquivalet nostris 24. horis, & insuper 4. min. Factus occidentalis 15. grad: ad Parisios, in nostro meridie numerabit unâ horâ minùs, quæ ipsi restabit ad finem suæ diei unâ horâ longioris. Toto tandem Orbis circuitu absoluto id est, vigesies quater 15. gradib; numerabit in diebus suis, 24. horis, id est: una die minùs, quàm nos; ità ut nobis numerantibus dies 366., ipse numeraturus sit 365.; hi tamen æquivalet totidem nostris, & uni, id est: 366. diebus nostris: nam unam faciunt omnes dierum prolongationes simul sumptæ. Si iter fiat orientem versùs, accidit contrarium, dies abbreviantur, finiuntur tantò citiùs, & tandem absoluto circuitu numerantur plures; sed 366. æquivalent tñ 365. diebus loci, à quo discesserat.

PROPOSITIO XCIII.

Quomodo posset cum cælo consentire, qui pluribus annis careret anno Bissextili?

Qui singulis quadrienniis, occidentem versùs, circuit totum orbem, ad nos Anno Bissextili rediret 29. Februar: numeraret diem 25. Febr: & posset omiſſa die 29. intercalari, deinceps nobiscum numerare; absq; dissensu cum cursu Cæli; quia ipsius dies 365. numeratæ ultimo anno, æquivalent nostris 366. juxta Prop: præc.

PROPOSITIO XCIV.

An natus Parisiis Anno 1600., 1. Jan: in meridie, & mortuus Wratislaviæ

Anno 1700. 1. Jan: in meridie, vixerit centum annis?

Vixit unâ horâ minùs, juxta dicta Prop: 92. Centum annis vixisset, si obisset circa horam 1. Wratisl:, quia tunc Parisiis est meridiem.

PROPOSITIO XCV.

Alienigena ordinandus quandonam compleat annos requisitos?

Natus

Natus Viennæ, vel propè Neapolim, horâ 9. matutinâ; eadem ferè horâ complet Wratislaviæ, quia sub eodem ferè meridiano sunt hæ Urbes. Sed natus Ulissipone complet duabus ferè horis tardiùs. Natus Pekini 6, horis, & dimidiâ citiùs. Pro aliis locis docebit mappæ juxta Prop: 11.

PROPOSITIO XCVI.

An dies 1094. possint esse plûs, quàm dies 1095.

Si duo Peregrini, unus orientem, alter occidentem versus absolutæ orbis circumreverterentur Wratislaviam post triennium, nobis numerantibus, à Tempore discessûs, dies 1095. Orientalis numeraret 1096., Occidentalis 1094.; sed, & hujus, & illius dies æquivalenter nostris, ac etiâ sibi ipsis inter se. Si itaque sumantur Occid: dies 1094., plûs erunt quoad durationem, quàm Orient: dies 1095. vide dicta Prop: 92.

PROPOSITIO XCVII.

Quomodo victor hostem insequens possit retardare occasum Solis?

Si hostem in fugam egerit occidentem versus, diem sibi prolongabit, ut dictum est Prop: 92., & solem insequens tardiùs in occasu perdet, nulla tamen ratione Viæori Josue comparandus.

PROPOSITIO XCVIII.

Quomodo perëgrinando augeri possint dies Artificiales?

Qui versus Polum ex latitudine grad: 45. peregrinatur ad latitudinem 92. auges sibi diem longissimam 10. min.; ut patet ex Tabula Prop: 15., etiam pro aliis latitudinibus, uti & pro abbreviatione per iter contrarium, quod eû proportionè aliis diebus applicandum est. Sola dies æquinoctij nec prolongari, nec abbreviari potest simili itinere versus Polû directo. Minimo itinere maxima Prolong: prope Polû obtinetur.

PROPOSITIO XCIX.

Utrùm alicubi Terrarum sit Ortus, meridies, & Occasus Solis intrâ unum, idèmq; temporis minutum?

Itâ accidit habitatoribus alterutri Polo vicinis, proximè ante occasû solis, post quem non amplius intrâ 24. hor. oritur. Datur tunc dies, quæ vix sufficit ad nunciandum bonû manè amico centû passibus distanti; arcû adè est manè junctum vespere.

PROPOSITIO C.

Quàm altum oporteret esse montè, ut ex illo Sol perpetuò videri posset?

Sub Polis mundi, ubi solis profunditas infra horizonem nunquâ est major grad: 23. 30. min.; esset necessaria altitudo 23 9. mill: ital: ut velsupremus solis limbus videri posset tempore Solstitij hyemal:; minor tamen, si ibidè esset Refractio major min: 32. Pro crepusculo ferè sufficeret altitudo 6. mill: ital: Hæc fortè ibidè reperibilis est, nò altera; unde frustra fatigaretur Peregrin: qui eò pergeret, ut solis lux perpetua luceat ei.

PROPOSITIO CI.

An sub Polo Arctico sit dies tam longa, quàm sub Antarctico?

Utrobique durat dies anno dimidio, ut dictum est Prop: 9. n. 2., ab uno æquinoctio ad alterum; longior tamen est sub Arctico, circiter 5. dieb:; quia sol tantò diutius moratur in sex signis Borealibus supra eorum horizontem existentibus, quàm in An-

Aralibus, quamvis æqualiter in suo Circulo moveatur. in toto mundo longissima.

Sub Arctico igitur est dies

PROPOSITIO CII.

Quinam Terræ Parti Sol magis faveat ?

Boreali nostræ, & præcipuæ mundi parti, quia in hac, ut dictum est, diutius moratur, tempusq; veris, & æstatis facit longius. Autumniq; & Hyemis brevius, quam in Australi. Hinc in sphaera obliqua inter sidera præstat videre Urfas, quam Pavonẽ.

PROPOSITIO CIII.

Quis possit Hyeme perpetuò carere ?

Aptissimæ ad hoc videntur Hirundines, ob volatûs celeritatẽ, qua 100. pedes Geom: emetiri intrâ unum secundum temporis minutum notatæ sunt à Kircherò nostr: Igitur hyeme ingruente in hemisphærio nostro Boreali, brevi tempore transvolare queunt ad Regiones, ubi Ver incipit in Australi, puta intrâ triduum hor. 9. 20. min.; 31. sec: continuo volatu per grad: 85. m. 32. Wratil: *ultra Caput Bonæ Spei*. Post aves aptæ sunt naves, quæ intrâ diem, 60. & quandoque 100 mill: Germ: percurrunt.

PROPOSITIO CIV.

Utrùm diebus æquinoctij ubique sic dies nocti æqualis ?

Nullibi est, in rigore loquendo; quia tunc refraçtio, à qua præscidimus in Prop: 8. 9. & 10., solẽ attollens, facit oriri citiùs, & occidere tardiùs, quàm horâ 6., In sphaerâ autẽ Parallela apparere totũ, supra horiz., cùm aliàs dimidiã ipsius, quasi nocti deputatũ, deberet latere sub horizonte. Itaq; extra æquinoctiũ est æquinoctiũ, quando in Tab: dies 12. horis tantò brevior assignatur, quantum per Refraçtionẽ prolongatur, 3. circiter vel 10. min. Imò in sphaera Recta, sub æquatore, nunquam est æquinoctium.

PROPOSITIO CV.

Utrùm sol eodem momento oriatur in inferiori hemisphærio apud

Antipodes, quo occidit in Superiori ?

Non eodem, sed aliquot minutis citiùs, quàm in occasu nostrate reipsa attingat horizonẽ, ob refractionem apparet in hemisphærio inferiori; ac etiam postquam reipsa exiit infra horiz., adhuc apparet 4. vel 5. min: supra nostrũ horiz. Similiter in ortu apparet diutius, infra, & citiùs supra horiz: Itaq; duo dies artificiales utriusq; hemisphærij simul sumpti semper sunt 24. horis solaribus longiores, noctes verò breviores. Adeò lucis Creator optimus, qui dividit lucẽ à tenebris, in luce Terris largiens da semper est liberalior; Ejusq; exemplo etiã hic elucet: favorabilia esse amplianda.

PROPOSITIO CVI.

Quantam Globi Terraquei partem, homo in Terra, vel maris superficie

stans, videre possit ?

Homo stature ordinariæ 5. & dim: ped: Rom: antiq: à planta pedis usq; ad oculos, stans in superficie maris, vel Terræ, sed maris instar sphaericæ, plus videre non potest, quàm duo min: & 30. secunda, ut in Fig: 20 stans in S.D., ex D. usq; in B., sive ex S. in B., idest: 2. mill: Ital.; 617. Pass: & 2. Pedes; in oppositam partem tantundem. Pro aliis altitudinibus reperiẽs distantiam, si adverteris, quæ dicta sunt Prop: 86.

In Terra passim plus videtur, quia superficies non est perfectè sphaerica,

PRO-

PROPOSITIO CVII.

Quanta Terræ portio à Sole simul illuminetur?

Iuxta Ricciolum Almag: l. 3. c. 11., ultra hemisphærium illuminantur à Sole Apogæo 29°. 40', Perigæo 32°. 16', *magis non refractis; spectata autem Refractione horizonti: 32. min:; ab Apogæo 1°. 33. 40'. Perigæo 1°. 32. 16'.*

PROPOSITIO CVIII.

Quo Terræ loco Solis umbra possit naturaliter retrocedere?

IN Zona Torrida id fieri in horizontali horologio solari ostendit Clavius noster in Horologiorū descript: c. 21.: Nam ibidem, etiam Turriū, arborū, & aliorū juxta perpendic: erectorum umbra, in plano horizontali, bis in die ita regreditur, ut angulus, quem facit cū linea meridiana, ex minori aliquamdiu augeatur, & rursus minuat, ante, & similiter post merid. Quod ipsum in tali horologio etiam alibi experiri licet, si planum horologij ita inclinetur, ut polus supra illud non sit magis elevatus, quàm requirat delineatio facta pro loco intra Zonam Torridam posito.

Alio modo umbrā horologij solaris retrocessisse, ab hora 12. in meridie, usq; ad primum quadrantē ad 12., & hinc deinceps regulariter motā fuisse, observavit R. P. Romualdus, & Fr. Lucianus, cū Fr. Alexio de Lana Mediomatrici die 7. Jun. 1703. ut refertur in actis Erud: Lipsi: A. 1709. tomo 4. supplem: scđ: 1. Causa fuisse creditur Refractio. Neuter tamen modus derogat miraculo Horologij Achaz, quia tunc in ipso Cælo reversus est Sol decem lineis per gradus, quos descenderat. Isaia. 38.

PROPOSITIO CIX.

An bene incesserit Horologium perpendiculo instructum, quod longo tempore accuratē concordavit cum horologio solari?

NEquaquam; quia dies solares 24. horarum sunt inter se inæquales, ut ostenditur ab Astronomis, ac proinde etiam horologij istius dies fuerunt inæquales, contra officium Perpendiculi, quod est reddere æquales.

PROPOSITIO CX.

Ubi sit medium Terræ?

Est Hierosolymis in Palæstina, seu Terra sancta, ut docent aliqui ex scripturist & SS. PP., qui Christo ibidē nostræ salutis opus consummanti applicant illud Ps. 73. *Operatus est salutem in medio Terræ*, ut videre est apud Le Blanc in hunc locum. Ipse etiā Deus, Ezech: 5. ait: *Ista est Jerusalem, in medio gentium posui eam, & in circuitu ejus terræ*; trium videlicet orbis partium: Europæ, Asiæ & Africæ, in magna Contiente mundi veteris. Sensus tamen non est, ab hinc æqualem esse distantiam in omnes istius Continentis fines, ut in rigore Geometrico à centro ad Circuli peripheriā; neq; etiā ejusmodi æqualitas in his Terris reperitur. Per Crucem tamen ab Hierosolymis acceptæ distantia, binæ & binæ, præ aliis accedunt ad æqualitatē: duæ majores, ad Caput Bonæ spei & ad finē Borealisitoris orient: Asiæ; duæ minores, ad fines occident: Hispaniæ; & littora citer: Ind: orient: apud Ins: Ceilon, ut patet consideranti sphæ. Geogr.

PROPOSITIO CXI.

An Terra sit Figuræ Ovalis?

EX discrepantia observatæ magnitudinis Terræ, & graduum in diversis observationū locis,

locis, suspicati sunt quidam, ut refert P. de Chales, & recentius colligit D. Joan: Eise-
schmid Phil: & Med: D. in erudito suo opere. Sed, ut monet præfatus author, pluri-
bus ad id persvadendum opus est observationibus, quarum accuratio in dubium re-
vocari non possit, ut quarundam hæcenus allatarum.

PROPOSITIO CXII.

Sub quo signo Zodiaci positæ sint Urbes?

Nulla sub ullo signo Zodiaci constanter exiit, quia nullū ulli constanter est verti-
cale, sicut quibudam locis est Polus, Equator, Tropicus, vel Polaris Circulus. Per
verticē nulli urbi transit tantum vñs, sed duo signa, & non nisi intrā Zonam Torri-
dam. Extra verò, propinquissima vertici sunt sig: Geminorū, & Cancrī, omnibus Bo-
realibus; Sagittarij, & Capricorni omnibus Australibus. Quodnam signum ascen-
derit, quando Urbs fundata fuit, nemo notavit, & vix notare ullus potuit. Linea
recta duci potest à quolibet ad quamlibet. Aliud etiam fundamentum nondum
innotuit præter disponentium arbitrium.

PROPOSITIO CXIII.

Unde advertatur in Mappis, quæ Provincia sit major altera?

Illa est major, quæ plures gradus Circuli maximi, id est: æquatoris, vel meridiani, vel
plura milliaria quadrata suæ scalæ complectitur; non verò, quæ majus Tabulæ suæ
spatium adimplet; sepe enim pauciores gradus, & milliaria, in majori mensura ex-
primuntur, & plures in minori. Hinc cave existimare, Europam Asiæ esse parem, &
partibus reliquis majorem.

PROPOSITIO CXIV.

Cur in Zona Torrida nō sit tantus calor, quantum existimabant esse veteres?

Ideo, quia aër à sole vertici propinquo per diem calefactus constanter, iterum tanto
serè noctis tempore, quotidie refrigeratur, & quidē plūs, quàm alibi, quia sol profun-
dids & propinquids ad Nadir descendit, ita ut ejus Radij latera orbis tangent, ab in-
colis illis sint remotiores; quàm ubi sol non procul infra horizontē descendit. Acce-
dit motus perpetuus aëris, seu ventus, ab ortu in occasum; imbrum copia, quando
sol vertici est vicinior; ac denique magna aquarum terrestrium copia in lacubus, &
fluminibus maximis, ipsòque Oceano, quæ ex natura sua semper magis inclinant ad
resinendum, vel repetendum, terræque & aëri communicandum frigus.

PROPOSITIO CXV.

Qualem auræ temperiem venti adferant ex variis Terræ partibus?

Frigus nobis adfert à septentrione, glacie & nivibus abundante, Boreas, sapius jun-
ctum serenitati, quia vapores maris ibidē glacies diu impedit, donec prævalente
calore fiat resolutio. Frigus participant venti ejus laterales, siccum ex parte orien-
tis, humidum ex parte occidentis.

A meridie adfert calorem ex Regionibus calidioribus, & subinde pluvias, in nubi-
bus ex maris Mediterranei vaporibus collectis, præsertim vicinus ex parte occidentis;
nam ex parte orientis plūs serenitatis conceditur. Præterea, ut scribit Hippocrates,
Australis ventus aures hebetat, sensus tardat, capitis dolores movet, alvum solvit, to-
sum corpus efficit hebes, humidū, languidum. Unde Author Thaumaturgi Physici

Probi;

Probl. 93. amicos admonet, ut ne illum, cujus captanda benevolentia, conveniant recenter domum reversum, si auferat flaverit; eo quod morosos & subversivos reddat; quos liberalius afflaverit.

Ab Occidente multæ & diuturnæ pluvix adducentur, ex vaporibus Oceani Occidentalis, à nobis non sat remoti.

Ab Oriente plus serenitatis, quàm pluviarum, quia mare ea parte est remotissimum, & nubes ex illo fonte collectæ per interpositos longissimos Terrarum tractus sese onerant. Subinde tamen nubes ex occidente prius allatas ad nos repellit.

PROPOSITIO CXVI.

Cujus Plagæ Ventus œconomis afferat indicium pabuli cuius consumendi?

A Septemtrione spirante Borea, observatum est, animalia plus pabuli absumere, minus flante Austro à meridie; siquidè ob illius frigus per antiperistaltism interitum collectus calor animalis fortius operatur, quàm dum nullo contrario cohibente sese per exteriora membra diffundit, & per poros apertos expirat. Unde & in hominum, majoribus præsertim contubernis, notatum est, cæteris paribus, majore cibi quantitate consumi hyeme, quàm æstate. Itaq; juvat appetitum, & evacuat penuriam Boreas; ad satietatem conducit Aust. Oeconomis interest, cujus Plagæ vento ovilia sint exposita.

PROPOSITIO CXVII.

Quæ mundi Plaga musicis faveat?

Favet præ cæteris occasus æquinoctialis; Favoniis sub, sive Zephyro, ut eorum harmonia sit auribus gratior; nam flante Zephyro, instrumenta musica sonum dant lætiorem.

PROPOSITIO CXVIII.

Qui venti, in quibus maris partibus, præcipue timendi sint?

Encæphæa prorumpit ex nubecula, ob figuram suam *oculus bovis* dicta, quæ apparere solet inter Africam & Brasiliam, præcipue circa Promontorium Bonæ Spei, in monte non procul disito, superius instar mensæ plano, ideòque *Tafelberg* dicto, super quo primùm dilatatur, quasi in mensa strata; sed mox inde tanto impetu ventus erumpit, ut naves imparatas in Tartara præcipitet. Ex mari quoque rubro subinde tantum arenæ ejicit, ut viatores obruat, inter Murnias colligendos. Simile quid operantur nubeculæ apparentes super monte Atho Græciæ, & monte Viennæ Allobrogum.

Typhon, Indis *Oracum*, Saracenis *Olifant*, impetuosus ventus desuper à vertice irruens ex occidentali Plaga, rapidæque vestigine spirans per omnes ventorum Plagas inter 24. aliquando inter 6. horas, qui primò mare complanat, mox decumanos fluctus attingit, & quandoq; ad 1. milliæ naves in Terrâ transportat. Sævis solet in Sinu Mexicano, & Canali Bahamæ, ubi simul gignit febres pestiferas, & dysenterias uno die enecantes, mensibus æstivis. Omnium autem violentissimè inter Chinam & Japoniam, præsertim à novilunio Junij, & ineunte Autumno. In civitate *Ardabil*, Persiæ, quodvis oritur, mense Junio & Julio, sole meridianum attingente.

Encæphæa prorumpit ex nubibus cum magnæ imbrium copia, in cæteris Encæphæis similis. Nubes illæ dicuntur *Siphones* vel *Tuba*, Lusitanis *le Meneis*, quæ super præ supra Mediterraneum, quàm Oceanum apparent in modum coronæ radios emittentis, videnturq; aquas maris attrahere, easq; deinde supra naves præcipitare.

Præter est ventus impetuosus, erumpens cum fulgure & flamma, qui sæpe mergit naves, & aquas ita inflammat, ut ebullire videantur.

PROPOSITIO CXIX.

An Terra moveatur motu titubationis, citra & ultra Centrum universi, quolibet pondere in locum alium translato?

Non movetur, quia, vel adeo à DEO firmata est, ut nullâ omnino etiam Angelicâ potentia à centro universi dimoveri possit, quemadmodum docet S. Greg. lib. 2. moral. c. 15. & S. Thom. q. 16. de malo, conformius ad illud Psal. 104. *Fundasti Terram super stabilitatem suam, non inclinabitur in seculum sæculi*; vel saltêm propter gravitatem suâ ingentem (quæ stervino 4. quadramillionû, & quadringentorû Trimillionû librarum) immobilis redditur, nè cedat aliis minoribus ponderibus, quæ eidem comparata physicè insensibilia sunt, magis, quàm ala muscæ, vel pulvisculus comparatus, & appositus ad lances libræ, in æquilibrio sustententes utrinque 10. libras, ut monet Ricciolus alm: lib. 2. c. 3. Centrum tamen gravitatis ipsius, quolibet parvo pondere translato, mutatur.

PROPOSITIO CXX.

Quomodo peregrinus in medio maris, vel solitudinis scire possit, in quo puncto superficiei orbis existat, & quonam ulterius tendendum sit?

Rescire potest, inveniendi loci præsentis Latitudinem, & Longitudinem Geogr., modis sequentibus facilioribus:

Latitudo loci cum Elevatione Poli reperitur 1. Ex stellis, si unius, quæ circa Polum apparentem describit Circulû supra horizontè, altitudo maxima & minima observetur ope quadrantis divisi, vel Trianguli Rectanguli, & dimidiû differentie altitudinû addatur minimæ. 2. Ex sole, si similiter observetur ejus altitudo in meridie, eidemq; addatur declinatio Australis, vel auferatur Borealis (in nostro hemisphærio; nam contrariû sit in altero) competens loco solis illius diei, de quo Prop: 16. & 19.; quod prodit, est altitudo æquatoris, quæ si subtrahatur à grad: 90., remanet Elevatio Poli. 3. Ex quantitate viæ, Polum accedentis vel deferentis: nam singulis 15. milliariis accessu augetur, & recessu minuitur, uno gradu.

Longitudo Geogr. reperitur 1. Ex accurato horologio rotato, quod directû fuit juxta solem in loco discessus, & horas deinceps istius loci accuratè ostendit, quocunq; translatum fuerit: si enim in altero loco cognoscatur tempus ex sole, vel stellis (postquam nota fuerit loci Latitudo) & sit unâ horâ plûs, quàm in horologio, signû erit, locum præsentè esse 15. grad: orientaliore loco discessus; occident: verò si fuerit unâ horâ minûs, Ratio patet ex Prop: 1. n. 4. Tantundè igitur si addatur, vel dematur longitudiniloci discessus priûs notæ, prodit longitudo loci præsentis. 2. Ex itineris quantitate: nam singulis 15. mill: Ger: in æquatore, (paucioribus autè in ejus Parallelis juxta dicta Prop: 30.) orientem, vel occidentem versûs, respondet unus gradus, per tale iter auctæ, vel imminutæ longitudinis respectû loci discessus. Inventa Longitudo & Latitudo, si accipiat in mappa, dat punctum loci, quod quærebatur. Mappa autem collocata ad solum mundi, ostendit, quonam eundem sit, juxta Prop: 2. & 33.

Sic itaque dirigi potest, etiam *Via navû in medio mari*, quod olim rarum, aut prorsus ignotum fuit.

Felix Viator, qui agnovit, & sequitur veram viam ad Portum salutis æternæ,

A. M. D. G.

MAG 2023499




Fig. 10.

